


WANTOK



WANTOK PUBLISHED EVERY FRI ON PAPUA NIUGINI STREET

32 pes

Namba 1,404

Wik stat long Fonde Mei 24, 2001

70t

Pes 29

Panim Bal resis ... winim prais

Pes 15-16

Ol nius long ovasis

Pes 2

Ol nupela pati i kamap

Pes 3

Nogat pro kendident long 2002

Pes 71

Takaj Kapi i no asua

Ol nupela kabinet minista bilong Mekere Gavman

Sir Mekere Morauta - Praim Minista na Tresera
Michael Ogio - Deputi Praim Minista na Forestri
Moi Avei - Bogenvil

Afeas
Chris Haiveta - Leba na Emploimen
Sir Pita Lus - Kalsa na Turism
John Pundari - Foren Afeas

Charlie Benjamin - Lens na Pisikel Plening
Henry Smith - CIS
John Tekwie - Sivel Eviesen
Roy Yaki - Petroleum

na Eneji
Peter Ipatas - Maining
John Waiko - Edukesen
Tommy Tomscoll - Helt
Ludger Mond - Hausing
Muki Taranupi - Agrikalsa
Tukape Masani - Tred na Industri
Puri Ruing - Jastis
Andrew Kumbakor - Fainens, Plening na Rurel Developmen
Iairo Lasaro - Provinsal na Lokol Gavman Afeas
Herowa Agiwa - Envaromen na Konvesesen
Jimson Sauk - Plis
Kilroy Genia - Difens
Vincent Auali - Praivetaisesen na Kopretaisesen
Philemon Embel -


Praim Minista rausim ol



• Sampson Napo.
Pablik Sevis
Alfred Pogo - Trensport na Woks
John Kamb - Komyunikesen
William Ebenosi - Hom Afeas
Ron Ganarofu - Fiseris



• Bart Philemon.
Ol nupela Minista
Roy Yaki - Petroleum na Ejeni
Peter Ipatas - Maining
Tommy Tomscoll - Helt
Tukape Masani - Tred na Industri



• Michael Laimo.
Praim Minista i rausim ol
Samson Napo - Kalsa na Turism
Bart Philemon - Foren Afeas
Michael Laimo - Maining

Ol nupela minista



• Roy Yaki, Petroleum na Eneji.



• Peter Ipatas, Maining.



• Tommy Tomscoll, Helt.

Pipel tok ol lida i kisim liklik sas tumas

TAIM Pablik Prosekjuta i sasim lida long brukim lo aninit long lidasip kod o lo i banisim ol lida, plis tu i ken sasim dispela lida long seim rong aninit long kriminol kod, ol wokman bilong Ombudsmen Komisn i tokaut.

Ombudsmen Komisn nau i wok strong long salim ol opisa bilong em i go long olgeta hap bilong kantri long toksave long wok bilong Komisn na tu kisim ol kompelen na hevi bilong ol pipel.

Ol opisa bilong Komisn i tokaut olsem Komisn i bin lukluk long hevi we ol lida i save brukim lidasip kod na skelim wantaim lo long yia 1992 na ol i bin traim long mekm sampela senis na ol i kisim

dispela wari ig o long Spika bilong Palamen long toktok wantaim ol memba bilong palamen long toktok long en, tasol nogat wanpela samting i bin kamap i kam inap nau.

Ol opisa bilong Komisn i mekim dispela toktok taim ol i bin raun i go long Kwikila stesin long Rigo distrik long las wik.

Insait long dispela raun, sampela pablik sevans long Kwikila stesin i toktok strong long wanem as na ol bikman o lida i no save kisim strongpela mekimsave taim ol i stilim traipela mani bilong Gavman na ol pipel.

Wanpela tisa long Kwikila Hai

Skul i tok i luk olsem ol liklik man long strit i save kisim bikpela mekimsave moa taim ol i stilim ol liklik mani tasol o wanpela tinpis long stua.

Em i tok i luk olsem taim ol lida i mekim rong na kot bilong ol lida o Lidasip Traibunel i painim tru olsem ol i bin mekim rong, strongpela mekimsave tru em Lidasip Traibunel inap long givim long dispela lida olsem rausim em long wok na salim em i go long kalabus. Long nau yet, lida i no save go long kalabus olsem ol arapela manmeri long strit tasol ol i save lusim wok na stap fri man na raun gut.

Ol i tok strong olsem wanem na


Ombudsmen Komisn i no inap go long Suprim Kot na traim senisim dispela mekimsave bilong ol lida i rong i go bikpela liklik bai ol lida i ken pret na i no inap mekim pasin nogut moa.

Planti pipel bilong Kwikila i tokaut olsem i luk olsem Provinsal Gavman rifom i no wok na ol liklik taun na ol manmeri long ples i no kisim wanpela liklik sevis i kam long Nesenel Gavman olsem nupela lo long Provinsal Gavman i tok i mas kamap.

Ombudsmen Komisn i bilip olsem wok bilong em ino long traim stretim ol lida taim ol i mekim rong, tasol ol i mas go na tokaut na toksave tu long ol lida long tok-

save long ol pablik long ol dispela wok bilong ol lida.

Ombudsmen Komisn i statim dispela wokabaut bilong em raun long kantri nau we namba wan bikpela bung em long Kokopo long namba tu wik bilong dispela mun we Sief Ombudsmen Ila Geno. Ekting Ombudsmen John Toguata, namba wan loya bilong Komisn David Cannings na ol arapela opisa i bin bung wantaim planti ol lida bilong Niugini Ailan long toktok long wok bilong ol olsem lida aninit long Lidasip Kod. Lidasip Kod em lo we i karampim wok na wokabaut bilong ol lida na i tokaut long wanem samting ol i mas mekim.



• Ol nupela minista sanap raunim Praim Minista Sir Mekere Morauta (sindaun lephan), Sir Silas Atopare (namel) na Deputi Praim Minista Michael Ogio. Foto: JOE IVAHARIA.

PLIS RIPOT

Hagen: I gat bikpela kros namel long ol plis na woda long Hagen Westen Hailans provins.

Dispela kros i kamap long dispela wik taim ol plis long Hagen i holim pas wanpela woda long wanem ol i ting em i bin kilim wanpela kalabus man husait i ranawe long Baisu sel long las wik.

Long dispela wik distrik na nesanel kot long Hagen i no harim kot long wanem ol woda i no lusim ol lain i stap long sel i ken go long kot bilong ol. Ol i tokim ol plis long lusim dispela woda ol i holim pas na bihain bai ol lusim ol kalabus man.

Jas Timothy Hinchliffe i no amamas long dispela pasin ol woda i mekim na em i tok ol i mas larim ol man husait i mas go long kot.

Mosbi: Plis i holim pas 5-pela man bilong Saina husait i stap hait long 17-mile long kakaruk fam na wokim haus bilong ol. Ol dispela man i mekim wanpela haus kakaruk i kamap haus bilong ol long silip na taim plis i kisim toktok olsem ol man i stap long hap ol i go na holim pas ol.

Boroko distrik kot i painimaut olsem wanpela bilong ol dispela 5-pela i brukim lo na i rong long stap long PNG na ol i rausim em i go long Saina. Ol narapela i stap yet na kot bilong ol bai kamap long dispela wik.

Plis i lukim pinis olsem dispela ol man em ol bot pipel husait i bin kam long Is Nu Briten 2-pela yia i go pinis.

"Ol stilman i bin kisim gan na naif na go insait long wanpela haus long 2-mail na hansapim ol lain na stilim ol samting klostu long K1000. 2-pela wik bihain long sem ples ol raskol katim wanpela hai skul sumatin na paitim papamama na brata bilong em.

Rabaul: Wanpela bikman long Rabaul, Mista Kuvil Tokunai i tok ol plis i mas sekim gut ol pasindia i kam long ol sip na balus. Em i tok nogat gutpela masin long Tokua eapot long sekim ol samting bilong ol pasindia na long wof ol plis i no stap long sekim ol pasindia.

Em i tok dispela i mekim na planti raskol i kisim ol hai pawa gan i kam insait long provins na stil pasin i go bikpela tru.

Ol bagarap lain fomim grup bilong singautim gavman

OL pipel husait i bin lusim ples bilong ol taim volkeno i pairap na stap long ol risetelmen eria i fomim wanpela presa grup long mekim gavman i ken bringim gut sevis long ol.

Komiti i gat 12-pela memba bilong ol risetelmen ples long Balanatom na Kombiu lokol level gavman erias na dispela grup i kamap Tunde long dispela wik taim ol i mekim wanpela miting long Gelegele Risos Centa.

Siaman bilong komiti Mista Robin Papat i tok dispela grup i kamap long wanem ol pipel i no amamas long wanem ol gavman opisa slek tumas long lukluk long ol nid bilong ol lain na dispela i no gutpela. Ol i laik bai gavman i mas mekim ol sevis i go long ol risetelmen pipel.

Mista Papat i tok klostu olsem 7-pela yia nau long taim volkeno i pairap gavman i bin toktok long long bringim developmen i kam long ol risetelmen ples tasol nogat wanpela wok tru i kamap long helpim ol pipel.

Kain sevis olsem gutpela helt, plis stesen, seveim graun i stap long risetelmen ples na ol narapela sevis i no go long ol.

Mista Papat i tok dispela komiti i bihainim ol dispela restoren wok bilong gavman na putim presa long gavman i mas putim eksen long toktok bilong em.

Long bung bilong komiti long Gelegele ol memba i tok raskol pasin i kamap bikpela long risetelmen eria olsem na i mas gat plis stesen kwik taim, tu we redio taim telepon i nogat na ol problem bilong trenspot i mas kamap gut.

Dispela komiti i bai holim miting long olgeta wik na toksave long wanem samting ol i mekim long karimaut toktok bilong ol.

Leba Pati i kamap pinis long PNG

YAKAM KELO i raitim

LEBA Pati i kamap pinis long Papua Niugini. Em i wankain olsem Leba Pati bilong Australia we Prais Minista John Howard i go pas long en long Australia.

Jenerel Seketeri bilong PNG Tred Yunion Kongres (PNGTUC) John Paska i tokaut long Leba Pati long dispela wik olsem Leba Pati bai wanpela bikpela na strongpela pati we ol i redi long go insait long 2002 nesanel ileksen.

Mista Paska i tok Leba Pati i sanap long makim ol manmeri bilong ples na olgeta wokmanmeri bilong taun husait i save kisim bikpela hevi bikos long ol disisen na pasin bilong Gavman long tude. Dispela Leba Pati i kam aut long bikpela opis bilong olgeta yunion bodi em PNGTUC.

Mista Paska i tok planti bagarap i kamap pinis long kantri long ol disisen na eksen bilong dispela Gavman. Krai bilong ol wokmanmeri na grasrut i bikpela tumas we ol yunion i save kamapim na bikmaus olgeta taim long en. Olsem na long dispela as, Leba Pati i kamap long karim ol dispela wari na hevi na bai pait long wok politiks long traim stretim dispela wari na kra i bilong ol pipel bilong Papua Niugini.

Mista Paska i tok Leba Pati i gat rum long sanapim ol mausman insait long pati eksekutiv we ol dispela mausman bai makim ol grasrut pipel, ol studen, ol yunion manmeri, ol papagraun we ol risos i sanap long en, ol meri na ol yut. Dispela pati em bilong ol dispela lain bikos ol bai i gat ol mausman i stap insait, Mista Paska i tok.

Mista Paska i tokaut olsem wok bilong

yunion i no inap bungim hevi bikos yunion bai sanap strong long wok bilong em yet na Leba Pati bai i go long rot bilong em long politiks. Olsem na wok bilong yunion na Leba Pati ino inap paulim narapela.

Mista Paska i tokaut olsem long arapela bikpela kantri, ol yunion i save gat politikel pati bilong ol olsem long Amerika i gat Leba Muvmen pati na wankain tu long Inglen.

I gat narapela pati we i bin kamap pinis em Pipels Leba Pati we bisnisman na olpela memba bilong Sumkar Peter Yama i go pas long en. Nau em Leba Pati we PNG Tred Yunion i kamapim.

Tasol Mista Paska i tok dispela nem i noken paulim ol pipel na ol bai stretim dispela samting bihain. Tasol long nau yet, pati i gat setifiket pinis na em bai rejista na soim pati polisi bilong em ples klia long soim ol as Leba Pati i sanap long en na i laik go long ileksen 2002.

Mista Paska i askim olgeta arapela pati tu long soim pati polisi bilong ol nau bai ol manmeri i ken luksave na glasim bikos em i ting nogut taim bilong kempen tru i kamap, bai ol pati i yusim mani long grisim ol manmeri long votim ol na ol i no inap yusim polisi long winim vot.

Mista Paska i tok Leba Pati bai wanpela bikpela pati na i no inap pundaun na pinis olsem ol sampela pati we nem bilong ol i save pinis bikos lida i dai o ol memba i lusim na go long narapela pati o ol lida i lus long ileksen. Leba Pati bai sanap longpela taim yet bikos em igat strongpela as em i sanap long en na sapot bilong em i bikpela long olgeta hap olsem na pati bai sanap laip yet long longpela taim i kam bihain, Mista Paska i tok.

Pipels Fridom Pati bai sanapim ol nupela kendidet

YAKAM KELO i raitim

PIPELS Fridom Pati em wanpela nupela polikel pati we i bin tokaut long resis long 2002 nesanel ileksen. Dispela nupela pati i laik sanapim ol nupela man husait i no bin traim politiks yet bikos ol i laik go insait long ileksen wantaim nupela tingting na pasin bilong lida. Long Fonde las wik, tripela bikman i go pas long pati ya em Moses Murray, wanpela biknem loya, Patrick Harricknen wanpela loya tu na Passingan Taru wanpela biknem lo man i bin tokaut long kamap bilong Pipels Fridom Pati long Morata 1.

Mista Murray insait long ol toktok bilong em i tokaut olsem taim ol man nogut i holim pawa, ol pasin nogut na bagarap bai kamap planti na bikpela. Na dispela pasin i kamap ples klia tude long politiks bilong Papua Niugini.

Mista Murray i tok taim ol lida i kisim pe long potnait, dispela em mani i kam long takis mani bilong ol pipel olsem na dispela em inap long ol i ken

yusim long laip na sindaun bilong ol. Na ol i noken traim long kisim ol arapela mani bilong ol pipel gen na putim long poket bilong ol.

Ol dispela hevi wantaim planti arapela hevi moa we ol lida i kamapim long kantri i mekim planti bagarap long sindaun bilong ol pipel pinis, Mista Murray i tok.

Mista Harricknen i tokaut tu olsem pati bilong ol bai kisim ol nupela man husait i no bin stap insait long wok politiks bipo. Ol bai i gat ol saveman na eksperiens lain insait long publik sevis na ol praveit kampani na ol husait i save lukautim na ronim ol wok bilong ol yet na i save long lukautim ol wok na hevi bilong en.

Mista Harricknen i tokaut olsem wanpela bikpela hevi tu insait long kantri tude em het i no got stret olsem na teil tu i no go stret. Het em ol lida na teil em ol pipel. Olgeta samting i save bihainim het. Sapos het i no bihainim stretpela rot na i no soim gutpela piksa, bai teil tu i no inap bihainim stretpela rot na bai pundaun nabaut, Mista Harricknen i tokaut.

Mista Taru i tok lidasip em wanpela bikpela hevi tru insait long kantri olsem na Pipels Fridom Pati i laik kam insait long dispela eria bilong senisim ol kain lida we i no go pas gut long lukautim pipel na ronim gut kantri.

Long glasim ol bikpela hevi dispela kantri i bungim i kam, Pipels Fridom Pati i tokaut olsem; publik sevis i sevim em yet na ino pipel, ol lida i tingim ol yet na i no sevim gut pipel, wok bilong sevim pipel em ol lida i karamapim wantaim mani na amamas bilong ol yet, ol pasin bilong stil na paulim ol samting i kamap bikpela na i mekim olgeta lain i laik bihainim tu, lida i no tok tru, mekim planti sin, i no tingim arapela na i no laikim arapela, planti gutpela samting long bus graun na solwara i lus, bikpela dinau long ol beng long ovasis na long PNG yet, ol pasin na rot bilong kamapim gutpela edukesen, helt sistem i bagarap na mekim ol yangpela i go insait long ol bikhet pasin bilong spak brus, dring bia na raskol pasin. planti ol save-

manmeri i nogat wok, ol lo na polisi bilong leba long sait bilong wok i lukdaun o daunim ol arapela olsem ol meri.

Pipels Fridom Pati i laik sanap long; kamapim lidasip we i ken kamapim lida bilong tok tru, bel na tingting bilong em i mas gutpela, i no man bilong tingim em yet na i save laikim ol arapela. PFP i laik kamapim lida we bel na tingting bilong em i klia long laip na sindaun bilong ol pipel na wok strong bihainim mama lo bilong Papua Niugini na bikpela tru em long mekim ol pipel i stap fri long ol kain kain wok o pasin we i inap daunim ol na mekim ol i stap turangu lain long mani, kaikai, wok o long risos bilong ol na kamapim gutpela luksave na soim gutpela rot i go het long ol pipel i ken stap amamas na wokabout gut bihainim long wanem kain wok o laip ol i stap long en.

Antap long het tok bilong Pipels Fridom Pati (PFP) o pletfom, ol bai sanapim dispela tripela bikpela tok, Fridom, Raitis na Envaromen.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Ltd.

General Manager and Group Editor in Chief:
Anna Solomon.
Acting Advertising Manager:
Jocko Oberleuter

Papers distributed by air throughout PNG. Available by air mail subscription within Papua New Guinea and overseas
Email address:
word@global.net.pg

Advertising deadlines. Display bookings: Tuesday midday. Camera ready copy: Wednesday midday
Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

TOO

CRIME STOPPER TOO
LUKIM WANPELA
MAN KAIKAI BUAH
INSAIT LONG BAS
NA EM I GO STOPIM
DRAIVA BILONG
BAS!!!

DRAIVA, STOP PASTAIM!
MI LUKIM SAIT BOI
KAIKAI BUAH, YAH!
HOLIM BAS! HOI!!

MAUS BILONG YU PULAP
LONG BUAH... KAMON,
PEIM TU-KINA NAU!

HEY! MI
KAIKAIM
BUAH LONG
HAUS, YA!

MASKI BUISIT NABAU!
HARIAP, TUKINA IKAM!

ORAIT, YU
KAM KLOSTU
NA KISIM!

SSPAAT!! EM YAH!
KISIM BUAH IGO NA
KARIM TUKINA TU IGO!

ARG!!



Hevi kamap long ol Wes Papua long boda

KATOLIK Sios long Vanimo i askim PNG Gavman long tokaut klia nau long sindaun bilong 462 Wes Papua manmeri husat i stap nau long Vanimo pastaim long ol i ken painim moa helpim olsem kaikai, kolos na ol karamap samting long ol arapela sios na-ol arapela NGO grup.

Katolik Sios i mekim dispela toktok bikos ol sel bilong ol haus sel i bruk nau bikos long

longpela ren na na hot bilong san.

Katolik sios i tok ol i pusim ol yet nau long kaunim namba bilong ol manmeri olgeta de long sekim namba bilong ol manmeri olgeta de long husat i go aut na husat i kam insait long kem. Dispela em bikos sampela manmeri i bin go bek pinis na i no moa stap long kem.

Sios i tok Gavman bilong

PNG i mas stretim na makim wanpela hap stret long ol Wes Papua lain ya i ken stap stret long en na UNHCR i ken kam insait givim ol luksave bilong refuji sapos ol dispela lain bai i go het na stap yet long PNG boda long narapela 16 mun na mani i mas sambai long Gavman i ken putim ol wokman bilong em i stap long lukautim na was long kem olgeta taim.

Laspela Bogenvil toktok bai kamapim agrimen

VERONICA HATUTASI i raitim

OL BOGENVIL toktok i stat gen long dispela wik long Gateway Hotel long Mosbi.

Bogenvil Afeas Minista Moi Avei i go pas long bai patisen Nesanel Gavman grup taim Gavana John Momis na Bogenvil Pipels Kongres lida Presiden Joseph Kabui i go pas long Bogenvil grup.

Minista Avei i tok ol dispela toktok i kamap bihainim ol paitman long Bogenvil i wanbel na sainim agrimen long lusim ol samting bilong pait insait long

tupela wik i go pinis. Na rot bilong kirapim gavman i gat moa pawa long Bogenvil i klia nau.

Minista Avei i tok agrimen long rausim ol samting bilong pait na plen bilong skruim dispela wok em ol i sainim long Buka long Me 9.

"Sampela ol eks paitman husat i bin hatwok long kamapim plen bilong rausim ol samting bilong pait i km long Mosbi long stap insait long bung long lukim rot we plen bilong kirapim gavman i gat moa pawa long en bai go olsem wanem.

"Mi tok strong gen olsem i bikipela sam-

ing long yumi mas kamapim karamap long politikel setlemen we yumi olgeta i wok long en taim yumi pinisim wok bilong gavman i gat moa pawa we Bogenvil i laik kirapim, "Mista Avei i tok.

"Em i bikipela samting long i no pinisim wok tasol yumi mas mekim dispela wok na gavman i ken kamapim Bil o lo na gesetim, toktok long en na palamen i ken tok oraitim bipo long 2002 Nesanel lleksen," Mista Avei i tok.

Mista Avei i tok dispela Bogenvil toktok we ol i holim nau i

mas laspela sapos ol laik bungim detlain.

"Mi salensim ol Bogenvil lida long stretim ol samting i stap yet long agenda na olgeta samting we i sut long politikel sait em ol i mas pinisim na redim bipo long pinis bilong dispela wik na mi ken kisim i go long Kabinet na sainim agrimen long en," Mista Avei i tok.

"Tasol yumi mas bungim salens long inapim ol samting we olgeta grup i bin pasim toktok long en long Lincoln long kamapim trupela gutpela sindaun we bai kamap long gutpela rot bilong sindaun na stretim ol samting," Mista Avei i tok.

Lo i stapim ol pro kendidet, Riyong i tok

SIAMAN bilong Konstitusene Developmen Komisn (CDC) Yauwe Riyong i tokim ol pablik long Lae olsem nupela lo bai i no inap tok oraitim ol kendidet long sanap olsem pro kendidet long nesanel ileksen.

Em i tok dispela em bikos planti taim ol independen kendidet i save paulim ol pati long taim bilong fomim gavman.

Mista Riyong i tok aninit lng nupela lo nau, Gavana Jenerel bai makim Praim Minista long pati we i gat bikipela namba long palamen.

Em i tok ol independen kendidet bai joinim gavman sapos bikipela pati i nogat inap namba na lida bilong pati i ken askim ol long go joinim ol.

Konstitusene Developmen

Komisn (CDC) i lusim Morobe provins long Tude dispela wik na bai i go raun gen long Hailans rijon stat long Isten Hailans, Simbu, Westen, Enga na Sauten Hailans provins.

Dispela em raun bilong CDC long tokaut moa na mekim klia long dispela nupela lo bilong Intagriti ov Politikel Pati na Kendidet we ol manmeri i ken kisim moa save long en.

Insait long dispela raun bilong CDC long Lae long dispela wik, Lae Siti Lod Meya Toffamo Mionzing i askim CDC long inap ol wod komiti memba i kisim alawens bilong ol aninit long rifom sistem.

Mista Mionzing i tok ol man tru long mekim wok em ol wod komiti memba na i no ol

nesanel memba, provinsal memba na ol pablik sevans husat i save kisim nating mani tasol i no stap klostu long pipel.

Long sem taim tu em askim sapos gavman inap givim moa pawa bilong mani i go daun long provins na distrik.

Em i tok nau yet rifom i no wok bikos i nogat mani.

Nau yet tu provinsal treseri i stap stret long lukaut bilong Fainens na Treseri Dipatmen long Mosbi we sampela taim provinsal edministresen i save painim hat long rausim mani.

Mista Mionzing i tok i gat tupela vot i stap we wanpela i stap aninit long nesanel gavman na i save givim bikipela hevi i go long provinsal gavman.

4-pela rais masin i go aut long Madang

HILDA WAYNE i raitim

INTENEL Revenu Komisn (IRC) i givim tok orait long Madang Dipatmen ov Praimari Industri i ken kisim 4-pela masin bilong mekim rais em gavman bilong Japan i givim ol pipel bilong Madang.

Dispela ol masin i bin stap tasol long Madang wof taim IRC opis long Madang i bin tok nogat long DPI i kisim ol dispela masin long wanem ol i tok DPI i mas peim sampela teks fi.

Ol masin i wok long stap yet long wof stat long mun Mas long dispela yia na las wik tasol IRC long Mosbi i givim tok orait long

ol masin i mas go long DPI na nogat teks ol fi i go wantaim.

Ekting Komisina Jeneral bilong IRC Mista Mak Opur i tok ol masin i mas go long DPI bilong wanem em gavman bilong Japan i baim pinis na lo i tok orait long nogat teks bai kamap long ol dispela masin.

Mista Opur i tok ol IRC lain long Madang i no bin save long dispela olsem na ol i holim pas ol masin tasol em i toksave pinis long lusim i go.

Meri husait i go pas long dispela projek Misis Mary Lillih i toksave long Wantok olsem DPI i kisim pinis ol 4-pela masin.

Em i tok ol pipel i wok long kam long opis na

askim tumas long ol masin tasol ol i no kisim gutpela ansa na ol i no amamas tasol las wik em i toksave long ol olsem DPI i kisim masin pinis.

"Ol pipel i amamas tru olsem ol masin i kam pinis long ol. Ol i wet longpela taim tru long kisim na taim mi toksave long ol, ol i amamas long wanem ol i save yusim wanpela masin tasol na dispela i hat tru long ol," Misis Lillih i tok.

Em i tok 2-pela masin bai go long Bogia distrik. Long dispela distrik wanpela bai stap long Bogia stesen na wanpela bai i go long Yakiba womens grup long distrik. 1-pela bai go long Osino-Bundi na 1-pela bai i go long Raikos.

Bogenvil Gavman bai pas sapos em no kisim mani

BOGENVIL Gavana John Momis i tok Interim provinsal Gavman bilong Bogenvil bai pasim ol operesen bilong em sapos em i no kisim mani i kam long Nesanel Gavman long karimaut ol wok bilong em.

Mista Momis i autim dispela toktok taim em i kliaim ol hevi we i mekim na Bogenvil Gavman i no wok long givim ol sevis we em i sapos i go long ailan na pipel.

Insait long wanpela toktok Wantok i kisim, wok mani bilong Bogenvil i no bin gutpela long stat bilong yia yet i kam inap nau.

Bihainim dispela hevi, Gavana Momis i askim pablik long ailan bilong stap isi tasol taim em i mekim ol tok klia long bilong ol hevi ya.

Mista Momis i tok namba wan samting em rot bilong provins i mekim mani long en we i bin pundaun olgeta long taim bilong hevi i no strong yet. Na i no moa gat planti ol bikipela na liklik bisnis we i bin kamapim ol wok na mani na we provinsal gavman i save autim takis long ol.

Narapela samting tu Mista Momis i tok we i as bilong hevi long mani long Bogenvil em level we ol pipel bilong yumi long Bogenvil i stap insait long ol komesel na praimeri industri bisnis i no inap yet long level bipo long hevi yet.

Em i tok sampela long ol samting we i kontribuit long ol dispela em hevi long ol rot, ol plantesen i bagarap na tu prais bilong ol keskop olsem kopra i no gutpela long wanem wol maket prais i no gutpela tu.

Mekim na ol pipel i les long kamapim ol kopra samting.

Mista Momis i tok sampela long ol dispela samting i no stap long kontrol bilong yumi o kantri, em ol i kam long ausait tasol ol i bagarapim rot bilong kantri na provins long wokim mani long en."

Mista Momis i tok long dispela yia, provins bai pulim moa revenyu o mani em i wokim skelim wantaim dispela bilong las yia. las yia, manimak bilong revenyu i bin inap long K800,000 tasol ol saveman long dispela samting i lukim olsem provins bai antapim dispela mak long K400,000 moa.

Mista Momis i tok gavman bilong em i no kisim yet rikaren na PIP fanding bilong mun Mas na Epril na nau yumi stap long mun Me, hevi i go moa yet.

Em i tok bikos Nesanel Gavman i gat mani hevi, em i no inap long tresferim mani i go aut long ol provins we Bogenvil i wanpela long ol.

Em i tok long las yia, Nesanel Gavman i sapos long kisim K91 milien i kam long Intenesene Moniteri Fan (IMF) we sampela long en, em i sapos long givim aut long ol provins na long sait bilong Bogenvil, dispela inap helpim provins long karimaut ol wok na kisim moa revenyu long en. Tasol dispela i no kamap bikos Nesanel Gavman i no bin inapim sampela kondisen bilong IMF.

Bikos gavman i no kisim IMF lon o dinau mani, em i kisim dinau long sait mani (risev) na em i stap tasol na yusim intenel revenyu. Olsem na em i hat tru long em long sait bilong mani insait long laspela tupela mun.

Mista Momis i tok bihainim nius olsem IMF lomani bai i kam insait long kantri long mun Julai, ol provins i bilip olsem Nesanel Gavman bai inap long stretim ol.

Pawa bilong makim ol Gutpela Lida o Lida Nogut i stap long vot bilong yumi

OL ileksen ofisa bilong Iilektorol Komisn i wok long stretim nau nupela program bilong ol provins we vota enrolmen i no bin kamap.

Ol i raun nau i go long ol wanwan provins long mekim dispela wok.

Bos bilong ileksen, Mista Reuben Kaiulo husat em i Iilektorol Komisina, i bin laikim dispela wok long stat ken kwik taim tasol em i no nap long hariapim wok bikos ol wokmanmeri long olgeta hap bilong kantri i

mas skul ken long mekim gut wok bilong enrolim ol vota na putim nem bilong ol insait long Komon Rol buk bilong vot.

Ol wanwan vota i no inap long vot sapos nem bilong ol i no stap insait long dispela Komon Rol buk bilong vot.

Dispela bikipela wok bilong enrolim ol vota bai i stat pastaim long Namatanai ilektolet bilong Niu Ailan na olgeta hap bilong Papua long neks kampani foitnait o lus wik na bihain bai i muv i go long Bougenvil, Mamose na

Hailans.

Vota enrolmen long Bougenvil na Mamose bai i stat namel long mun Jun na long Hailans bai enrolmen i stat long mun Julai.

Long 3-pela mun nau ol ileksen wokmanmeri i no enrolim ol vota bikos Gavman i no givim Iilektorol Komisn mani long pinisim dispela bikipela wok long olgeta hap bilong Papua Niugini.

Olsem na Iilektorol Komisn i no enrolim ol vota long Westen Provins, Galf Provins, Milin Bei, Noten Provins, Morobe Provins,

Madang Provins, Is Sipik, Wes Sipik, Isten Hailans, Simbu, Westen Hailans, Enga, Sauten Hailans, Bougenvil na Namatanai.

Dispela hevi bilong mani i mekim na enrolmen i no pinis tu long Nesanel Kepitel Distrik.

Nau wok bai i stat ken bikos long Fonde Mei 3, Gavman i givim Iilektorol Komisn K400,000 long mekim dispela wok.

• PNG Iilektorol Komisn i sponsorim dispela Iileksen Tok Save.



NIUGINI AILAN NIUS

Ol skul ino kisim namba wan kwata subsidi

FRED RAKA i raitim

OL SKUL insait long Wes Nu Briten i no kisim yet skul subsidi bilong ol long namba wan kwata bilong dispela yia olsem ol bin askim long sabmisen o ripot bilong ol.

Tasol Ekting Edvaisa bilong Edukesen long Kimbe John Malagisa, Divisen i bin wokim ripot i go long gavman na askim long K1 milien bilong helpim wantaim subsidi long namba wan

kwata. Tasol em i kisim K590,000.

Mista Malagisa i tok antap long dispela man-imak, Nesenel treseri dipatmen i bin raitim sek inap long K243,000 we ol i bin peim i go stret long ol beng akaun bilong Hai, Vokesenel na Sekonderi skul insait long provins. Narapela sek we i gat K297,000 em ol i peim i go long ol akaun bilong Elementeri, Komyuniti na Praimeri skul.

Mista Malagisa i wok long bekim ol askim we

ol wan wan skul bot long provins i autim long en.

Em bin tok hevi we gavman i sot long mani i no wok long kamap gut na dispela em i as long watpo na ol i no givim ol skel mani bilong ol provinsel gavman kwit-taim.

Narapela as long dispela hevi tu em sampela ol nupela fida na elementeri skul insait long ol rurel eria em ol bin kirapim ol long dispela yia em Edukesen Divisen i no bin putim

ripot bilong ol long kisim subsidi helpim long dispela yia.

Tasol Mista Malagisa i putim askim i go long skul na ol wan wan bot bilong ol long stap isi long dispela ol hatpela taim na lukautim gut mani na yusim wanem mani ol i kisim long karimaut ol wok.

Em bin tok Wes Nu Briten provins i laki long kamap olsem wanpela long ol foapela provins insait long kantri long kisim namba wan subsidi mani bilong ol.

NIFA kamapim developmen long Nu Ailan

TONY SAPAN i raitim

NU AILAN Fes Asosiesen i wok long kamapim ol wok developmen long provins we ol pipel i ken lukim na kisim gutpela samting long en.

Sampela long ol samtiung we asosiesen i kamapim em long openim nupela rot we ol i putim kolta long en, 24 awa pawa saplai na nupela elementeri klasrum bilong ol pipel bilong ples Kulangit we i stap aninit long Kavieng Lokol Gavman Kaunsil.

Tripela projek ya em em Kavieng Eben LLG na Nu Ailan Provinsel Gavman i bin tok oraitim.

"Dispela i soim olsem sapos ol lida i putim long sait ol wan wan politikel bilip na sapat bilong ol na tingting long kamapim developmen long helpim ol pipel bilong ol, samting tru i ken kamap," Gavana Paul Tohian na papa bilong asosiesen i tok long opening bilong tripela projek ya.

Ol pipel bilong sikspela wod eria long Kavieng Eben LLG na ol setelen long Kavieng taun eria i bin bung long seremoni bilong opim dispela tripela projek.

Mista Tohian i tok insait long las 29 kristmas, ol pipel i no kisim gutpela

developmen bikos ol lida i pilai politiks tumas na ol i no inapim laik long ol kain developmen na sevis ol pipel i laikim.

Antap long ol projek we gavman bilong em i kamapim insait long las tripela yia, Mista Tohian i bin tokaut tu long tenda ol i putim long putim kolta long ol hap rot bilong Buluminski Haiwe, stat long Bo/Pire i go olsem long Karu na skruim i go long Tandis na Konos taim wok i go het nau long Lavongai ringrot.

Gavana Tohian i bin tokim ol pipel long lukatu long ol kain politisen we i save laik giamanim ol pipel long raun i go long ples klostu long taim bilong ileksen wantaim ol bek loli long pulim sapat tasol.

Em bin tokim ol pipel olsem em na Kavieng taun bos Rommy Tobo bai i no inap long kempein tasol ol bai larim ol pipel yet i makim husat man ol i laikim, skelim wantaim ol wok kamap na ol samting we ol i wokim long helpim ol pipel long en.

Mista tohian i bin tok visen bilong gavman bilong en em long kamapim developmen we bai helpim ol pipel na em bai skruim dispela sapos ol i givim sans long gavman bilong em inap long 2002 nesenel ileksen.

Bogenvil gavman i gat planti dinau

VERONICA HATUTASI i raitim

BOGENVIL Provinsel Gavman i gat ol dinau i stap long ol sevis we ol bisnis haus na ol wan wan man i givim long Buka.

Gavana John Momis i tok Bogenvil lidasip i save long dispela na em i tokim ol pipel olsem em i wokim olgeta samting long stretim ol dispela dinau wantaim helpim bilong ol dona helpim poroman.

Mista Momis i tok wok long ol eria olsem stretim ol rot, bris, kakau na kokonas, komyunikesen, na kamapim gutpela envoirnmen i stat pinis na dispela bai go het.

Em i tok ol i wok long kamapim ol nupela projek we bai helpim long strongim fainensel beis na ol bai askim ol dona poroman long givim helpim.

Mista Momis i tok inap Bogenvil i kamap long level we em i ken lukautim em yet, em bai go het yet long askim na kisim

helpim long Nesenel Gavman.

Long sait bilong baset, Mista Momis i tok Bogenvil i sapos long kisim K610,000 olgeta mun olsem rikaren baset. Antap long dispela, em inap kisim K833,000 olsem PIP fanding.

Mista Momis i tok insait long laspela tupela mun, provins i kisim tasol K400,000 olsem rikaren gran mani.

Mista Momis i tok dispela i min olsem ol projek we manimalk inap long K200,000 bai i no gat mani long go hetim ol insait long wan wan mun.

Em i tok ogavman bilong em i bin kisim PIP mani bilong mun Janueri na Februeri.

Mista Momis i tok dispela i min olsem sampela ol ektiviti we ol bin plenim long en olsem ol Lokol Level gavman gren, Viles Kot, Komyuniti Plis na ol arapela moa em ol bai i no peim ol inap ol i kisim mani long Treseri.

Em i tok ol i no save kisim mani long taim ol i makim long en na tu taim ol i kam , i no long

mani mak weProvinsel Gavman i laikim long karimaut ol wok bilong em.

"Long dispela tasol na Provinsel gavman bilong em i save holim bek ol kleim long longpela taim na dispela i kamapim hevi. Ol kleim i ken stap long longpela taim tasol dispela i no min olsem ol bai i no inap long bekim ol dinau.

"Tasol yumi noken kisim rong tingting olsem Provinsel Gavman i gat planti mani na i no yusim gut dispela mani long kisim ol sevis i go long ol pipel bikos dispela kain bai hatim bel

"Long taim we yumi laikim luk-save olsem dispela ol hevi i stap, em i no gutpela long wokim ol toktok olsem ikonomi na wok mani long Bogenvil i gutpela na provins inap long lukautim em yet bikos samting tru i no olsem.

" Mi askim pablik long provins long luksave long hevi we gavman bilong yumi i bungim long dispela taim," Mista Momis i tok.

Israel wokabaut inapim driman bilong man Matsungan

WANPELA komyuniti na ples lida bilong Matsungan Ailan long Buka, Not Solomons i wanpela long 15-pela pipel husat i bin lusim PNG long las Fonde long go long Israel bilong stap insait long seremoni bilong opim ol santu teres gaden long Haifa.

Nem bilong man ya em Sam Boisen Katau.

Mista Katau em i wanpela Baha'i Sios memba long Bogenvil.

Baha'i komyuniti long Bogenvil i no bikpela na long Matsungan Ailan samting olsem nainpela pipel i memba bilong Lokol Spirituel Asembli bilong ol long hap.


Em i bin amamas tru long go long dispela wokabaut i go long Holilien bikos olsem planti bilong yumi, em i save harim israel olsem Promis len na dispela wokabaut bai inapim driman bilong em.

"Mi gat bikpela amamas long go long dispela wokabaut i go long Israel.

"Em i namba wan taim tu bilong mi long lusim PNG na go long wanpela ausait kantri.

" Mi bin kisim pas long Nesenel Baha'i Spirituel Asembli long stat bilong dispela yia tasol long dispela wokabaut na long resim K10,000 bilong peim balus tiket.

"Tasol em i hat tru bikos pe bilong kopra" i go daun tru. Gutpela



• Sam Bosen Katau bilong Matsungan Ailan long Buka wantaim Elizabeth Karaua em wanpela eksekutiv bilong Baha'i Nesenel Asembli. Foto: VERONICA HATUTASI.

samting em ol hauslain na famili na komyuntii i helpim long resim mani na mi bin inap long resim K400.

"Olsem planti long yumi mi harim stori, lukim piksa, ritim long buk na nau mi yet bai go long Israel na lukim mi yet ples na inapim ol samting we mi harim long en.

"Planti taim tu planti bilong yumi i save ting olsem Israel i stap long narapela wol, o long heven yat .

" Driman bilong mi bai kamap tru.


"Ol lain bilong mi tu i sapatim mi gut tru bikos ol i laik bai mi go lukim ples na tokim ol," Mista katau i tok.

Hetkoto bilong moa long 5 milien Baha'i sios memba long 235 kantri long wol i stap long Haifa, Israel.

Olgeta lain long wol i save lukim Israel olsem santu ples na driman bilong planti em long lukim ples ya long laip-taim bilong ol.

Mista Katau em i wanpela komyuniti lida na sief long Matsungan Ailan long Buka. Em i makim komyuniti bilong em tu long Kaunsil ov Eidas, wanpela han long Lokol Level Gavman long Bogenvil.





SEPIK NIUS



Saspensen bilong edukesen advaisa noken stapim edukesen sevis

FELIX RAMRAM i raitim

SAPOS saspensen bilong Wes Sepik Edukesen Advaisa Ignas Wunum i bihainim rot bilong politik o edministresen, dispela samting i noken stapim wok bilong edukesin sevis i go daun long pipel, na pikinini insait long provins. Papua Niugini Tisas Asosiesen Brens Presiden John Inuwamba long Vanimo i mekim dispela toktok i go long ol provinsel atoriti las wik bihainim saspensim bilong Wes Sepik Edukesen Advaisas tupela wik i go pinis.

Mista Inuwamba i tokaut olsem sapos i gat senis long Edukesen Advaisa, dispela senis i noken kamapim hevi long sevis edukesen i mas givim aut i go long komyuniti. Em i go het na i tok sevis bilong edukesen, lainim bilong ol pikinini long skul na

welfea bilong olgeta tisa i namba wan samting ol atoriti i mas gat long tingting.

"Edministresen na politik em wok bilong yupela. Askim bilong mi em sevis bilong edukesen i mas go daun tru long komyuniti insait long provins. Sapos Mista Vunum i mas pinis na narapela man i kism ples olsem edukesen advaisa dispela senis i noken as bilong soim daun o stapim ron bilong edukesen insait long provins

Mista Inuwamba i tok: "Mi no laik bai ol tisa, skul pikinini na ol papamama i paul i stap na mipela i no save sevis bilong edukesen i ron gut o nogat.

PNGTA Brens Presiden i singautim husat tisa insait long Wes Sepik i no fainensel memba bilong PNGTA i mas hariap long baim membasip mani bilong ol long gutpela bilong ol long

bihain taim. Em i go het na i tok husat i no fainensel memba bilong PNGTA, bai kism hevi taim ol i bungim hevi. Olsem na ol i mas kamap fainensel memba bilong PNGTA.

John Inuwamba i tokim ol tisa tu olsem em i kism pinis ol samting bilong helpim wok bilong memba bilong PNGTA Brens olsem telipon na feks musik. Em i tok dispela ol opis masin bai i givim bikpela helpim tru long ol fainensel memba bilong PNGTA insait long provins. Tasol long helpim edministresen bilong opis, ol fainensel memba wantaim tu ol husat i no fainensel memba i mas baim sampela mani i go insait long akaun bilong PNGTA brens. Olsem dispela mani bai i go long baim ol bil na arapela edministresen kos.

"Ol tisa husat i no fainensel memba bilong PNGTA bai i putim K20 na ol fainensel memba i putim K10."

Wunum bai kotim dipatmen bilong Wes Sepik

SASPEN Edukesen Advaisa bilong Wes Sepik Ignas Wunum bai kotim Dipatmen bilong Wes Sepik, sapos investigesen tim bilong gavman i no painim em i rong. Em i mekim dispela tok taim em i bekim ol ripot we i tok olsem i gat ol tok win. Na dispela ol tok win i bagarapim gutnem bilong em wantaim famili bilong em, bihain long em i bin wok i inap 33 krismas wantaim Dipatmen bilong Edukesen.

Bihain long saspensen bilong em wanpela wik i go pinis, Mista Wunum i no bin kam aut long pablik na mekim sampela toktok long saspensen bilong em. Na i tok em i stap isi na skelim ol samting bikos em i gat strongpela bilip olsem, wanem ol hevi Edukesen Divisen long provins i wok long bungim. Olgeta dispela hevi i bin stap pinis long dispela gavman oge-naisesen long longpela taim. Na mekim save em i kism i bikpela tru, na tu rot provinsal atoriti i kism long rausim em i no bihainim stret rot bilong saspenim wanpela gavman opisa. Em i sutim tok long saspensen bilong em ya olsem wanpela rot bilong politik.

"Long pasin bilong skelim, ol lukim dispela mekim save mi kism, mi lukim bikpela birua tru i stap long sait bilong politik. I gat pasin jeles i stap long sit bilong politik na Edministresen. Dispela pasin jeles i brukim daun mi tru na i bagarapim sindaun bilong mi.

"Politik i kamapim planti kain toktok na edministresen i kism ol dispela paul toktok. Edministresen i no singautim ol na toktok long mi o rait na

givim mi sampela tok lukaut, tasol dispela i no kamap. Edministresen i hariap tasol na givim mi saspensen notis," Mista Wunum i tokaut.

Mista Wunum i go het na i tokaut olsem olgeta hevi disisen i karim long em olgeta i stap long ripot. Na em bai i givim olgeta dispela ripot i go long investigesen tim taim ol investigesen i kamap.

Edukesen Advaisa i tok ol hevi bilong paulim ol tisa i go long wanem skul insait long provins i no tingting na laik bilong em yet olsem Edukesen advaisa. Tasol em i bihainim tasol "disisen bilong Provinsal Edukesen Bod" long posting bilong ol tisa i go long wanem ol skul.

Mista Vunum i tok: "Mipela i glasim na skelim gut wanem ol skul mipela i postim ol tisa i go long ol. Na planti long ol posting i bihainim tingting na laik bilong olgeta Ajensi i ronim wok bilong edukesen progrem insait long provins. Ol tisa i no inap go hariap long skul bilong ol bikos provins i nogat mani i stap long ban long salim ol tisa i go aut long skul bilong ol. Na mipela i mas daunim mani bilong ol narapela lain we mipela nau i mas bekim.

"Planti tisa i go long skul bilong ol. Planti long ol tisa i les long go, na taim ol i go, ol i go leit na dispela i no ol i no kism hariap potnait pe bilong ol. Bikos pepa bilong ol i stat long wok ol i salim i kam insait long edukesen opis bihain tumas. Na long het opis long Pot Mosbi i no inap stretim hariap inap ol i stretim ol narapela pepa i go pas i stap long opis."

Ol Nuku papagraun tok strong long rot

OL Nuku papagraun i bin holim wanpela bikpela miting wantaim ol gavman opisal long Aitape, bihainim Wantok nius ripot i bin kamap long mun Mas long namba 29, 2001.

Dispela miting i bin kamap long Aitape Taun Kaunsila Samba wantaim ol opisal bilong Aitape distrik long wari bilong rot long Nuku i go long Aitape. Papagraun yet i laikim ol yet mas kamap seveia na enjinia i ken kam bihain na makim kos estimet bilong rot na hamas mani bai spendim.

Long pinisim, ol papagraun yet i laikim rot i mas stat long Wagol long Aitape sait na katim lepan, kism Yapunda na kamap long Mai Junsen. Dispela em bai 22 kilometa rot tasol na bai kos liklik mani. Ol i tok dispela olpela Mai Tadi rot em i go 6 kilometa pailot trak tasol no gut-

pela bikos faivpela man i dai pinis long dispela rot.

Maus man bilong dispela grup, Mista John Neris siaman bilong papagraun kampani insait long Nuku distrik i wari tru long dispela rot i mas pinis.

Bipo yet taim foma memba Chris Sambrei na Paul Mambei i bin pinisim dispela rot na sevisim pipel bilong Nuku, Yangkok na Lumi long painim maket na yusim solwara long salim produs bilong ol.

Mista John Neris nau i askim tupela memba nau long lukluk long dispela wari. Em Hon (MP) Andrew Kumbakor na Eddie Saweni long lukluk long kraik bilong dispela Indipenden Grup i makim maus bilong Nuku wantaim Yangkok na Lumi. Mista John Neris i tok sapos Mista Eddie Saweni na Minista Andrew Kumbakor i no lukluk

long dispela wari bilong ol papagraun, orait askim ol tasol long givim garenti long Palmal papagraun kampani long kism masin wantaim wanem patna em i laik kism long helpim ol long wokim rot. Tupela lida ya mas i gat gutpela tingting na maski long wok resis. Tupela i noken giamanim yumi, olsem ol i no save long dispela hevi bilong rot. Na pulim narapela kampani long go insait na mekim inap mak na wok i no pinis. Kism mani nating na ronawe na lusim yumi i stap gen wet long narapela faivpela yia gen na rot i go bagarap gen.

Mausman hia tok sapos tupela memba i sapotim, em i gutpela bikos em kampani bilong asples na bai i stap longpela taim na i ken givim sevis tu taim rot i bagarap na mekim wok na yusim mani gut hamas kilometa bilong

rot tu.

Em i askim Andrew Kumbakor memba bilong Nuku ilektoret na Eddie Saweni, memba bilong Aitape Lumi long lukuk gut nau long tenda bilong mentenens rot nau i kamap long Nuku na Aitape distriks na givim tenda i go long papagraun kampani, Palmal Risos Kampani Ltd long mekim dispela wok bilong mentens long rot long tupela distriks. Mausman hia, Mista Neris i tok em bai putim tu tenda sabmisen i go long Nesenel Wok na tenda bod bihainim rot stret bilong aplai long wok.

Bikpela astingting em pipel bilong Nuku, Yangkok na Lumi i laik painim solwara hariap bai i mekim isi long ol i ken painim maket na salim ol samting bilong ol i go aut long arapela provins insait long PNG na narapela kantri ausait.



PRAIVETAISESEN KOMISIN

Watpo na ol sevis i no inap kamap gut taim i nogat praivetaisesen, eksampel putim ol gutpela manesa na stopim wok politik.

Pablik entaprais i gat tupela hevi em yumi no inap stretim. Namba wan, i no gat gutpela plen na strongpela laik long wok bisnis. Namboc tu em pasin bilong pilai politik. Dispela tupela samting i bagarapim ol pablik entaprais insait long PNG.

• Watpo na yumi long lukluk long ol narapela rot bilong daunim ol dinau bilong kantri?

Namba wan as bilong praivetaisesen em i no bilong daunim dinau bilong kantri, nogat. Em i bilong strongim wok bilong ol pablik entaprais na pablik aset. Praivetaisesen em i gutpela long helpim ekonomi bilong kantri.

• Inap dispela bikpela wok i wet inap olgeta sifisen bilong kantri i gat sans long stap insait long en?

Sans bilong kism bikpela mani bai lus sapos kantri i wet. Moa mani na wok na gutpela sevis na sans bilong ol PNG sifisen i baim sea long ol kampani em i bikpela samting long taim bilong praivetaisesen.



SAUTEN



RIJON



Milen Be nogat hevi bilong kopra growas

LONG dispela taim nogut we ol kopra growas i gat hevi long mani wantaim Kopra Marketing Bod (CMB) long wanem ol i no peim ol, Milen Be provins bai i nogat dispela bel hevi.

Milen Be provinsal gavaman i bin tok olsem bai em i peim ol kopra growas insait long provins bihain long Provinsal Eksekutiv Kaunsel (PEC) i bin apruvim K300,000 long helpim planti ol liklik growas husat i

painim bel hevi long taim prais bilong kopra i go daun tru.

Gavana na siaman bilong PEC Mista Titus Philemon i tok dispela mani i bilong helpim olgeta growas insait long provins bai ol i ken kamapim gutpela kopra yet long dispela taim we kopra growas long kantri i painim bel hevi.

Deputi gavana Clive Romulars i gat wankain tingting na i sapotim dispela muv bilong gavana

Philemon.

Mista Romulars i tok dispela disisen i savim kopra industri long provins long i no ken bagarap long dispela taim we CMB i nogat mani tru long peim ol growas.

Dispela K300,000 bai i go long tripela seksen long industri long provins. Namba wan em long Kopra Incentive Fund long helpim ol growas long freit subsidi na namba tu seksen i bilong Baim na Maketim Kopra

Insentiv long painim maket bilong ol growas long lokal level gavman.

Laspela em long Kokonat Oil Produksen Insentiv.

Freit subsidi bai i kamap taim prais bilong kopra i go daun K30 long wanpela beg. Ol freit long nau i sanap olsem K4 i go K10 long wanpela beg taim prais i go daun K30 long wanpela beg na i save go antap taim prais bilong kopra i go antap.

Ol Papua rijen gavana no amamas long Avei aut

OL GAVANA bilong Papua rijen i kirap nogut na kros long harim olsem gavman i rausim Kairuku Hiri memba Moi Avei long Plening na Monitoring Minista.

Ol gavana i wok long stap insait long bung bilong ol long Alotau.

Gavana Titus Philemon bilong Milen Be, OPa Taureka bilong Sentrel, Sylvanus Siembo bilong Oro na Ridler Kimave bilong Glap i no bilip olsem gavman i rausim Mista Avei long ministri bilong em bikos ol i bilip olsem em i mekim gutpela wok tru taim em i holim dispela wok.

Na ol gavana i singaut long husat i go pas long rausim Mista Avei long mekim klia i go long ol pipel long as bilong rausim wanpela long ol gutpela minista tru long dispela gavman i stap nau long pawa.

"Olsem ol gavana na ol memba bilong Papua rijen,

mipela i kirap nogut na kros long pasin we gavman i wokim long rausim Mista Avei olsem Plening na Monitoring minista.

"Em i klia olsem memba bilong Kairuku/Hiri em i top na namba wan minista bilong Plening na Monitoring stat yet long taim kantri i kisim independens. Wankain tu olsem Bogenvil Afeas Minista, stat long taim hevi long ailan i bin kamap moa long 10-pela krismas i go pinis.

"Kontribusen bilong em i bin gutpela tru na gavman inap luksave long en tasol nogat, ol i dampim em na daunim posisen bilong em olsem wanpela sinia minista," Ol gavan i tok.

Ol gavana i tok gavman i no wokim gutpela pasin long rausim Mista Avei long ministri bilong em taim em bin stap long Alotau bung bilong ol Papua rijen gavana.

Na ol i bilip olsem Praise Minista Sir Mekere Morauta i no rausim Mista Avei long ministri bilong em.

"Tru PDM na Nesenel Alaiens Pati i bin kros tasol mipela i bin gat bilip olsem Mista Avei bai holim yet ministri bilong em, moa yet taim Sir mekere i bin stap long bung long Alotau long Tunde.

"Long ol samting mipela i harim long nius, praim Minista i bin stap aninit long bikpela presa long ol pati etvaise na ol arapela pati memba long kamapim dispela disisen.

"Tude em i wanpela sori de long ol dispela husat i kari-maut ol wok plening long foa milien pipel bilong yumi long PNG.

"Mipela i pre olsem dispela gutpela wok we Mista Avei i bin kirapim long sotpela taim em i stap olsem Plening na Monitoring Minista bai i go het," ol Papua rijen lida i tok.

AusAID i laik mekim kolta namel long Alotau na Gurney Eapot

MILEN Be provinsal gavman i mekim wanpela disisen long mekim wanpela 13km rot kolta namel long Alotau na Gurney long dispela yia.

Dispela rot em AusAID i laik mekim long neks yia tasol provinsal gavman i mekim toktok long noken wet na givim sevis long pipel nau long ol i ken yusim.

Gavana na siaman bilong Provinsal Eksekutiv Gavaman (PEC), Titus Philemon i bin kamapim wanpel spesol miting long las wik na long dis-

pela miting PEC i tok orait long K600,000 bai i go long dispela rot.

Mista Philemon i tok Alotau em i getwe bilong provins na dispela rot i soim ol pipel olsem gavaman bilong em i luksave long bringim divelopmen long provins.

Em i tok em i gat bikpela amamas long PEC i givim tok orait long dispela rot.

Em i tok taim em i kamap gavana las yia em i bin mekim tok promis long mekim dispela rot na nau dispela

mekim promis

bilong em i tru.

Wanpela seksen bilong rot em 4.4km kolta i go pinis na 8.3km i stap yet. Dispela hap we kolta i no go long em i gat wari long sait bilong helt long wanem das i save bagarapim ol lain nogut tru long taim bilong san.

Na long taim bilong ren ol kar i no save go na i nogutpela long w o k a b a u t . Provinsal Woks Yunit i tok namba wan na tu bitsumen kot bilong 8.6km seksen i bai kostim

K1.3milion.

Wok long dispela rot i bin stat long 1994 i bin stop long wanem nogat mani long, pinisim wok tasol AusAID i mekim toktok long helpim.

Narapela bikman bilong fainens long provins Mista Toloube i tok em i welkamim dispela PEC disisen na em i tok em i endosim long salim K600,000 i go long dispela prosek.

Em i tok ol pipel bai i gat bikpela amamas long wanem dispela em i sevis ol i mas kisim.

Fiftin PNG Baha'i Sios memba go long Israel

FIFTIN Baha'i Sios memba i bin lusim Pot Mosabi long las Fonde bilong go long Haifa, Israel long stap insait long wanpela bikpela sios selebresen bilong ol.

Dispela grup i makim ol Bahai's memba insait long PNG husat i go long Haifa long opening bilong holi gaden veranda o teres gaden long Maun Kamel .

As tingting long Baha'i Sios i wokim ol dispela santu gaden em long strongim na bildim wol pis o gutpela sindaun. Opening bilong dispela ol holi teres gaden i bin kamap long dispela wik Tunde.

Ol 15-pela pipel bilong PNG i makim 15-pela provins provins long PNG. Narapela foapela i no bin mekim dispela wokabout bikos em i hat long ol i resim inap mani long bungim na baim balus tikef bilong ol long Mosbi i go long Israel. Faivpela long dispela 15 pipel em ol meri.

Planti long ol lain i go long dispela wokabout em ol i ol grasrut lain. Planti bilong ol i no save lusim PNG na olsem ol bin amamas tru long stap insait long dispela wokabout na go lukim ples we i gat histri bilong lotu, Baibel na olpela, na nupela testamen long en. PNG grup i bin stap wantaim 3,500 Baha'i Sios memba bilong ol arapela kantri long wol husat i bin bung long Haifa long stap insait long selebresen.

Ol arapela sios i bin kisim askim long stap inmsait long dispela selebresen.

Akitek faribora Sahba husat i bin wokim ol plen long ol dispela teres gaden i tok bikpela as tingting long long bildim ol santu gaden we i skruim spirituel tingting we bai strongim long kamapim gutpela futja bilong olgeta manmeri na pikinini long wol.

"Pawa bilong yunaitim em samting we wol i nidim

stret tude. "I gat planti naispela gaden long wol na as tingting long wokim ol dispela teres gaden em long tasim spirit na husat visita o turis i kam long Haifa bai malolo na tingting olsem dispela ples i narakain , em i gat sdanting i spesol long en," Mista Sahba i tok.

Ol bin bildim dispela ol santu gaden raunim gol statju bilong Bab, bikman husat i bin painim Baha'i Sios. Ol i bilip olsem dispela ol santu teres gaden bai pulim moa turis i go long Haifa na Israel long en. Projek long bildim ol teres gaden ya we i kostim US\$250 i bin kisim 10-pela krismas. Baha'i komyuniti long wol i bin wokim kontribusen long en.

Fiftin pela lain bilong PNG bai i gat gutpela sans long lukim ples, soim kalsa bilong PNG na tu, bungim ol arapela wanlotu bilong ol long narapela hap bilong wol.



Dispela Wik **FOODWORLD** *Spesols!*

Diana Tuna in Tomato Sauce 425g	K2.45	Pamolive Soap 100g	K0.83t
Omo 200g	K1.50	B29 Soap Powder 100g	K0.69
Detol Soap 75g	K1.85	Tulip Pork Luncheon 200g	K2.21
Globe Corned Beef Round 300g	K2.25	Ox & Palm Taper 340g	K3.19
Maggi Noodles 85g	K0.50t	Dazzle Bleach 750ml	K1.67
Australian Bush Biscuit 100g	K0.50t	Anchor Milk 1litre	K2.15

Supa Spesol Prais!

EXTENDED TRADING HOURS

Monday to Wednesday - 8.00am to 7.30pm
 Thursday / Friday - 8.00am to 8.00pm
 Saturday / Sunday - 8.00am to 7.00pm

Hamamas na baim kaikai long Boroko Foodworld Gordons!

Planti moa kaikai prais i go daun long en!
 Ph: 325 7566, 325 7310 Fax: 325 7096



HAILANS NIUS



Ipatas na Yaki kamap Minista

GAVANA bilong Enga provins Peter Ipatas i kamap Minista nau long Gavman bilong Sir Mekere Morauta long las wik Fonde.

Mista Ipatas em rijinol memba bilong Enga na i werim hat bilong Gavana yet, maski Nesenel Gavman i rausim pawa long Provinsal Gavman bilong Enga we em i go pas long en.

Mista Ipatas i no tokaut yet long em i stap Gavana yet o em bai rausim dispela nem sampela taim bihain bikos em i Minista bilong Maining nau.

Mista Ipatas i gat kot egensim Nesenel Gavman tu i stap na disisen bilong dispela kot inap kamap sampela taim bihain. Dispela kot em long saspensen bilong Enga Provinsal Gavman. Mista Ipatas i apil yet long kot na dispela disisen i stap yet.

Insait long Hailans tu em memba bilong lalibu Pangia Roy Yaki i kisim bikpela wok Ministri bilong Petroleum na Eneji. Em i kisim dispela wok long las wik taim Praim Minista i senisim ol Minista na makim nupela. Chris Haiveta i bin Minista pastaim.

Mi memba tru bilong Wabag, Takai Kapi i tok

PEKU PILIMBO i raitim

NESENEL Kot i painimaut olsem Takai Kapi em i tru memba bilong Wabag Open na inap stap memba stat long Julai 1997 na i go pinis long Julai 2002.

Long 1997 wanpela kot nesenel kot i no painim wanpela asua tasol, Suprim Kot i bilong senisim dispela disisen na painimaut olsem Takai Kapi i no bin gat nem long komon rol na em i no fit long sanap na kamap memba bilong palamen.

Nesenel Kot i painim aut dispela yia olsem Iktorel Komisn i bin asua na i no putim nem bilong Takai Kapi insait long komon rol. Dispela inap kamap tasol nogat wanpela i bin mekim dispela wok bilong transferim ol nem. Takai Kapi i bin vot long 1992 na bilong wanem as ol i no laik kisim nem bilong em i kam long 1997 komon rol. Kot i tok asua i stap wantaim Iktorel Komisn na ol i mas baim Takai Kapi long wanem kain hevi na samting em i lusim taim kot i tok em i no moa memba i kam inap nau na go pinis long Julai 2002.

Mista Takai Kapi i askim Suprim Kot long mekim wok hariap bilong painimaut ileksen petisen bilong nau memba bilong Wabag Open

Daniel Kapi na givim wanem disisen hariap bipo long 2002 ileksen na stretim ol belhevi na rait long win bilong Daniel Kapi long 1999 bai-ileksen.

"Mi nogat wanpela asua stat long namba wan de i kam inap nau tasol mi kisim bikpela mekim-save long asua bilong Iktorel Komisn. "Nau dispela kot disisen long sait bilong mi i givim mi bikpela amamas tásol kot i mas givim disisen bilong em bipo long ol pipel bilong Wabag i lukim 2002 ileksen," Mista Takai i tok.

Em i tok olsem ol ileksen lo i tok mi dai, kamap longlong o trense tasol bai nem bilong mi i rausim long komon rol buk bilong Wabag tasol dispela kain samting i no kamap na ol Iktorel Komisn i rong na tok nem bilong em i no stap. "Olgeta pipel bilong Wabag i no kisim wanpela sevis na mi yet tu kisim bagarap bikos ol opisal bilong Iktorel Komisn i no mekim wok bilong ol gut," Mista Takai i tok.

"Dispela tok orait bilong ol Enga pipel ol i givim long mi long 1997 ileksen i stap wantaim mi yet na bai pinis long 2002. "Lo i tok mi memba bilong Wabag tasol mi no opisal memba bilong palamen," em i tok.

Mista Takai i tok em i bin vot long 1987 na 1992 nesenel na

provinsal ileksen na dispela nem bilong mi inap stap long komon rol bilong Wabag yet.

Kot i painim olsem ol kendidet i save yusim kainkain nem long kempen na dispela i nogat wanpela lo tok nogat. Takai Kapi i gat narapela nem ol lain long ples save kolim em Tataki o Takaki. Long 1992 dispela nem i stap long komon rol tasol em i no kamap long 1997.

Kot i tok em bai isi sapos yumi

painim aut wanem, husat na bilong wanem dispela pasin i kamap.

"Mi painim olsem hevi Mista Takai i kisim em i no long laik bilong ol pipel tasol abrus bilong ol ilektorel Komisn na ol wokman bilong em. "Mi painim olsem Mista Takai i nogat asua na bai yumi stretim wantaim Iktorel Komisn hamas em bai yu kisim long ol hevi yu kam long en," Jas i tok.



• Goroka taun Meya Michael Gotaha (namel) i katim rop long opim nupela opis bilong Goroka praimer skul. Lephau em mausman bilong AusAID na provinsal edvaisa, Dokta Allan Pop na Simon Parak, siaman bilong skul bod. Foto: SAPE METTA.




LO BILONG BIHAINIM NA TOKTOK LONG KOMYUNITI

- I mas i gat wanpela gutpela rot i mas stap bilong traim holim gut praivetaisesen na lukluk long wanem hevi bai kamap taim ol praivet bisnis ronim ol nau pablik bisnis na lukluk long wanem samting i kamap long ikonomi bihain long praivetaisesen na traim kamapim ol lo lukautim ol dispela samting.
- Praivetaisesen i kamapim gutpela rot bilong developmen na kamapim ol gutpela rot bilong lukluk gut na givim ol gutpela komyuniti sevis i go long wanwan komyuniti.

Painim aok toktok

- Praivetaisesen bai traim long kamapim palnti gutpela wok long taim bihain tasol samepal hevi bai kamap long taim bilong senis.
- Noken lusim tingting olsem taim bilong senisim bilon gol bisnis bai i gat sameppal man husat i lusim wok bilong ol tasol dispela i no inap kamap bikos long praivetaisesen. Dispela bai kamap bikos long i no gutpela menesmen i meneseim ol pablik bisnis. Ol bisnis bilong gavman o praivet husat i no save mekim gutpela wok i save senis na dispela kain inap kamap long yu sapos yu wok long pablik o praivet sekta.
- Nupela supanuesen lo bai givim bikpela sans na sekyuriti long mani bilong supanuesen mani bilong ol pipel.



MADANG NIUS



Modilon haus sik opim dua long DWU helt trening

DIVINE Wod Yunivesiti na Modilon Jenerel Hospital i sainim wanpela Memorendum ov Andastending (MOU) na displea i makim wanpela bikpela samtin long open dei bilong yunivesiti.

Yunivesiti presiden Pater Jan Czuba i tok Modilon hausik i kamap wanpela trening hausik bilong ol Helt Edministresen (HA) sumatin long yunivesiti.

Hetman bilong HA dipatmen Mista Arnold Haip i tok dispela MOU i kamapim wanpela gutpela sindaun namel long dipatmen na hausik.

Em i tok dispela i soim gutpela frensip na koporesen namel long dipatmen na hausik na em nupela samting long dipatmen.

Seif Eksekutiv Opisa bilong hausik John Levi i tok dispela MOU bai kisim gutpela sinis i kam long hausik.

Em i tok ol pipel i mas kisim gutpela helt sevis na i gutpela sapos ol lain bilong helt i kisim gutpela trening long mekim wok bilong ol.

Wanpela bikman long Madang Sir Peter Barter i bin stap na witnesim dispela saining na tu em i givim ol silva jubili medal long ol staf bilong yunivesiti husait i mekim ol gutpela wok long komyuniti

Ol lain husat i kisim medal em Pater Jan, Anastasia Sai (head ov PNG stadis), Sista Jeanette Matela (head ov Bisnis Stadis), Ludmilla Salonda (Dean ov Studies) na Sista Evangelista Nite.

Plisman surukim haus bilong em

ANNETTE OBED NA LAWRENCIA PIRPIR i raitim

WANPELA sinia plis man long Madang i yusim het bilong em na helpim em yet na dispela pasin bilong em i kisim bikpela sapot long ol hetman bilong plis long Madang.

Sinia Sajen Copeland Aitule i ekstenim plis dipatmen haus bilong em long New Town long wanem em i gat bikpela famili na haus em silip long en i no inap long olgeta.

Em i tok ol narapela memba bilong plis fos tu i gat wankain prob-

lem long hausung. Bilding Atorati long Madang i givim tok orait long Sajen Aitule bihain long em i raitim wanpela pas long askim ol pemisin long ekstenim haus bilong em.

Asisten Komisina bilong Lojistik Mista Fred Sheekiot i bin go long Madang na em i tok Sajen Aitule i kamap wantaim gutpela aidia tru na dispela i gutpela long ol narapela plis memba long bihainim.

Em i tok plis dipatmen bai rifandim mani bilong Sajen Aitule long mani em i yusim long mekim haus.

Mista Sheekiot i tok

tu olsem plis stesen long Bogia i kisim wanpela nupela kar na 3-pela bai i go long Madang plis stesen bihain long dispela wik.

Em i tok wanpela kampani, Bush Developmen, long Madang i bildim 3-pela 30 fut bot i gat jet enjin na displea ol bia go long ol narapela provins.

Em i tok ol bot i strong na i ken solwara tait na em i stap long Madang tasol.

Nem bilong ol sip em MV Wakon bai go long Manus, MV Inguba bai go long North Solomons na MV Kupo bai i go long Milen Be.

Madang laik holim rodso

PETER MAIME i raitim

MADANG provinsal gavman i plenim wanpela rodsho long Julai we bai i soim Madang long PNG na wol, ekt-ing gavana Pengau Nengo i tok.

Tingting bilong dispela rodsho em long promotim ol kain bisnis bilong Madang i go long ol investas na dispela i ken mekim

provins i ken kamapim gutpela ekonomi na bringim gut mani long provins.

Mista Nengo i tok dispela rodsho i bilong ol lain bilong ol narapela provins na wol i ken kisim gutpela piksa long ol lain bilong Madang na wanem kain risos ol i gat.

Em i tok strong olsem planti taim ol pipel long dispela kantri i sindaun tasol

na poinim finga long gavman tasol i mas helpim long dispela taim we kantri i gat ol planti problem wantaim mani.

"Yumi mas bung wantaim long bildim ekonomi bilong kantri. PNG i gat planti kain we bilong pulim invesmen na em i tok Madang provins i gutpela long turisim indastri, loging na agrikalsa," Mista Nengo i tok.

Em i tok planti taim ol i save tok Madang em i biutiful ples tasol em i mas noken kamap ples ol turis tasol i save kam. Em i mas kamap wanpela ples we ol lain i ken kam raun na baim samting na mekim bisnis tu.

Provinsal gavman i salim invetesen long ol bisnis long provins na ol gavman dipatmen long kam long dispela rodsho.

Birua na bagarap opis long Madang i nogat mani

FRANK GENAIA i raitim

MADANG Seveilens Imejensi na Disasta opis i operet yet tasol nogat fan i kam long gavman long helpim ol.

Darekta bilong opis Mista Norman Philemon i tok long las 5-pela mun opis i no kisim sampela mani long gavman na dispela i no gutpela long wanem sapos taim nogut i kamap bai ol i no inap redi.

Mista Philemon i tok sapos bikpela taim nogut i kamap bai ol i no inap redi na dispela bai bringim bikpela problem tru.

Em i tok disasta opis i no ken wet long mani long wanem taim nogut i kamap ol i mas redi pinis long bungim taim nogut long wanem laip bilong ol pipel i bikpela samting.

Em i tok long bipo gavman i save givim mani bihain long taim nogut i kamap na disasta opis i

save putim dinau long haiaim ol helikopta na saplai na bihain peim ol kampani.

Dispela kain pasin i mekim na opis i bin gat dinau long Heli Niugini kamapani long mak long K40,000 taim ol haiaim helikopta taim kerosin i bin kukim ol lain long Madang.

Mista Philemon i tok dispela K40,000 i stap yet na ol i no bekim long wanem gavman i no givim mani.

Medikol tim long Australia bai helpim ol pikinini

LILLIAN BASSE i raitim

WANPELA medikol tim long Royal Children's Hospital long Brisbane, Australia i bin kam long Madang long givim tritmen long ol pikinini kerosin lam i kukim ol.

Dokta John Frederich Leditschhe wanpela dokta long hausik long Brisbane i tok ol i kam bek long sekim ol lain kerosin i kukim ol na lukim sapos ol nidim moa helpim long stretim ol skin paia i kukim.

Dokta Leditschhe i tok ol i karim ol marisin saplai bilong ol yet i kam long givim tritmen long ol.

Em i tok em i amamas long ol tritmen ol lain i kisim na dispela i kamap long wanem ol nes na dokta long hausik i givim gutpela sevis long ol.

I gutpela tu long wanem BP i givim ol gutpela ikwipmen long helpim ol lain paia i bagarapim skin bilong ol.

Dokta Leditschhe i tok wanpela masin ol i kolim long elektrik dematomik em ol i yusim long kisim

skin long narapela hap long bodi na putim long ol hap paia i bagarapim long em.

Em i tok ol viktim husait i no go long Brisbane em ol i stap bek long Madang na kisim tritmen na em i tok ol i laki tru long gat ol rait dokta husat i wok long helpim ol long stretim ol bodi bilong ol i paia long em.

Em i tok em yet i bin katim na stretim 2-pela man skin bilong 2-pela paia i bin kukim nogut tru.

Long dispela taim ol viktim i nidim tru sapot bilong ol famili, pren na bos bilong ol long helpim ol kamap gut gen.

"Skin i ken orait tasol mak bilong dispela eksiden bai i no inap pinis. Mipela i ken haitim na pasim tasol mak bai i stap wantaim ol yet," Dokta i tok.

Dokta Leditschhe wantaim nes bilong em Tracy Kelly i kam wantaim na wok long Modlion Hausik na givim toktok long hau long helpim ol lain paia i kukim ol na soim ol dokta long helpim ol.



Vokesenel trening sumatin.....
• Ol year 3 Vokesenel trening sumatin i sanap na so op wantaim ol nupela yunifom bilong ol.

Lae Nius

Wenge i stap yet long Yunaitet Pati

WANTOK niuspepa i laik tok sori long Gavana bilong Morobe provins Luther Wenge long asua we i bin kamap las wik long niuspepa. Wantok i putim potu bilong Gavana Wenge na raitim aninit olsem, Gavana Luther Wenge i stap yet wantaim APP (APP em Edvens PNG Pati). Dispela i no tru bikos Gavana Wenge i memba bilong Yunaitet Pati taim em winim ileksen long 1997 i kam.

Gavana Wenge i tokim Wantok olsem pasin bilong ol lida long kalap kalap long ol politikel pati igo i kam i no gupela pasin tru long ai bilong ol pipel.

Mipela i mas stap long wanpela hap tasol na sapos taim bilong amamas, mipela i ken amamas na sapos em i taim bilong sore, mipela ken sore. Maski long kalap kalap, Mista Wenge i tok.

Mista Wenge i tokaut tu olsem bai ol i statim wanpela politikel pati long dispela yia na ol bai tokaut long en long mun Ogus o Septemba samting long dispela yia. Ol bai tokaut long dispela nupela pati long Lae. Dispela bai i no Morobe pati tasol em bai pati bilong Papua Niugini tasol em bai groa long Lae, em i tok.

Wanbel kamap long Garaina

WANBEL i kamap namel long 4-pela ples insait long Garaina eria long las wiken bihain long bikpela kros pait i bin stap namel long ol 5-pela krismas olgeta i kam.

Long las wik bikpela wanbel bung i bin kamap we Morobe Gavana Luther Wenge wantaim eking Edministreta Manasupe Zurenuoc i bin kamap na sindaun wantaim ol na witnesim. Ol plisman bilong Bulolo na Wau wantaim ol komyuniti na ol sios lida tu i bin kamap sindaun wantaim ol long dispela wanbel bung.

Gavana Wenge i tok dispela wanbel bung em bikpela samting bikos dis-

pela i makim pinis bilong bikpela kros pait we i bin stap namel long ol pipel bilong Sopu, Bupu, Ono na Warea long longpela taim i kam.

Mista Wenge i tok tu olsem bikos long dispela kros pait, pasin bilong raskol tu i kamap bikos ol man nogut i yusim dispela rot long mekim ol trabel we i pasim ol gavman sevis long go insait long Garaina eria. Dispela pait i bin kamapim bikpela bagarap we lokol kaunsil samba long Garaina i bin go daun long paia long las yia.

Mista Wenge i tok tu olsem wok bilong Garaina ti fektori i bin bagarap tu long dispela pait bilong ol

ples lain. Tasol nau dispela wanbel i kamap namel long ol ples lain, ol sevis bilong gavman bai i go bek long ol pipel.

Gavana Wenge i tok Garaina i gat gupela lukluk bilong en long kamap wanpela gupela bisnis eria. Wantaim Garaina ti fektori we i stap pinis long eria, ol gavman sevis bai i go bek na nau bikpela wanbel i kamap pinis namel long ol pipel, Garaina bai bungim planti gupela senis na ol samting i kam bihain.

Insait long dispela wanbel taim, ol ples lain i sikan na senisim ol pik na ol gaden kaikai olsem banana na taro i go kam long narapela narapela.

PDM bai holim pati miting long Lae

PIPELS Demokretik Movmen (PDM) pati bai holim wanpela bikpela konvensen o bung bilong em long Lae long Septemba dispela yia. Deputi Praim Minista bilong PDM Michael Ogio i tokaut olsem dispela konvensen bai kamap long tupela de em Septemba 7 na 8, 2001.

Mista Ogio i tokaut olsem olgeta PDM eksekutiv insait long olgeta provins bai kamap long Lae long dispela bung. Na long dispela taim bai pati i tokaut long polisi rivi bilong em. Ol bai tokaut tu long fletfom bilong 2002 ileksen na ol bai tokaut long ol kendidet bilong pati long resis long 2002 ileksen.

Long redim ol yet long dispela konvensen, PDM rijinol miting bai kamap, stat long Hagen long Jun 14 na 16, 2001. Dispela miting bai op long olgeta

Hailans na Momase PDM kodineta.

Mista Ogio i tokaut tu olsem Papua na Niugini Ailan rijon miting bai kamap long Julai na Ogas na ol bai tokaut long de bilong ol dispela bung long liklik taim bihain. Em i tok dispela em bikpela samting long olgeta PDM provinsel kodineta i kamap long ol miting bilong ol long holim ol toktok wantaim ol Pati Sentrel eksekutiv long ol kendidet bilong PDM long 2002 ileksen. Ol i mas toktok na autim tingting bilong ol tu long ol polisi na pletfom bilong PDM long 2002 ileksen.

Dispela konvensen bilong PDM long Lae bai wanpela bikpela konvensen we bai kamap namba tu taim long Lae long dispela yia bihain tasol long Nesenel Alaiens (NA) i bin holim konvensen bilong em tupela wik igo pinis long Lae.

Kabwum kisim gut tripela han bilong Gavman

OL Viles Kot opisel bilong foapela viles kot eria insait long Yus Lokol Level Gavman Kaunsil eria long Kabwum distrik long Morobe provins ol i ken harim kot na sasim ol manmeri husat i brukim ol lo bilong kaunsil na ples.

Foapela viles kot eria Yopno namba 1, Yopno namba 2, Som na Uruwa viles kot eria. Ol viles kot opisel ol i kisim kos las yia na ol i kisim setifiket tasol ol i no bin statim wok olsem buk, pepa na risit buk ino bin redi.

Long las wik Trinde memba bilong Kabwum Ginson Saonu, presiden biling Yus LLGC Epemu Kiwenu wantaim Provinsal Viles Kot Kodineta Mista Dick wantaim ol opisel

bilong Yus LLGC i givim samting bilong wok i go long ol dispela lain viles kot opisel.

Mista Saonu i tokim ol viles kot opisel long luk-save long kastom bilong ples wantaim ol nupela lo bilong kantri gut pastaim na sikelim hevi na mekim fea na gupela disisen long taim ol i holim kot.

Namba wan wok bilong yupela em yupela mas save long yu yet olsem lo man na save long ol famili bilong yu olsem ol i mas save long yu.

Bilong wanem ol bai kamap namba wan birua bilong yu. Yu sanapim ol wantaim arapela manmeri wankain em bai olgeta manmeri bai i gat rispek long yupela.

Mista Saonu i tokim ol kaunsila long noken traim long mekim wok bilong viles kot. Wok bilong ol em bilong wokim lo na tok pait long projek. Wok bilong kot em bilong viles kot opisel. Mista Saonu long sem taim i tokim ol manmeri olsem tripela han bilong gavman nau i stap wantaim ol long haus lain bihainim rifom lo bilong Provinsel na LLGC long Papua Niugini.

Yu kisim kaunsil pinis em man na ples bilong wokim lo, yu kisim pinis presiden wantaim ol wokman olsem kiap na em ol lain bilong karimaut wok na kamapim sevis na nau yu kisim viles kot na em long strongim lo na skelim man bilong brukim lo.

Ol Japan i bin ronawe bihainim Kaiapit, Wantoat na Saidor rot

PLANTI lain i save long Kokoda Trek we ol soldia bilong Japan na Australia i bin yusim long pait long Wol Woa 2 tasol i gat narapela rot tu i stap em planti i no save long en na bin lusim tingting long em.

Dispela trek em Kaiapit-Wantoat-Saidor Trek na wanpela sinia saveman bilong Yunivesiti ov Papua Niugini, Sam Kaima, i mekim bikpela projek long wok painimaut long dispela rot wantaim sapot bilong gavman bilong Japan.

Nem bilong dispela projek em War in New Guinea na Mista Kaima bai i go long dispela trek na lukluk long hau ol soldia bilong Japan i ronawe taim ol alaied foses i bung na pait wantaim ol na bai em i rekodim ol dispela samting.

Taim ol Japan i ronawe long ol alaied foses ol i lus nabaut long Lae na ol narapela hap bilong Morobe provins.

Sampela i ranawe go long ol bik maunten long meinlen na kamap long Madang.

Taim ol soldia bilong Japan i ronawe i go long ol dispela ples nogat wanpela i save long hau ol lain as ples i luk-save long ol olsem na astingting bilong dispela projek em long toktok wantaim ol asples manmeri husat i witnesim dispela wo na wanem kain senis i kamap long ol taim ol i bungim dispela woa.

Ol i bai sekim ol matmat bilong ol soldia long sait bilong trek tu.

Mista Kaima wantaim ol wokman bilong em bai kisim olsem tupela wik long wok-about long Kaiapit long Makam Veli na i go moa long Saruwaged Ranges na go long Raikos long Saidor.

Ol soldia bilong Japan i kisim 11-pela long kalapim bik maunten na abrusim ol strongpela wara tait inap ol i kamap

long Gali.

Mista Kaima i bin raitim wanpela pepa long dispela na presenim long wanpela bung long Novemba las yia long Kenbra, Australia na ol lain Japan i kam long dispela bung i givim sapot long Mista Kaima i mas askim ol long helpim long prosek.

Taim em i kam bek long PNG em i raitim pas i go long gavman bilong Japan na em i amamas tru taim gavman bilong Japan i givim em K5000 long helpim em.

Long taim em i pinisim dispela projek Mista Kaima bai i go long Japan long Disemba long dispela yia na givim ripot long wok painimaut long wanpela bung.

Gavman bilong Japan na Australia Woa Museum i wok long fandim ol woa projek na ol saveman husat i mekim ol wok i bilong ol yunivesiti long Japan, Australia na UPNG.

Ol senis long ol Morobe lida

YAKAM KELO i raitim


PRAIM Minista Sir Mekere Morauta i rausim tupela Morobe lida long wok Minista bilong tupela long las wik. Tupela lida ya em memba bilong Lae Bart Philemon na memba bilong Bulolo Samson Napo.

Insait long dispela senis Praim Minista i bin mekim, em i rausim Bart Philemon long Ministri bilong Foren Afeas na Samson Napo long Ministri bilong Kalsa na Turism.

Bart Philemon em memba bilong Nesenel Alaiens pati we Sir Michael Somare i go pas long en na ol i bin gat bikpela toktok salens i stap nau wantaim Praim Minista na PDM pati bilong em long 2002 nesenel ileksen.

Olsem na Praim Minista i rausim pati bilong Sir Michael Somare long gavman tu long las wik.

Mista Napo em namba tu lida bilong Pangu Pati na ol i stap yet long Gavman wantaim Sir Mekere Morauta. Pangu i holim yet tupela wok Minista em Sir Pita Lus long Kalsa na Turism na lida Chris Haiveta long Leba na



• Bart Philemon



• Samson Napo



• Thomas Pelika



• Tukape Masani

Emploimen. Bart Philemon i bin holim ol wok Minista olsem Trensport na Sivel Eviesen Minista long pastaim na bihain Gavman i salim em i go kamap Minista bilong Foren Afeas inap ol i rausim em long las wik.

Mista Napo i bin Minista bilong Hausing sotpela taim tasol na bihain em i stap nating inap dispela yia we em i kisim wok bilong Kalsa na Turism.

Memba bilong Makam Andrew Baing

i bin holim dispela wok pastaim na bihain Gavman i mekim senis na givim i go long Samson Napo, tupela brata lida yet.

Insait long dispela senis tu, Praim Minista i makim narapela memba bilong Morobe long holim wanpela bikpela wok Minista insait long Gavman bilong em. Memba bilong Huon Galp, Tukape Masani nau i holim wok minista bilong Tred na Industri. Dispela posisen em rijinol memba bilong Sandaun John Tekwie i bin holim pastaim.

Mista Masani i joinim memba bilong Finsafen Alfred Pogo long holim wok Minista insait long dispela gavman bilong Sir Mekere Morauta. Mista Pogo em Minista bilong Woks na Trensport.

Memba bilong Menyama Thomas Pelika tu i kisim wok

olsem eking Oposisen lida bihain long Oposisen lida Bill Skate i sik yet na i stap long haus sik long Australia.

Wok bilong Mista Pelika em long laitim paia long gavman long ol hevi na ol samting we i kamap long kantri na gavman i no stretim gut o mekim gut.

Gavana bilong Morobe Luther Wenge i tokaut olsem em i sanap yet wantaim Yunaitet Pati bihain long olgeta memba bilong Yunaitet Pati i lusim pati na go joinim PDM long las mun.

Gavana Wenge i tok em i no laikim pasin bilong kalap kalap long pati i go i kam olsem na long mun Ogus samting, bai em i statim wanpela nupela politikel pati long Lae. Dispela bai wanpela nesenel pati tasol em bai groa long Lae, Mista Wenge i tok.

Komyuniti Voluntias sindaun long woksop

ADAM ELLIOTT i
raitim

SEVENPELA komyuniti beis voluntia i bin sindaun long las foapela yunit long Instraksen na Komyuniti Beis Sevis kos (ICBS) long Sen Martins long Aitape las wik.

Wan wan long ol lain i sindaun long kos i bin pinisim 10-pela yunit bilong dispela kos long las yia. Callan Sevis netwok i luksave long ICBS sevis setifiket.

Fisioterapis dokta long Pater Antoinet Senta George rutten i bin go pas long givim dispela kos.

Em i tok i gutpela olsem ol i luksave long wok we ol komyuniti voluntia i save wokim.

"Em i bikpela samt- ing long ol komyuniti voluntia i kisim setifiket long luksave long wok bilong ol. Ol i wokim kos na bikos kos ya i hap bilong Callan netwok, ol i mas kisikm gutpela luksave," George i tok.

ICBS i skulim tu ol pipel long luksave long ol disebel lain insait long komyuniti na helpim ol long stap gut na wokim ol samt- ing olsem tasol ol nomol pipel.

Ol dispela komyuniti voluntia lain i save kamap olsem ol risos lain bilong ol disebel pipel insait long ol wan

wan komyuniti na tu luksave long ol nits o ol samt- ing ol i laikim long en na givim ol besik sevis i go long ol.

Ol i lainim ol wan wan komyuniti woka long rot bilong stapim ol bagarap we i ken kamapim ol birua na man o meri inap kamap disebel olsem long bihainim seif rot bilong abrusim ol bagarap samt- ing, stapim ol sik na sampela i go het long fomim ol lokol disebel asosiesen.

Narapela eitpela lain husat i gat laik long sindaun na save long ol samt- ing long kos i bin wokim kos tu tasol ol bai ino inap kisim kos yet.

Ol bai sindaun long ol arapela kos yet bipo ol i kisim setifike long en.

John Apam bai go aps long Introdaksen long Kaunseling na Lucy Keino bai kisim Integral Humen Developmen kos.

Rejistra bilong Callan Sevis Sue Grace bai go pas long Introdaksen long Gol Seting na Plening.

Ol lain husat i sindaun los i bin kam long Wati, Wasisis, Fatima, Barapu, Arop, Suine na Aitape. Callan Sevis long Save the Children Fan i bin fandim dispela pro- grem.

Yut ministri semina

YUT Ministri i mas kamap olsem hap bilong ol progrem long ol institusen we i redim ol tisa na ol arapela long wok wantaim ol yut.

Dispela i bin wanpela strongpela samt- ing we ol Katolik yut saplen na kampus minista i bin toktok long en insait long wanpela wanpela bung ol bin holim long Lae.

Moa long 40 saplen na minista long olgewta hap bilong kantri i bin bung long Sen Joseph's pastorel senta long stap insait long wanpela Yut Ministri semina.

Litejikel Kateket Institut long Goroka i bin ogenaisim na Pater Alfred Maravila na Pater Jess Escala bilong Don Bosco Teknokel Kolis long Mosbi i bin go pas long dispela semina.

Tupela pater ya i gat gutpela save long yut ministri na situesen bilong ol yuf insait long kantri na olsem ol toktok na tingting bilong ol i bin gutpela long semina.

Yumi luksave long yut ministri olsem rot we Kristen komyuniti i save mekim wantaim ol yangpela long stiaim ol long bihainim laip bilong Krai

i mas kamap olsem hap bilong edukesen sistem na i mas kamap strong long laip bilong ol yangpela pipel.

Ol lain i go pas long semina i bin wokim strongpela toktok long edresim foapela samt- ing long gro na developmen bilongyut grup. Em long fomesen, selebresen, felosp na sevis.

Ol patispens i bin tok dispela kain semina i mas kamap olsem hap bilong progrem bilong ol institusen we i redim ol tisa na ol arapela lain husat bai wok wantaim o, yangpela.

Motot Yunaitet Sios witnessim odinesen

GORDON GAUIS i raitim

LONG las Sande Me 21, Molot Yunaitet Sios long Is Nu Briten i bin witnessim odinesen bilong wanpela Sios Minista.

Nem bilong man ya em William Amo husat i bin foma kot majistret.

Bisop bilong Yunaitet Sios rijen Reveren Isikeli Tioty i bin givim blesing long Minista William Amo long kamap olsem wanpela sios pastorel insait long Yunaitet Sios.

Probesen Minista Amo i bin greduet long Parango Tiolojikel Kolis long 1999 na em bin wokim probesen o praktikel bilong em long Molot na Tinganagapip seket.

Minista Amo i kam long ples Urkul long Duk ov Yok Ailan insait long Is Nu Briten yet.

Em i marit na i gat foapela pikinini.

Moa long 1,000 pipel i kam long Duk ov Yok na long ol bikples insait long Is Nu Briten i bin bung long Molot Yunaitet Sios long witnessim odinesen ya.

Ritaia Minista bilong ples Nabual em reveren Eliuda Laen i bin kinot spika long dispela seremoni.

Dispela em namba tu odinesen long NGI rijen long dispela yia.

PNGCC woksop long glasim ol plening progrem

VERONICA
HATUTASI i raitim

PAPUA Niugini Kaunsel ov Sios (PNGCC) na ol lain i makim ol memba sios i kam long ol bikpela sios i bung long dispela wik i bung long toktok long ol plen bilong ol long dispela yia na ol yia i kam.

Dispela bung i kamap long Nazarin Haus bilong Preia long Nazaret antap long Hiritanoi haiwe.

PNGCC opis i tok

long dispela bung, ol bai redim ol plen long ol samt- ing we Kaunsel i laik wokim, lukluk long en na skelim na glasim long duispela yia na long sampela yia i kam.

Tu bai bung i lukluk long ol rot we Kaunsel i ken kisim mani long en bilong daunim pasin bilong kisim helpim ausait.

Ol samt- ing we i kam aninit long ol plen Kaunsel i lukluk long ol em ol Visen long ol misin wok, ol aweanes long ol pro-

grem we ol wanlain bilong ol i karimaut long ol arapela hap bilong wol na ol tu i wokim wankain long hia. Dispela ol samt- ing i sut long spirituel, iekonomik, sosel, fisikel, envaironmen na olgeta eria.

Long wankain taim tu, wanpela eksekutiv bilong PNGCC i bin kam bek tasol long wanpela bung long Bangkok, Tailen.

Gwen Tulo i bin kam bek long tripela de bung we ol Esia na

Pasifik rijen grup i bin stap long en long bangkok las wik.

Bung ya i bin holim woksop long resim o karimaut aweanes long Anti resisim o pasin bilong no laikim ol arapela skin kala. Dispela em i namab awna kain bung olsem long rijen.

Wanpela long ol samt- ing we ol bin lukluk long en em long hevi we ol Wes Papua lain i bungim long dispela taim.

Bisop Alphonse givim konfemasio long Ingran

OKSILERI Bisop bilong Rabaul Bisop Alphonse Chaupa long Me 13 i bin givim Sakramen bilong Konfemasio i go long sampela pikinini long wanpela peris long Bristol, Ingran.

Bisop Chaupa i mekim wokabout long Yurop wantaim Asbisop Karl Hesse bilong Rabaul.

Tupela Bisop nau i raun i go olsem long Lourdes long Frans na bihain ol bai go long Rom.

Taim tupela Bisop i raun long Yurop, Pater Richard Dwyer wanpela pater pren husat i bin skul wantaim Bisop Chaupa long Louvain, Belgium i bin askim em long go long ples bilong em long Bristol, Ingran na givim Konfemasio long ol pikinini long peris bilong em.

Bisop Chaupa i bin raun i go raun tu long Louvain Kolis long dispela wokabout bilong em wantaim Asbisop Hesse.

Long welkamim Bisop Chaupa long Bristol na konfemasio selebresen, ol bin redim tu wanpela bikpela keik wantaim fleg bilong PNG na Ingran i sanp long sait sait bilong em.



• Bisop Alphonse Chaupa long taim bilong Konfemasio long Bristol, Ingran.



Jisas i go long Heven

Na em i bekim tok bilong ol olsem, "Em i no samt- ing bilong yupela bai yupela i save long ol taim na ol de Papa i makim. Nogat. Em yet i bosim dispela ol samt- ing. Tasol bihain Holi Spirit bai i kam i stap long yupela, na yupela bai i kisim strong. Na yupela bai i autim tok bilong mi long Jerusalem, na i go inap long olgeta hap bilong graun." Jisas i mekim dispela tok pinis, na taim ol i lukluk i stap, em i go antap. Na wanpela klaut i haitem em, na ol i no lukim moa."

Aposel 1: 7-9

Toktok long AIDS i kam long ol Katolik Bisop bilong Papua Niugini na Solomon Ailan

"LONG Papua Niugini dispela kamap bilong sik HIV/AIDS i stap strong tru nau." Dispela liklik hap tok Dokta Sue Crockett bilong Nesenel AIDS Kaunsil i bin autim. I mekim yumi pret na tingting planti. Long pinis bilong yia 2000 ol i bungim ol namba na painimaut olsem namba bilong HIV-positiv i sanap nau olsem 478. Na tu i gat 1,153 konfem AIDS krisis na 742 manmeri i bin i dai long ol narapela sik tu na we i gat koneksen long dispela sik AIDS. Dispela namba bilong sik AIDS i wok long kamap antap moa yet na long las yia tasol klostu namba i groa olsem 50 pesen (%) olgeta. I gat hevi i stap long rot bilong testim ol manmeri long HIV/AIDS na planti haus sik i no mekim dispela wok. Olsem na yumi mas antapim ol namba bilong ol manmeri husat i gat HIV na sik AIDS. I luk olsem dispela sik i stap pinis long blut bilong moa manmeri.

I no longtaim i go pinis wanpela tim bilong Yunaited Nesens husat i save lukluk na wok wantaim HIV/AIDS i traim na kamapim namba i samting olsem 10,000 o 15,000 HIV-positiv keses insait long PNG. I gat narapela lain save manmeri tu i mekim sampela wok painimaut na ol i tok dispela namba ol lain bilong Yunaited Nesens i givim i daunbilo tumas vot. Sapos em i tru, i luk olsem insait long ol grup bilong 500 manmeri, i gat tupela man o meri o pikinini HIV/AIDS virus i stap pinis long blut bilong ol. Olgeta de ol dispela namba i go antap moa.

Longpela taim nau Katolik Sios i bin karim na lukim na wari long dispela kamap bilong sik AIDS long kantri bilong yumi. Olsem na nau Katolik Sios i kamapim pinis wanpela opis bilong em yet na ol i kolim dispela opis Nesenel Katolik AIDS BOD. Na tu, nau planti Katolik Daisosis i gat ol daisisen AIDS opis bilong ol yet. Ol dispela daiosises AIDS opis, wantaim Nesenel Famili Laip Apostokel na ol daisisen famili laip opis, wantaim ol daiosisen Katolik long sevis long olgeta hap bilong kantri, nau i wok long givim awenes toktok long dispela hevi bilong tok HIV/AIDS. Ol i kirapim tu ol AIDS kaunsellim trening program. Na tu, Katolik Sios i givim kaunselling sevis long ol AIDS sik manmeri long famili bilong ol tu long lain o komyuniti bilong ol. Olsem nau mipela long Katolik Sios i stat na isi isi mipela i laik mekim dispela wok i go bikpela moa yet na i go long olgeta hap bilong kantri.

Long pas bilong Santu Pol i go long ol Kor. (1 Kor 12: 12-31) em i tok. Kristen Komyuniti i olsem Bodi Bilong Krai. "Sapos wanpela hap bilong bodi i pilim pen, orait ol narapela hap tu bai i pilim pen (1 Kor 12-27)." Olsem na yumi pipel bilong God, komyuniti bilong Krai, yumi hap hap bilong bodi bilong Krai i stap insait long hevi bilong HIV/AIDS. Dispela i olsem olgeta bodi bilong Krai nau i stap insait long hevi. Dispela samting i kamap tru insait long Kristen Komyuniti bilong yumi na em i salensim yumi long harim na bihainim tru tok piksa bilong stori long Gupela Samaritan (Lk 10: 28027). Yumi mas lusim pasin skelim ol bratasusa husat i stap long hevi bilong sik AIDS. Yumi noken wari o tingting long ol, olsem dispela pris na livai bilong stori bilong Gupela Samaritan. Tupela i bin lukim tasol na wokabout i go long narapela sait bilong rot na ranawe i go. Yumi mas tingting long daunim "skelim na pret pasin" na redi long wok long helpim ol bratasusa bilong yumi husat i kisim pinis dispela sik nogut.

Katolik Sios wantaim ol planti han bilong em long grasrut levul olsem ol husat i lukautim ol peris na viles sios o hauslain sios komyuniti, ol Katolik skul na haus sik. I gat planti save na tingting long serim wantaim pablik long sampela rot bilong daunim pasin bilong pret na ranawe long ol manmeri i gat HIV/AIDS. Mipela inap givim helpim long putm kamap ol awenes bilong HIV/AIDS long ol planti komyuniti long olgeta hap bilong kantri.

Mipela i bilip olsem mipela i gat tok i klia long en na strongpela tok we em inap sapatim na strongim long stapim kamap bilong HIV virus. Na tu mipela inap long givim ol kaunsellim trening program wantaim wok marimari na wantaim ol narapela grup husat i wok long pait bilong rausim sik HIV/AIDS.

Gavman bilong PNG na planti ol narapela kantri ol i bin toktok planti long yusim kondom olsem rot bilong stretim hevi bilong

AIDS. Katolik Sios i no save bilip olsem kondom em i rot long stretim arapela hevi. I klia olsem rot tru long abrusim dispela sik nogut em long tambu long prenim nating narapela na long ol marit i tambu long paul pasin. Pasin bilong mekim nabaut em i as tru bilong sik AIDS i wok long kalap kalap hariap tumas, tasol planti samting bai mekim olsem em i no inap helpim tumas olsem sapos long planti hap i kondom i no stap, o sapos planti lain ol i no klia long yusim, o sapos planti ol i pilim olsem yusim kondom i save go bam wantaim pasin Tumbuna i pasin Kristen. Husat i save yusim kondom olgeta taim em i no ken long olsem em bai i orait tasol. Samting hia bai i no inap stapim hevi bilong sik AIDS long PNG long go bikpela.

Wanem we Nesenel Helt Dipatmen bai kamapim long banisim na daunim AIDS, i mas sut long pasin bilong yumi ol manmeri, long we yumi stap long en. Ol HIV/AIDS awenes program i mas toktok long kainkain laipstail o we yumi save sindaun long en, na tokaut long ol pasin bilong laip i save kamapim na strongim raun bilong HIV virus.

Sapos yumi lukluk long sait bilong helt o medikol save stret, yumi ken luksave olsem wanpela stretpela rot long stopim kamap bilong HIV virus em ol yangpela manmeri i mas abrusim pasin bilong slip nabaut wantaim kainkain man i meri. Ol i mas agruism narapela inap long taim ol i marit. Na ol marit manmeri tu i mas i gat wanpela poro tasol bilong em yet, man bilong em o meri bilong em. Ol i mas stap stret wantaim dispela poro bilong em yet. Dispela pasn ol planti Kristen sios i save promotim, long wanem dispela toktok na tingting em i fit wantaim olsem tok bilong Jisas Krai. Em i wankain tok olsem long pasin tumbuna o pasin kalsa bilong planti hap bilong PNG wantaim.

Taim mipela i pasim tok pinis long mipela yet bai pait long daunim kamap bilong HIV/AIDS, na long givim taim long lukautim ol manmeri i kisim sik AIDS pinis, mipela ol Katolik Bisop bilong Papua Niugini na Solomon Ailan i kamapim ol dispela pasin bilong Nesenel AIDS Bod. Mipela i tok olsem:



- Bai wanwan daiosis i mas kirapim wanpela Daiosaisen AIDS Opis wantaim fultaim AIDS Ministri Kodineta husat i mausmanmeri bilong daiosis. em nau ripot i go bek long Nesenel Katolik AIDS Bod Kodineta long wanem wok i kamap long AIDS ministri long daiosis;

- Bai Daiosisesen AIDS Kodineta inap i go insait na kamap memba long Provinsal AIDS Komiti long provins na wok bung wantaim ol;

- Bai Daisosisen AIDS Kodineta inap i go insait na kamap memba long Provinsal AIDS Komiti long provins na wok long wantaim ol;

- Bai wanwan Daiosisen AIDS Kodineta i serim tingting, toktok, save na wok bung wantaim wanem narapela daiosisen grup o ejensi olsem famili laip opis, edukesen opis, helt opis, yut opis na ol opis bilong ol meri long givim ol HIV/AIDS awenes program long givim trening long kaunsellim long givim kaunseling stret na sapat sevis long ol AIDS sik manmeri, famili bilong ol na komyuniti bilong ol;

- Bai olgeta pris na pastrol wokmanmeri inap i kam insait moa long wok bilong HIV/AIDS na luksave long dispela hevi i bin kamap long sik AIDS insait long PNG;

- Bai ol Daiosisen AIDS Kodineta i yusim ol kainkain samting olsem pasin na save bilong ol long trenim ol pastoral wokmanmeri long AIDS awenes, prevensin ol rot bilong stopim HIV virus na long kaunsellim ol AIDS sikmanmeri;

- Bai ol Daiosissen AIDS Opis i kam singautim na askim ol sampela sios grup olsem Lijin bilong Maria Antiok Yut, katolik Mamas na ol narapela tu long kamapim pasin bilong sori na marimari, na givim komyuniti sapat long manmeri i gat sik AIDS pasin na i stap long taim bilong dai;

- Bai ol peris pris na ol religins, brata na susa husat i wok long ol pastoral eria, ol inap givim taim long i go visitim o lukim ol AIDS sikmanmeri. Ol i mas wok strong na long stopim ol narapela manmeri long pasin bilong raisisim na daunim ol eksmanmeri husat i karim sik AIDS;

- Bai ol Daiosisen AIDS Opis i mekim ripot long olgeta sikispela man na salim i go long Nesenel Katolik AIDS Kodineta, na dispela

kodineta bai bungim olgeta ripot wantaim na givim long Katolik Bisop Konferens; na

- Bai long olgeta hatwok bilong yumi, Jisas, husat i tok, "wanem samting ya mekim long ol dispela tarangu bratasusa bilong mi, em yu mekim long mi." Bai i stap olsem wanpela piksa yumi ken bihainim.

HIV/AIDS i kamap strong tu raun kwiktait long ol ples we ol manmeri i no tingting na wari long dispela samting. Ol i pasim maus tasol na larim sik i raun i go.

Mipela sapatim gavman long kamapim ol gutpela na strongpela program we i gat sans long autim toktok bilong HIV/AIDS long olgeta levul bilong komyuniti o sosaieti, na moa, moa yet long ol dispela grup we sik AIDS i save raun isi na kwiktait.

Mipela tok amamas i go long gavman wantaim ol dona ejensi long Nesenel HIV/AIDS Medikol Tim Plen bilong ol. Ol i mas bungim olgeta grup long olgeta hap, bilong pasim kamap long sik HIV/AIDS long olgeta hap wantaim. Ol i mas kirapim dispela program hariap, long olgeta hap bilong kantri, namel long olgeta manmeri.

Gavman nau i mas kirapim wanpela program bilong mekim ol test bilong HIV i kamap long olgeta provins bai yumi ken luksave long wanem mak, kantri bilong yumi i sanap nau wantaim HIV/AIDS long en. Sanap na raun bilong HIV/AIDS i mas i stap long ples klia. Na tu gavman i mas redi long serim ol dona mani na putim mani bilong em yet long mekim dispela wok bilong pasim HIV/AIDS insait long kantri.

Yumi mas wok strong nau long painim ol rot bilong kisim ol marasin bilong sloim daun ol sik i kamap long AIDS na ol marasin we i save stopim HIV virus i stap long mama na i go long pikinini i stap yet long bel bilong mama.

Las tru, mipela i ken tok olsem, olgeta grup, gavman, ol kainkain grup na sios i mas redi long wok long wantaim long pait long daunim dispela birua bilong yumi olgeta, em HIV AIDS, we man i kamap strong moa na i laik bagarapim yumi olgeta.

Tokaut bilong Katolik Konferens bilong Papua Niugini na Solomon Ailan

Ol Karaite Lupai pipel no amamas long rot

MATHEW PAIYAU
i raitim

Ol pipel blong ples Karaite, Lupai, Yongite na Seyom insait long Aitape Distrik, Sandaun Provins, itok ol ino amamas long wok blong Karaite-Lupai rot ino go het.

Joe Meidon em mausman blong ol dispela ples na wanpela dairekta blong Pai Len Ona kampani, Pai Risos Menesmen, ibin kamapim dispela bel wari bilong ol pipel long Fraide Mei 11.

Mista Meidom itok Pai Risos Menesmen ibin salim pinis kotesen blong Karaite-Lupai rot igo long Distrik Edministrata (DA), Martin Selmatin

klostu long pinis bilong Epril. Tasol long sekap blong ol long Mei 5 ol ibin painim olsem DA i holim yet kotesen.

"Ol pipel i nidim dispela rot na ol masin blong kampani i redi na mipela i wetim tasol mani blong dispela rot nau istap long Woks Dipatmen long Vanimo" Mista Meidom itok.

Tok save ikam long DA itok em i holim kotesen bikos Pai Risos Menesmen ino wokim stretpela kotesen pepa na ibin salim kotesen igo bek long papagraun kampani long wokim gut gen bipo long em i salim igo long Provinsel Tendas Bod long Vanimo.

LLG Wod Mema blong Karaite viles, Mista Joe, wantaim fopela man blong Karaite yet ibin kamap long DA long Aitape long presenim nupela kotesen igo long DA.

Mista Joe itok DA i bin go long Vanimo insait long seken wik blong Epril wantaim kotesen long presentim igo long Woks Dipatmen na wok blong rot bai i stat long dispela mun Mei.

Karaite-Lupai rot i kisim K100,000. ikam long Iktorial Development Fan(EDF) blong memba blong Aitape-Lumi Distrik, Eddy Saweni na em istap wantaim Woks Dipatmen long Vanimo.



• Masin i stretim ol rot long Renbo eria long Mosbi. Rot long Renbo eria i bin nogut tru inap ol manmeri i mekim planti komplek na tupela wik nau gavman i salim ol masin i go long stretim rot. Dispela em elektoret tru bilong Praisim Minista Sir Mekere Morauta long Mosbi Not Wes. Foto: YAKAM KELO.

Aitape Katolik Yut i sindaun long kos

KATOLIK Yut opis bilong Aitape Daiosis i bin holim wanpela tu wik lidasip kos wantaim ol yut manmeri bilong Aitape long Sen Martin Pastorel Senta insait long Aitape, Sandaun Provins.

Dispela kos stat long 7 Mei i go inap long 17. Ol 54 lain olgeta bilong Aitape, Nuku na Lumi eria i bin sindaun long dispela kos. Insait long dispela grup tripela meri tasol i bin stap.

Het tok bilong dispela kos em olsem "wasman bilong moning", we Pope John Paul II yet i bin givim long ol Yut long las yia.

As tingting bilong dispela het tok i bihainim tok bilong Pope John Paul II. "Ol yangpela bilong tude i long Mostu long Jisas long tokaut long olsem yupela bai stap olsem manmeri bilong bringim bel isi long nupela milenium, bilong tok nogat long pait (Woa), bilong tokaut long ol samting i no stret na i save mekim planti manmeri i dai long hangre, ol nogat skul, nogat wok. Yupela wok hat long mekim dispela graun i kamap ples bilong stap wantaim amamas."

Ol yut insait long dispela kos i bin lainim long tripela kain lidasip we i sut long tredisenel lidasip, moden lidasip na kristen lidasip we Daiosis Yut Kodinata, Gerald Towun na Daiosis Pis na Jastis opisa, Tony Elmale i bin givim long ol

Towun tok: "Mipela i bin toktok strong long ol kwalati bilong Jisas na kain sevis em i givim bai ol yut i save na tokaut long samting i no stret, ino tru na tok aut strong

wantaim hamamas."

Em tok bipo long lidasip wok bilong ol tumbuna ol i no save kamap nating, ol save toktok na mekin wok bihain sindaun na toktok long luksave long wanem samting i gutpela na wanem sameting i nogut.

Saplin bilong Aitape Daiosis Yut, Pater Gianni Gattei tok: "Insait long daiosis ol yut i ken sanap na toktok long helpim bisop long ol pastoral plan bilong daiosis na mipela laik makim sampela yut long komyuniti long kamap wasman bilong moning."

Em tok ol yut i ken wok tu long painim aut wanem ol samting i pasim ol yangpela tudei long autim wari bilong ol na mekim wok insait long wanwan komyuniti bilong ol.

Pater Gianni tok ol Yut ol i fiusa bilong sios long ol wok misin, ol i mas stiarim na autim visen bilong ol bai sios i ken autim driman bilong em.

Yut Kodinata bilong Lumi Dineri, Terrence Eki, husat i stap insait long dispela kos i tok olsem em i naispela kos na em i laikim long bung na serim, na em laik bai ol i ken mekim dispela lidasip kos gen.

Dispela lidasip kos i bihainim faipela step, namba wan em long Redim Spirit, namba tu em long Taim bilong harim, namba tri em long skelim ol bekim bilong ol yangpela, namba foa em long serim wantaim sios (bisop) na las em long helpim daiosis long kamapim nupela pastoral plen.

Man nogut i sutim tupela sumatin long UPNG

GABRIEL PAITA
i raitim

WANPELA man nogut i bin yusim wanpela gan na sutim na bagarapim tru tupela sumatin long Yunivesiti bilong Papua Niugini long las wik Fraide nait.

Wanpela i bin kisim bagarap long han na lek bilong em na narapela i bin kisim wanpela katres long han bilong em. Wanpela sumatin ya bilong Is Sepik na narapela bilong Not Solomon provins.

Namba tu bos bilong Yunivesiti Dokta Tomas Wagner i tok olsem namel

long 10 na 11 kilok long nait, wanpela ka i bin kam insait long skul. Draiva bilong ka i bin givim ai lait long sampela sumatin. Ol sumatin i kros long dispela na singaut long draiva.

Draiva ya i bin stapim ka na i bin bekim toktok bilong ol sumatin i stap taim narapela man husat i bin sindaun insait long ka i kam aut na sutim tupela sumatin long gan.

Em sutim tupela pinis na kwik taim tasol ol i ronawe.

Dokta Wagner i tok tu olsem samting i bin kamap hariap tumas na nogat man i bin luksave gut long ka na draiva bilong em na tu dispela man husat i bin holim gan.

Bihainim dispela birua, long Sarere moning, ol sumatin long Is Sepik i bin kirap i go na paitim nogut tru foapela sumatin bilong Not Solomon long wanem ol i

bin kisim toktok kranki olsem wantok bilong ol i bin kisim bagarap taim em i bin pait wantaim dispela sumatin long Not Solomon. Tasol ol lida bilong ol sumatin i bin stapim dispela pait.

Dokta Wagner i tok olsem olgeta sumatin i nau klia long as bilong birua na nogat moa pait namel long ol sumatin gen. Em i tok tu olsem trabel ya ol i putim long han bilong plis na plis i wok long karim wok painimaut i stap.

Aitape plis holim 11-pela yangpela man

Plis long Aitape i bin holim pasim 11-pela yangpela man krismas bilong ol namel long 17 na 19 bihainim tupela hevi i bin kamap long las Fraide nait na las Sarere moning, Mas 18 na 19.

Long Fraide nait 8-pela yangpela man i bin yusim ol strongpela samting long brukim ol lait, win skrin glas na bagarapim stiarim na bodi bilong wanpela PMV bihain long dispela PMV i bin pikim ol fri. Ol lain ya i bin paitim tu PMV kru long het wantaim strongpela samting.

Draiva bilong PMV i tok bihain long ol i pikim ol, ol lain ya istap antap long PMV i wok long paitim na bengim kebin bilong PMV na pait i bin kamap taim em wantaim kru i bin traim long rausim ol long PMV.

Draiva i tok em wantaim kru i bin ronawe taim tupela i lukim ol lain ya i kam wantaim busnaip na narapela ol strongpela samting long pait.

Draiva i tok em wantaim kru i kam bek long Aitape long wanpela

pasindia ron i go long Malol na i bin pikim ol lain ya long Yakoi rot na dispela hevi i bin kamap.

Plis itok ol i bin holim 6-pela man, wanpela ol i putim em long Raihu Haus sik long bagarap em i bin kisim long nus bilong em bihainim dispela hevi, na tupela ol i wok yet long painim ol. Faipela i stap long sel na plis bai i kwesanim ol long dispela bagarap ol i kamapim long PMV ka ya na sait bilong stilim ol samting long Sandaun Trading long Sarere moning igo long tulait

Ripot i kam long plis i tok ol samting ibin lus bihainim dispela hevi em K1,200.00 kes, tupela C/D dek, tripela katen bia na planti ol arapela samting we kos bilong olgeta i moa long K3,000.00.

Plis i tok ol i bin lusim gen tripela man ya igo long wanem ol i nogat inap evidens long holim ol long plis Sel. Plis itok ol i kisim tu toktok olsem i gat ol narapela istap long dispela hevi tasol inogat ripot i kam long ol tasol plis i wok

long lukluk i go insait.

Papa bilong stoa, Leo Sorap, i bilip hom meid lika na smokim spak brus em i as bilong ol dispela kain hevi.

"Ol yangpela man i save yusim strongpela hom-meid dring olsem stim na smokim mariwana long paulim tingting na givim ol strohg long wokim ol kain pasin olsem we ol i no inap long mekim taim tingting bilong i stap stret. Bia em ino as bilong ol dispela kain pasin.

Long go het moa long wokim hom bru na smokim mariwana" Mista Sorap i tok

Insait long dispela wik yet plis i bin holim pasim tu wanpela long ol sampela yangpela man husat i bin stilim ol singsing intramen blong St. Ignatius Peris.

Ol samting ol i bin stilim em tupela emplifaiya, wanpela kod, wanpela ilektrik gita na wanpela radio. Plis i tok ol kisim bek pinis ol dispela samting. Plis i save tu long ol arapela husat i bin stap insait long dispela hevi.



Taim bilong planim diwai....

• Nesenel Fores Atoriti i wok long surukim wok bilong planim pikinini diwai insait long kantri. Hia wm ol lain long ples Lapegu long Isten Hailens provins i mekim save long planim ol pikinini diwai. *Foto: JOE KANEKANE.*

Bung bilong skelim kopra industri long praivetaisesen

LONG namba wan taim bai i gat bikipela bung toktok i kamap, long sait bilong diregulesen na praivetaisesen bilong Kopra industri long kantri.

Dispela bung bai kamap namel long ol lain i save planim kopra long Niugini Ailans rijon na i kamap long Stay Kool Risot long Kokopo.

Nesenel gavman i kamapim wanpela Task Fos long mekim dispela

bung long Kokopo na Seketeri bilong Agrikalsa na Laipstok, Mista Utula Samana i siaman long dispela bung.

Dispela bung bai i luk-save long ol we gavman i ken mekim samplea senis long industri na siaman bilong Task Fos i ken kisim tingting bilong ol growas na skelim wanem samting i mas senis long industri.

Agrikalsa Minista

Mista Muki Taranupi taim em i tok aut long dispela bung em i mekim klia olsem dispela bung em bilong kisim tingting bilong ol pati na traim long mekim sampela senis we i ken helpim indatri.

Em i tok bihain long dispela bung task fos i bai mekim ol liklik senis long lo bilong industri i afektim ol growas na long olgeta seksen bilong industri.

Long dispela bung ol praimari growas bai luk-save long diregulesen na praivetaisesen bilong industri na luksave long wanem samting dispela i minim long ol.

Planti wankain bung olsem bai i kamap long Madang bilong ol Momase kopra growas na bilong ol Sauten Rijon bai i gat wanpela bung long Pot Mosbi.

Vanila Kos long Aitape

WANPELA kos bilong vanila i bin kamap long Aitape long 14 na 15 Mei we ol fama i kisim skul long wei bilong groim vanila.

Numba bilong ol lain i kamap long kos em i olsem 65 olgeta na long dispela grup em 54 em ol fama na 11-pela narapela em ol opisa.

Ol lain i kam olsem long inlen, ailan na Is na Wes Kos bilong Aitape long stap insait long dispela kos.

Tripela meri i stap insait long dispela grup, tupela tisa, wanpela vokesenel na komyuniti skul tisa na Distrik Edministrata, Maran Nataleo tu i kamap long dispela tu dei kos long interes bilong em yet long dispela kes krop.

Provinsiel Edvaisa bilong Agrikalsa na Laiv Stok, Clement

Tumana i ranim dispela kos long Risos Senta long Aitape.

Ol i ranim hap dei long fil na narapela hap dei ol i sindaun long lainim ol samting long pepa. Long dei wan ol igo long Pes long luk-luk long polinesen o ol i kolim marit bilong ol flawa bilong vanila.

Planti fama itok nau ol i klia long dispela rot bilong polinesen nau ol i ken go bek long wanwan ples bilong ol na bihainim.

Man i go pas long ogenaism dispela kos, Paul Aumai i tok olsem ol saientis i lukim olsem long taim bilong polinesen ol meri i save kamapim olsem 1500 vanila na ol man olsem 1000 tasol na em i tok dispela mas mekim ol meri luksave na i gat interes long lukautim dispela krop.

Mista Aumai i tok olsem ol fama husat i laikim long kisim moa toktok long vanila mas kam stret long ol didiman long kisim toktok. Na tu em i wari long taim bilong baim vanila em tok ol fama ino ken baim nabaut long maket ol i mas kam stret long DPI opis na baim.

Em i mekim dispela toktok long wanem wail vanila i luk wankain olsem long vanila stret na em i pret nogut sampela man i laik long kisim mani i giamanim ol fama.

Long dispela kos ol manmeri i sindaun long kos ya i baim fi olsem K30 wei i karamapim trenspot na kaikai long dispela tupela dei na tu ol i kisim tupela kating blong vanila fri.

Parer salim sampela propeti bilong em

WANPELA longtaim bisnis man long Aitape, Sandaun Provins bai i salim sampela bisnis bilong em long Collins na Leahy, wanpela bikipela stoa kampani long Papua New Guinea.

Papa bilong W and R Parer Ltd, Robert Parer ibin stap long bisnis long Aitape long klostu olsem 50pela yia oleta.

Em bai i salim Supamakot Stoa, holseil na reiteil, fiul yad, Habas Bod agensi na Lutren Siping agensi bilong em i go long ol Collins na Leahy.

Mista Parer itok olsem dispela em ino wanpela join wensa patnasip, em itok Collins na Leah baim opim ol dispela bisnis bilong em wei em i salim long ol.

Ol bikman bilong Collins na Leahy i bin kam lukluk raun long ol hap eria we ol i bai baim na operetim.

Collins na Leahy kampani bai kam na opisoli tekova long ol hap bisnis bilong Robert Parer long Ogas1 bilong dispela yia.

Ol wokman na meri bilong kampani bai i stap yet tasol Collins

na Leahy bai i salim tasol menesa bilong em i kam long ranim ol dispela bisnis we em i baim.

Mista Parer i tok olsem em bai nogut sapos em i salim olgeta bisnis bilong em tasol em i gutpela olsem em i ken salim sampela na holim bek sampela olsem wok-sop, plantation na rot wok bilong em we em ken stil ranim.

Mista Parer bai i stap yet long Aitape. Em ino gat tingting long salim olgeta samting na lusim kantri.

Wes Sepik tisa kisim kot long balus tiket i lus

FELIX RAMRAM i raitim

PLANTI taim ol tisa insait long Wes Sepik i komplem long ol samting i no ron gut taim ol lain i wok long opis bilong Edukesen long provins. Planti komplem bilong ol tisa em long skul bilong ol i sot long ol saplai olsem buks na ol narapela samting bilong wok.

Na bikipela hevi ol tisa i save kisim em ol pe sek na lip tiket bilong ol i save lus nating long opis we ol lain i wok long Edukesen Opis tu i nogat saye long ol i save lus olsem wanem.

Las wik wanpela tisa i kam aut pablik na tokaut olsem ol balus tiket bilong em wantaim famili bilong em we i kos moa long K2,000. Em i mas kisim pinis na go lip long ples i lus nating taim Vanimo Edukesen Opis husat i nogat asua, dispela ol balus tiket i lus olsem wanem.

Hetmasta bilong Saint Anna Primeri Skul long Aitape, Sik Kayau long Redio Wes i tokaut olsem em i bilip i gat paul insait long Vanimo Edukesen Opis na i singautim ol atoriti insait long provins. Long karim aut investigesin i go insait long ol hevi i wok long painim ol tisa bihainim planti komplem bilong ol i stap longpela taim tru. Ol i nogat wanpela samting ol bosman bilong edukesen i mekim long stretim belhevi bilong ol tisa.

Mista Kayau i tok, dispela em namba tu taim ol lip tiket bilong em wantaim famili i lus nating long opis bilong edukesen na em i no go long Manus long kisim malolo bilong em. Olsem na em i laik-lukim olsem i gat bai painimaut i kamap.

"Mi ripot bek long Edukesen Opis tasol opis i no mekim wanpela samting long hevi bilong mi. Mi tis insait long Wes Sepik inap 25 krismas. Dispela pasin nogut i bin stap sampela yia pinis na mi

bilip i gat paul i stap insait long Edukesen Opis long Vanimo.

Planti tisa i komplem planti taim pinis long ol samting i no stret. Na olgeta taim ol tisa komplem long ol entaitelmen bilong ol olsem ol balus tiket wantaim ol pe nek bilong ol i paul o i lus. Dispela i soim olsem i gat faul i stap long opis", Mista Kayau i tokaut long Redio Wes Sepik.

Aitape Hetmasta ya i go het na i tokaut olsem, ol bilong em i wok painimaut soim olsem wanpela man i bin kisim ol balus tiket bilong em aut long Air Niugini Opis long Vanimo. Na kisim i go na givim o salim long wanpela ausait man olgeta husat i no wanpela tisa.

Em i tok em i kisim tok klia i kam long ol loya na i no long taim nau bai i kism ligel eksen egensim nau, famili i holim dispela ol balus tiket na i traim long senisim long Air Niugini opis long Vanimo. Mista Kayau i tok em bai kotim dispela man. Em i no kolim nem bilong em, long bekim mani i inap long kos bilong ol balus tiket ya K4,568.

Ripot i kam long Vanimo i tokaut olsem Edukesen Edvaisa bilong Wes Sepik, Mista Ignas Wunum bai atoriti bilong provins i "saspenim em long as bilong i no mekim gut wok" 2-pela wik i go pinis. Na i as bilong planti hevi tumas i bungim Edukesen Divisen insait long provins. Provinsel Atoriti i karim aut investigesin nau long painim aut wanem na divisen ya i save bungim planti hevi long longpela taim.

Dispela taim tu presiden bilong PNGTA Brens insait long Wes Sepik John Inuwawba i singautim ol provinsel atoriti.

Long mekim olgeta samting ol i inap long stretim ol hevi bilong edukesen, tasol sapos i mas gat senis i kamap long Edukesin Divisen. Dispela i noken stapim gutpela edministresen na lainim bilong ol pikinini na welfea bilong ol tisa insait long provins.

Australia:

Australia laik wokim hait pasin wantaim Solomon

OL RIPOT i kamap olsem ol Australia na Nu Silan i mekim haitwok long stretim ol toktok long salim ol samting bilong pait i go long ol lain long Solomon Ailan husat i bin stap insait long ku o hevi las yia.

Ol dispela hait toktok i brukim dispela Taunsvil Pis Agrimen na opisel polisi bilong Australia long Solomon Ailan. Dil long dispela samting i stap i sait lonf wanpela diplomatik ripot we Australian niuspepa i gat kopi long en.

Ol bikman i tok dispela ripot i no tru tasol ol ripot i tokaut long proposel we i ken larim ol memba bilong Solomon Ailan

Plis Fil Fos (PFF) long lokim ol gan samting long wanpela hap bilong stoa we ol plis i save putim ol wepon long en. Na i no givim i go long han bilong Intenesenel Plis Monitering grup we Australia i kodinetim.

Sampela PFF lain i bin tekova long plis amari we ol i save storim ol gan samting bikos ol i laik stapim hevi na tude yet ol i holim ol dispela samting bilong pait long en.

Monitering grup we i save kisim, storim na monitaim ol gan i wok long brukim agriem na em yet i bin sainim taim em i tok-wantaim PFF.

Wanpela sinia opisa bilong foren afeas i tok ol toktok i stap insait long dispela ripot i no makim gavman.

Bos bilong ol monitas David Hegarty i no bin stap long kliarim dispela ripot tasol pastaim tu em bin tok ol ripot i no tru.

Tasol deputi bilong em Sarah Craig long ripot bilog em we i bin kamap long Me 5 i bin tok dispela proposel long negosiet i bikpela long wok bilong ol monitaring grup husat i stap insait long ol wok bilong painim gut-pela sindaun long Solomon Ailan.

Wari long ol hevi we biknem rif i bungim

Biknem rif long Australia em Great Barrier Reef.

Ol sainetis na ol saveman i wari olsem ol pipia samting we taitwara i save karim i go long rif i wok long bagarapim dispela rif.

Insait long wanpela yia, 17 milien ton graun, tais na pipia i save kapsait i go long Great Baria Rif long Not Kwinlen, Australia.

Ol ripot i tok planti long ol dispela graun we taitwara i karim na tromoim long rif i bagarapim na posenim rif.

Graun i kam long ol fam na i gat pipia long en, pipia long ol fetelaisa, moa yet naitrojen na fosfet we i wok long kilim na bagarapim rif. Ol fama i save yusim ol dispela fetelaisa long ol fam bilong ol.

Ripot i tok insait long 10-pela krismas i kam,

40 pesen bilong ol korol rif long wol bai dai. Kam kamap long yia 2030, narapela 20 pesen bai dai.

Global Korol Rif Monitering Netwok i tok 27 pesen bilong ol korol rif i dai pinis. Na asua i stap long man yet bikos long rot we em i yusim graun, bus na ol samting i stap long rot bilong rif.

Sampela rot we man i bihainim long bagarapim ol korol rif em long

ol pipia graun na ol fetelaisa we taitwara i karim na tromoim long rif, ova fising na maining.

Ileven pesen bilong ol korol rif i bin dai long 1998 long taim bilong bikpela san long rot ol i kolim long :korol blitsing.

Ripot it ok Australia na PNG i bin lusim wan pesen long ol korol rif taim hevi bilong korol blitsing i bin kamap long 1998.

Ol mama bungim hevi long planti wok



Planti mama i wok long dai long tude bikos ol i mekim planti wok tumas na nogat inap malolo.

Piksa i soim Rhonda Thorne wantaim liklik pikinini meri Lilly. Rhonda i gat wok bilong em yet na long wankain taim, wok long lukautim famili.

Wanpela sevei we wanpela grup long Australia i bin karimaut i tok ol meri i stap long kriaisis o hevi namel long wok na famili komiten.

Dispela hevi i soim yumi kain laip na stap yumi gat long en tude we moa meri i wok nau.

Wol Woa 1 paitman i dai

23 W Australia ol Wo Wo 1 veteran tasol i stap.

Wanpela long ol strongpela soldia bilong Australia husat i bin pait long Wol Wo 1 o namba wan bikpela pait long wol i bin dai long las wik.

Man ya em Praivet Herbert Burnard i bin gat 103 krismas taim em i dai.

Long namba tu bikpela pait, Wol Wo 2, em bin kamap sajen na em bin wok olsme fes eit opisa.

Ol ripot i tok long Australia nau i gat 23 Wol Wo 1 veteran tasol i stap laip tude.

Praivet Burnard i bin stap long eilit o spesel soldia grup we i bin brukim Hindenberg

Lain go insait long Westen Fran tia long Septemba 1918 na fosim Gemeni long stop long pait.

Bihain long pait, Burnard i bin kiism promosen olsem lens koporel. Bipo em i joinim ami, Burnard i bin wok long Broken Hill main long Adelaide, Saut Australia.



• Praivet Herbert Burnard, long lapun na yang-pela bilong em.

Australia:

Bikpela insurens kampani bilong Australia brukdaun

Sampela lain husat i bungim hevi taim HIH insurens i bruk daun. Piksa i kam long Weekend Australian niuspepa.

HIH em bikpela supanuesen insurens kampani long Australia we planti tausen pipel bilong Australia i gat ol seavings bilong ol i stap long hevi. Dispela em wankain hevi we seavings supanuesen kampani olsem NPF bilong yumi long PNG. i bin bungim long en.

HIH i bin bruk daun long Mas 14, sem de we ol i bin tokaut long Aus\$800 milien los o mani em i wokim insait long las yia, stat long Jun inap long Desemba.

HIH em namba wan bikpela insurens kampani long Australia.



Korea tu i gat Santu

STEPHEN RONEY i raitim

LOTU Budda i strongpela long ol Esia kantri. Ol Kristen na ol arapela sios i no tumas, liklik lain i memba long ol.

Hia em wanpela stori bilong wanpela strongpela Katolik Ol i no save long trupela nem bilong em tasol ol i kolim em long "Julia Ota". Ples tru bilong en em kantri Spain tasol em bin go long Japan wantaim ol papamama bilong em. Ol bin kilim dai ol tbikos long dispela taim long Japan, ol bin wok lng kilim ol Kristen.

Tasol bikos em i wanpela naispela yangpela meri na maski em i Katolik, bikman bilong dispela ples i kisim em olsem meri bilong em wantaim planti ol arapela meri i stap pinis long haus bilong em olseme ol meri bilong em.

Nau long Seol, biksiti bilong Korea, ol i bildom wanpela monumen long luksave long dispela Katolik bilong Choson we i bin holim strong long bilip na pulim planti pipel i kamap Katolik long foapela ailan.

Ol i save kolim Julia olsem Vegin Misinari. Ritim stori bilong em.

Memori bilong Vegin misinari i sanap long wanpela hap long Seoul siti long luksave long strongpela Choson Katolik.

Em bin mas wanpela naispela meri tru husat i bin stap long dispela taim, em long yia 15000. Em o mirakel i bin sevim laip bilong em o tupela wantaim.

"Mipela i no save long nem tru bilong em. Papamama bilong em i bin dai taim em i liklik yet. Ol Japan i kilim em i dai. Olsem na ol bin kisim "Julia Ota." i go long Japan olsem wanpela sleiv o wokmeri nating long taim bilong Imjun Invesen namel long 1592 na 98.

Ol Portuges Jesuit misinari i bin gat wanpela misin long Nagasaki na Julia i bin bihainim dispela nupela bilip we i bin strongim skul olsem olgeta man i kwal o wankain.


Orait, taim bilong kilim dai ol Kristen i stat.

Ol i kukim liklik manki Pedro husat i gat faipwela krismas, Isabel bilong Nagasaki em ol bin kukim em long hotpela wara insait long 13-pela de, Paolo husat i gat moa long 60 krismas em ol bintaitim nek bilong em na putim em long wanpela liklik bot na lusim em i go long bikpela solwara na ol bin kilim Pedro Jinkuro long ai bilong brata bilong em Miguel husat tu em ol bin kilim em i dai long wankain rot.

Klostu i nogat Katolik Sios moa long Japan bihain long ol i kilim dai planti tausien sios memba. Long planti hundred yia, Japan i tambuim Katolik Sios long wokim lotu.

Ol bin kilim dai bos bilong Julia long pait bilong holim pawa. Tasol bikos em i gat naispela pes tru, nupela bos nem bilong em leyasu i bin laikim em tru na kisim em olsem wanpela long ol planti meri bilong en.

Em bin kamap olsem wanpela bikmeri, kwin ya. Long kastam, ol lain bilong dispela level husat i bon long kain royel na biknem famili i ken kisim ol dispela kain posisen. Tasol Julia husat i wanpela ausait wokmeri, em i nogat papamama na em i Katolik i win.



• Hia em matmat bilong Julia. Aninit: Santu meri Julia. Ol piksa i kam long Korea Now megesin



Em bin mas luknais tru na i gat naispela pes.

taim em i stap long pales o haus bilong royel famili, em i save wokikm lotu bilong em yet. Ol no givim em wanpela mekim save long en. Em bin save helpim gut tru ol Kristen long mani, save em i gat long ol samting na ol plen bilong gavman.

Olsem wanpela Katolik, em i no luksave olsem em i wanpela long ol planti meri bilong bikman. Em i no save slip wantaim long bikman ya.

Tasol long longpela taim, bikman i no wokim wanpela samting bikos em i laikim em tumas.

Bihain em i autim em long posisen na ol samting em i gat long en. na tromoim em i go long

rot.

Orait, bikos em i nogat samting em i askim long kaikai. Em i save go nok long ol dua bilong haus na askim long kaikai.

Tasol bikman i mekim klia long Julia olsem sapos em i wokim olsem bikman ya i laikim long en, em bai go bek long pales na kisim bek posisen na ol mani samting. Tasol Julia i no tok yesa long en.

Bikman i pret nogut Julia i kisim bikpela sikna em i senisim mekim save trik bilong em. Em i putim Julia long wanpela ailan we bai meri ya i stap em yet.

I no longpela taim bihain olgeta lain long dispela i kamap ol Katolik.

Orait, ol i surukim gen Julia long nrapela ailan.

Bihain long sotpela taim gen, olgeta lain long dispela ailan i kamap Katolik. Na i kmap long narapela ailan gen.

Julia i bin gat 60 krismas long 1652 na em i sik na dai long Gokushima Ailan.

Ol i tok em bin luknais yet taim em i dai. Na em no bin slip wantaim wanpela man tu, maski em bin maritim bikman. Stat yet long dispela taim em i dai ol i save putim ol plauwa long matmat bilong em.


Long taim bilong spring, ol lpipel bilong ailan na tu ol Katolik long Japan i save holim selebren long luksave long Julia.

Long sampela yia nau, ol Katolik long Korea i wok long go insait long ol selebren bikos ol i tingim wantok bilong ol husat i bin lus bipo yet.

Long 1972, ol bin kisim hp graun long matmat bilong em na karim i go long Choltusan Matar stetju long Seoul.

Tri handret pipel i bin welkaim km bek bilong Julia bihain long 320 krismas, santu meri i nogat papamama na wanpela long ol meri bilong bikman tasol em i stap vejin yet inap em i dai.

Stail bilong ol bebi Buddha!



• I gat ol bebi Buddha tu ya. Ol i smail bihain long ol i rausim gras bilong ol long Jogye Tempel long Seoul, tripela wik bipo long Me 1 em bonde bilong Buddha.

Piksa i kam long Korea Now megesin

Bikpela seil 2001 long Korea

Opening bilong Gren Korea Seil 2001



KOREA i holim gren o bikpela seil ol i kollim long Korea Gren Seil 2001.

Seil ya i bin stat long lei Epril na ol i skruim i go yet long dispela mun.

Ol samting long ol stoa i stap long 60 pesen diskaun (prais i go daun) prais.gavman i wokim dispela diskaun seil long mekim ol turis i baim moa samting bilong Korea na tu promotim Korea olsem gutpela ples bilong wokim soping long en. Samting olsem 10,000 stoa long ol meja turis eria we i karamapim Seoul, Kyongju, Pusan na Cheju bai daunim ol prais insait long ol stua bilong ol. Ol diskaun stoa bai karamapim ol restron o ples bilong kalkia long en, ol bikpela supamakot, duti fri stoa, ol konser hal, ol hotel na ol helt kea na kemis sevis stoa.

WANTOK

NIUSPEPA BILONG YUMI OL PAPUA NIUGINI STRET

Nupela pati i kamap na olupela i wok long dai

PLANTI nupela politikel pati i kamap nau na sampela moa bai kamap. Olgeta i kamap bikos ol i laik resis long bikpela nesenele ileksen bilong neks yia long Jun 2002.

Ol nupela pati we i kamap pinis em Pipels Leba Pati we bisnisman na olupela Minista bilong Woks Peter Yama igo pas long en, Pipels Fridon Pati we ol loya olsem Moses Murray na Patrick Harricknen i go pas long en na Leba Pati we John Paska bilong PNG Tred Yunion Kongres (PNGTUC) i go pas long en. Gavana bilong Morobe provins Luther Wenge i tokaut olsem bai ol i fomim wanpela nupela politikel pati tu long dispela yia. I gat wanpela pati ol i kolim PNG Kantri Pat i kamap pinis em ol olupela lapun memba bilong bipo i laik kirapim bek na Sir Sinake Giregire bilong Isten Hailans provins i laik go pas long en.

Olgeta dispela nupela pati na ol nupela pati bai i kamap bihain i gat wanpela bikpela tingting tasol em long go long ileksen na winim sia long palamen. Ol i gat aidia bilong ol yet we i sut long pati polisi bilong ol tasol bikpela samting em ol i mas winim sit pastaim.

Planti pati na planti polisi bilong ol tasol astingting bai wankain long olgeta bikos kaikai bilong olgeta polisi bilong olgeta pati em sut long bringim sevis na developmen i go long ol pipel long ples.

Toktok bilong olgeta nupela pati ya i wankain we ol i tok, kantri i no ron gut bikos dispela gavman tude na ol gavman bipo i tromoi dispela kantri i go long maus bilong dok long kaikai. Olgeta i tok ol bisnisman tasol i wok long kamap ol ris man na ol turangu lain i wok long nogat yet.

Tasol husat tru bilong ol dispela nupela pati bai toktok tru long maus, bel na tingting olgeta? Mauswara i save bikpela na moa yet long ia bilong ol pipel. Tasol kaikai tru bilong mauswara ya i no save kamap bikos olgeta lida i save go lus yet na stap longwe long ol pipel.

Taim ol nupela pati i wok long kamap, sampela olupela pati i wok long dai nau. Ol pati olsem, Pipels Indigenus Pati (PIP), Muvmen for Greta Atonomi (MGA), Blek Eksen Pati (PAP), PNG Fes Pati (PFP) na sampela liklik pati moa.

Sampela lida bilong ol dispela pati i lus pinis long ileksen na sampela stap yet tasol ol i nogat inap namba o memba long pati olsem na pati i pundaun.

Olsem na nogut ol nupela pati nau i kamap i wankain olsem we ol tu inap pundaun long bihain taim na nem bilong ol inap pinis olgeta.

Wanpela samting nau em yumi ken lukim olsem bai i gat planti politikel pati tru i go insait long dispela bikpela resis bilong ileksen 2002. Dispela i min olsem bai i gat planti kendidet tru i resis long wan wan ilektoret na ilektoret Komisnin bai mekim bikpela mani tru bikos planti tausent kendidet bai baim K1,000 nominesen fi. Insait long planti tausent kendidet husat i resis long ileksen bai i gat 109 memba tasol i win na go long palamen.

Bikpela pati insait long kantri tude em Pipels Demokretik Muvmen (PDM) bikos em i gat 70 memba i stap wantaim em nau long palamen. Olsem na em bai painim narapela 39 kendidet tasol long sanapim long ileksen na traim winim olgeta 109 sit long palamen. Sapos em i krangi, bai sampela bilong ol dispela 70 memba bilong palamen i lus long ileksen.

Tasol nau PDM i holim gavman na olgeta memba bilong em bai i gat sans long yusim olgeta risos bilong gavman long mekim ileksen kempen bilong ol igo isi long pulim ai na kirapim bel na tingting bilong ol manmeri long votim ol.

Ples klia piksa em olsem long ilektoret bilong Praim Minista Sir Mekere long Renbo Estet long Mosbi, rot i bin bagarap nogut tru na ol manmeri i bin komplem planti taim tru i kam inap long las wik tasol na Gavman i salim ol masin i go na stretim rot. Bikos Sir Mekere i stap long Gavman, em i ken gat pawa na sans long yusim ol risos bilong Gavman olsem mani na ol helpim bilong amamasim ol pipel long votim em gen long ileksen 2002. Ol Gavman lain bai ol pes lain long kisim ilektoret Developmen Fan (EDF) mani long yusim long girsim ol manmeri long votim ol.

De bilong tok Nogat long Smok long neks wik

DIPATMEN ov Helt i mekim bikpela plen long kamapim sampela pilai na ol samting long makim Wol No Tobako Dei long Me 31, em neks wik.

Darekta bilong Helt Promosen na Proteksen Mista Linsay Piliwas i tok planti samting bai kamap long Mosbi na ol bai salim infomesen i go long narapela provins na laik bilong ol long plenim ol ektiviti long makim de.

Planti aweanes program bai kamap long Mosbi neks wik namel long ol skuls long Nesenele Kapitel Distrik (NCD). Ol skul pikinini bai mekim ol drama na raaitim ol liklik stori long nogut bilong smok.

Nesenele Kapitel Distrik Komisnin tu i bai raun long 3-pela skul na mekim aweanes

bilong em long ol nogut bai kamap taim wanpela i laik smok.

Ol skul husat i bai go pas long ol dispela aweanes em Karitas Gels Teknikal Skul, Pot Mosbi Nesenele Hai Skul na Gerehu na Tokarara Hai Skul. Ol tisa bilong ol dispela skul, ol sumatin na papamama bilong ol sumtain bai bung wantaim long makim dispela dei.

Mista Piliwas i tok helt divisen bai bung wantaim ol manmeri bilong nius long neks wik bipo long Tobako Dei na givim ol moa infomesen long makim dispela dei.

Em i tok ol nius taim gat bikpela wok long karimaut toksave na helpim ol aweanes.

Narapela we long aweanes em long tokbek long redio we ol bikman bilong helt

olsem Helt Sekretari Dokta Puka Temu, Profesa Isi Kevau bilong Sir Buri Kidu Heart Foundation na Dokta Gilbert Hiawalya bilong DOE bai givim toktok.

Mista Piliwas i tok bikpela as tingting bilong ol aweanes em long helpim ol pipel long senisim pasin bilong ol long smok long katim daun ol problem bilong smok.

Em i tok ol i wok klostu wantaim NCDC lukluk long ol lain i no ken smok insait long ol PMV bus long citi.

Planti taim ol bisnis na ol pipel i save tok nogat long smok insait long PMV tasol i nogat planti senis i kamap.

Mista Piliwas i bilip olsem dispela aweanes bai i ken bringim sampela gutpela senis.

NOW AVAILABLE IN 1 LITRE

new new new

Share the Fun

Fanta

FANTA IS A REGISTERED TRADE MARK OF THE COCA-COLA COMPANY.



Awenes Progrem bilong Konstitusenel Dvelopmen Komiti

Siaman, Hon. Yauwe Riyong MP, Deputi Siaman Hon. Jacob Wama, MP, ol Komisina, konsalten na wokman bilong Konstitusenel Dvelopmen Komisin bai raun long Morobe na ol Hailans Provins namel long 20 Me, 2001 na Jun 6, 2001.

As bilong dispela raun em long toksave long ol pablik long dispela Ogenik Lo long Integriti bilong ol Politikal Pati na Kendidet na ol senis i kamap long Ilektoral Sistem. Na ol i laik harim tu tingting bilong ol pipel long wanem kain ol hevi na ol gutpela samting i kamap aninit long Rifom Ogenik Lo bilong Provinsal na Lokal Level Gavman rifom.

Integriti Lo

Ogenik Lo long integriti bilong ol Politikal Pati na Kendidet i kamap lo nau na wok bai kirap long taim ol i statim Opis bilong Rejista.

Komisin i laik toksave long ol pipel long dispela Lo na olsem wanem em bai stiaim ol politikal pati na toktok wantaim ol pipel long wanem ol wok dispela Lo bai mekim long Jeneral Ileksen.

Ilektoral Sistem

Ol senis long Ilektoral Lo i redi na wet tasol long gaset bipo long namba wan riding long Palamen. Ol pipel i mas save long ol senis long dispela lo.

Rifom long Provinsal na Lokal Level Gavman

Ol i wok long galsim gen dispela Rifom Ogenik Lo bilong Provinsal na Lokal Level Gavman na Komisin i ken kisim tingting bilong Provinsal Gavman, Provinsal Edministresen na ol pipel yet long painimaut ol hevi na ol gutpela samting i kamap long Provinsal na Lokal Level Gavman.

Mipela i salim ol askim i goaut pinis long ol Provinsal edministreta, ol kaunsila na pablik long kisim tingting bilong ol.

Daunbilo em progrem bilong Komisin long raun long ol provins.

KONSTITUSENEL DVELOPMEN KOMISIN AWENES TUA - MOROBE NA HIGHLANDS RIJEN

Morobe Province

Date	Location	Activity	Time
Sunday 20th May 2001	Lae	Radio Morobe Talk Back show	8.30pm
Monday 21st May 2001	Lae	Meeting with PEC, Council Presidents Councils & PMs	9.00am
	Lae	Meeting with Public servants, District Administrators & Managers	2.00pm
	Lae	Meeting with Unitech Staff & Students	4.00pm
	Lae	Radio Morobe Talk Back Show	7.30pm
Tuesday 22nd May 2001	Lae	Meeting with Church Leaders, Community Leaders, NGO's Youth & Womens Groups	9.00am
	Lae	Meeting with Business Community	2.00pm

Eastern Highlands Province

Date	Location	Activity	Time
Wednesday 23rd May 2001	Goroka	Meeting with University of Goroka Staff and students.	4.00pm
	Goroka	Radio Eastern Highlands Talk Back Show	7.00pm
Thursday 24th May 2001	Goroka	Meeting with Public servants, District Administrators & Managers	8.30am
	Goroka	Meeting with Church Leaders, Community Leaders, NGO's Youth & Womens Groups	10.00am
	Goroka	Meeting with Business Community	2.00pm

Simbu Province

Date	Location	Activity	Time
Friday 25th May 2001	Kundiawa	Meeting with PEC, Council President Councils & MPs	10.00am
	Kundiawa	Meeting with Public servants, District Administrators & Managers	2.00pm
	Kundiawa	Radio Simbu Talk Back Show	7.00pm
Saturday 26th May 2001	Kundiawa	Meeting with Church Leaders, Community Leaders, NGO's Youth & Womens Groups and business community	9.00am

Western Highlands Province

Date	Location	Activity	Time
Monday 28th May 2001	Mt Hagen	Meeting with PEC, Council Presidents Councils & MPs	9.00am
	Mt Hagen	Meeting with Public servants, District Administrators & Managers	2.00pm

Western Highlands Province

Date	Location	Activity	Time
	Mt Hagen	Meeting with Hagen Teachers College Staff & Students	4.00pm
	Mt Hagen	Radio Western Highlands Talk Back Show	7.30pm
Tuesday 29th May 2001	Mt Hagen	Meeting with Church Leaders, Community Leaders, NGO's Youth & Womens Groups	9.00am
	Mt Hagen	Meeting with Business Community	2.00pm

Enga Province

Date	Location	Activity	Time
Wednesday 30th May 2001	Wabag	Meeting with PEC, Council Presidents Councils & MPs	2.00pm
	Wabag	Meeting with High School Staff & Students	4.00pm
	Wabag	Radio Enga Talk Back Show	7.00pm
Thursday 31st May 2001	Wabag	Meeting with Public servants, District Administrators & Managers	9.00am
	Wabag	Meeting with Church Leaders, Community Leaders, NGO's Youth & Womens Groups	2.00pm
	Wabag	Meeting with Business Community	4.00pm

Southern Highlands Province

Date	Location	Activity	Time
Sunday 3rd June 2001	Mendi	Radio Southern Highlands Talk Back Show	7.00pm
Monday 4th June 2001	Mendi	Meeting with PEC, Council Presidents Councils & MPs	9.00am
	Mendi	Meeting with Public servants, District Administrators & Managers	2.00pm
	Mendi	Meeting with High School Staff & Students	4.00pm
	Mendi	Radio Southern Highlands Talk Back Show	7.00pm
Tuesday 5th June 2001	Mendi	Meeting with Church Leaders, Community Leaders, NGO's Youth & Womens Groups	9.00am
	Mendi	Meeting with Business Community	2.00pm

Ol provinsel administretas bai toksave long ples bilong dispela kibung

Hon Yauwe Riyong MP
Chairman

LAI PSTAIL

....em soim piksa long planti manmeri

Peter tingim graun na kopi long ples

JAMES KILA i raitim

"MASKI yu bikman o liklik man yu mas tingim graun long ples na traim nau yet long putim sampela kain investmen long graun bilong yu long ples, viles o hauslain. Dispela investmen long ples bai helpim yu na famili bilong yu long bihain taim."

Dispela em wanpela strongpela skul tok tru Peter Hojao bilong Henganofi distrik long Isten Hailans i bin pas long en taim em i lusim Mosbi siti long 1999 na go bek long ples.

Tasol pastaim long en, Peter i save tingting na salim sampela liklik makmak o mani i go long ples long ol famili long helpim na sapotim wok em i laik kirapim long ples.

Yes, bikipela wok mipela i tok-tok long en em kopi developmen wok Peter Hojao na famili bilong em i wok long en long hauslain bilong ol long Keferabe.

Maski olsem Peter i stap longpela taim liklik long Mosbi siti, em i no lus tingting long ples bilong em. Olsem na taim bagaros kisim balus na flai i go bek long ples bilong em Peter i go bek na holim graun na planim kopi.

Em i lukim na tu pilim tru wanem kain hevi ol manmeri insait long blok na setelmen i

save bungim long taun na siti. Maski em i wok long wanpela kampani na i save kisim pe long potnait, na tu kirapim sampela liklik bisnis long siti long sapotim sindaun bilong em, wanpela bikipela tingting i pas long het bilong em olsem ples na graun tru bilong em yet i moa gutpela.

Olsem na dispela man, Peter Hojao i lusim gutpela wok bilong em na go bek na stap long ples wantaim famili bilong em. Tasol wanpela gutpela samting tu em olsem taim Peter i go bek long hauslain bilong em long Keferabe, em i no stap nating. Em i go insait long wok kopi developmen.

Peter i stat long planim kopi long graun bilong em na famili. Meri bilong em na tu ol pikinini i helpim em na wok long dispela kopi gaden. Olgeta lain famili wantaim i holim graun na wok long kopi gaden. Peter i digim baret na lainim kopi bilong em gut tru. Em i wokim banis tu long rausim ol pik long go insait long gaden. Dispela em gutpela piksa tru long soim olsem Peter i gat bikipela tingting long wok kopi.

Ol i mekim gutpela wok tru taim Wantok niuspepa i bin go lukim gaden bilong ol insait long ples Keferabe. Dispela ples i stap klostu liklik long wanpela maunten em ol i save kolim Mt Sunuvi.

Maunten Sunvi em wanpela bikipela ston maunten we ol manmeri husat i ron long Hailans Haiwe i ken lukim taim ol i ron long seken bilong Henganofi.

"Ating sapos ol pikinini na tumbuna bihain i mas luksave olsem i gat samting bilong ol i stap long sapotim ol na sindaun bilong ol. Dispela em kopi tasol na mani ol i kisim taim ol i salim kopi," Peter i tok.

Liklik pikinini man bilong em tu i save pinis long hatwok long wok long kopi gaden. Dispela em wanpela gutpela piksa tru bikos taim dispela pikinini man i go bikipela em yet i ken sukurim wok bilong papa bilong em long bihain taim.

Ples Keferabe i stap insait long Danantina Konstituensi long Henganofi distrik bilong Isten Hailans provins.

Taim Peter i bin go stap long Mosbi siti pastaim tru, em i bin amamas. em i lukim planti ol samting em i no save lukim bipo na tu laipstail long siti i narakain tru. Peter i stap sampela kris-mas bihain na em i salim tiket na meri bilong em na pikinini i go stap wantaim em long Mosbi.

• (Sindaun long raithan) Peter Hojao wantaim meri pikinini na ol famili memba bilong em i sanap antap long nupela gaden kopi ol i redi long planim.

Ol famili bilong Peter i stap wantaim em liklik long Mosbi na bihain em i salim ol i go bek long ples na wok gaden na redim ples long em bai go bek long planim kopi.

Peter yet i gat 3-pela pikinini. Namba wan pikinini Lian na namba tu Imma i save skul long Kemenave komyuniti skul we i stap klostu long hauslain bilong ol.

Tasol Peter i stori olsem taim

bek long ples long holim graun na planim kopi.

Taim Peter i laik go bek long ples em i redim rot tu long karim ka bilong em tu i go long ples Dispela ka ya em wanpela Nisan na ka ya i bipo i save wok olsem trenspot ka bilong karim niuspepa long salim insait long Mosbi siti. Peter i bin baim ka ya na salim i go long Lae na bihain em i kisim na draivim i go long ples long Henganofi.

Dispela ka save givim planti sevis tu i go long ol manmeri insait long hauslain bilong em. Taim ol manmeri i laik go long Goroka o Henganofi stesin, Peter i save yusim ka long karim ol i go kam. Ol manmeri i save peim liklik mani long dispela sevis.

Peter yet i save baim ol pasmen kopi long ol manmeri long hauslain. Dispela em long helpim ol long kisim liklik mani long baim sop, suga na rais bilong ol.

Em i ting olsem ating kopi tasol i ken mekim em wantaim famili kamapim gutpela sindaun. Taim ol i wok kopi ol i save lukim liklik makmak o mani long sapotim sindaun bilong ol.

Peter i tok tu olsem dispela olgeta ol i mekim em bilong bihain taim bilong ol pikinini na tumbuna bilong em.

"Ating sapos ol pikinini na tumbuna bihain i mas luksave olsem i gat samting bilong ol i stap long sapotim ol na sindaun bilong ol. Dispela em kopi tasol na mani ol i kisim taim ol i salim kopi," Peter i tok.



Laip bihain long edukesen

SAPE METTA i raitim

EDUKESAN em i laip long wanem taim ol lain man na meri husat i pinisim skul bilong ol i save painim gutpela wok na sindaun bilong ol tu i save kamap gutpela.

Na tingim, dispela edukesen sistem em i samting bilong i stap olgeta taim na bai i go het yet, na planti ol skul pikinini na sumatin long nau na bihain bai bihainim yet dispela sistem. Em i wanpela sistem we bai i no inap long stap. Em i nogat pinis bilong em edukesen em i gutpela samting tasol wanpela bikpela askim mi laik putim aut em sapos planti long ol dispela skul pikinini i pinisim skul bilong ol bai ol i gat sans tu long painim wok long bihain o nogat?

Na mi i ken tok i luk olsem long ol yia i kam bihain ol wok bai sot tasol skul na pasin bilong lainim na kisim save bai i go yet.

Long lukluk bilong mi, mi luksave olsem wok i sot pinis, long wanem taim ol man na meri i raun long painim wok, ol i save kamap long planti ol opis na lukim ol sain olsem 'sori tumas nogat wok.' Mekim olsem na long nau yet planti ol lain man na meri husat i pinisim skul long hai skul, yunivesiti na ol arapela instituesen i stap na raun nating long wanem wok i sot na ol i no inap long painim na kisim wok.

Dispela pasin em i no kamap tasol long kantri bilong yumi. Em i kamap tu long



• Ol skul sumatin bilong Is Goroka praimer skul.



• Ol dispela lain meri i pinisim trening bilong kamap tisa long Goroka Yunivesiti long dispela yia. Ol Foto: SAPE METTA.

olgeta hap kona bilong wol tude. Na sapos wok i sot o i nogat wok long mekim, wanem kain ol arapela wok em turangu ol dispela yangpela man na meri nusat i pinisim skul na kamaul i ken i mekim. Ol bai i stap na raun nating na taim ol tingting planti na kisim rong na krangi tingting, em nau hevi bilong lo na i save i go antap tru long wanem ol dispela yangpela man na meri laik pinisim belhat long skul, ol kamapim ol het pasin long skul, ol kamapim ol het pasin long skul, ol kamapim ol het pasin long skul.

taim ol i traime hat tru long painim wok na i no painim, ol i save joinim ol arapela yangpela manmeri na kamapim ol bikhet pasin wantaim ol stori bilong edukesen o pasin bilong lainim na kisim ol gutpela save long mekim ol kainkain gutpela wok em i namba wan tru.

Taim mama i karim yumi na taim yumi i stat long go - ol papamama bai stat tu long mekim plen long putim yumi i go insasit long skul. Na taim yumi i kamap long kristmas we bai yumi i ken i go insait long statim skul ol papamama i save amamas na wat papamama long putim na kisim yumi long i kamapim ol het pasin long skul.

Na tingim, taim yumi save greduet na kisim setifiket na diploma, yumi i save amamas ngut tru na ol papamama na famili long yumi i save amamas tu long wanem ol luksave olsem yumi i kisim pinis gutpela edukesen na save na pas aut wantaim ol dispela setifiket na diploma

yumi i go insait long gret 4, sampela strongpela tingting i save kamap na bildap.

Ol lain strongpela tingting olsem, em nau mi i stap pinis long gret 4 na yumi mas wok hat na skul strong long kamap wantaim ol gutpela risal long i go antap long gret 5 na i go antap moa yet.

Long dispela taim tu bai yumi kisim tingting bilong greduet bihain long pinisim gret 6 na long gret 8, 10 na 12 na tu long ol Yunivesiti na ol arapea instituesen long kisim ol setifiket na diploma bilong yumi.

Na tingim, taim yumi save greduet na kisim setifiket na diploma, yumi i save amamas ngut tru na ol papamama na famili long yumi i save amamas tu long wanem ol luksave olsem yumi i kisim pinis gutpela edukesen na save na pas aut wantaim ol dispela setifiket na diploma

Em bikos ol i save olsem ol dispela setifiket na diploma em i olsem paspot na refren bilong painim wok. Sapos yumi painim wok na soim dispela ol setifiket na diploma long ol bosman na meri bilong ol kampani na dipatmen, ol bai lukluk tasol long dispela ol setifiket na diploma na kisim yumi long wok. Sapos nogat em bai hat tru.


Lukluk i go bek long taim bilong greduesen, ol papamama na ol famili, pren na wantok i save pulim lain na kapsait i go long witnessim greduesen bilong yumi. na tingim, greduesen i save kamap wanpela taim tasol long skul laip bilong yumi wanwan.

Yumi i no save kisim setifiket na diploma long olgeta yia. I tru olsem ol greduesen seremoni i save kamap long olgeta yia na yumi wnawan i save greduet wanpela taim tasol taim yumi pinisim edukesen bilong yumi long dispela skul, koles, yunivesiti o institusen. Yumi i no save kisim setifiket long olgeta yia.

Mi ken tingim long namba 4 greduesen seremoni bilong Yunivesiti ov Goroka long mun i go pinis we moa long 3000 yangpela man na meri sumatin i bin greduet na kisim diploma bilong ol.

Na long dispela taim planti taim man na meri husat i papamama famili, wantok na pren bilong dispela ol sumatin i bin kapsait i go long witnessim dispela greduesen seremoni. Ol i i kam long olgeta kona bilong PNG long lukim ol pikinini bilong ol i greduet. na sampela ol meri sumating husat i marit em ol meri na pikinini na long sait bilong ol meri ol meri na pikinini bilong ol i bin kamap na witnessim greduesen bilong papa na mama bilong ol.

Long dispela taim Goroka Yunivesti kempas i paia stret wantaim ol kainkain kala na amamas bilong greduesen. Na bihain long dispela greduesen seremoni planti bin sumatin i bin selebret wantaim ol papamama wantaim ol pren na famili long wanem ol save olsem hatwok bilong edukesen, skul, lainim na kisim moa gutpela save i kam na i stap long dispela hap. Nau ol i ken i go aut na go het long mekim wok bilong ol we ol i ken yusim dispela gutpela save bilong ol long skulim ol arapela sumatin.



• (Lephan) Memba bilong Kainantu, Baki Reipa, memba bilong Midel Ramu Tommy Tomscoll, memba bilong Not Bogenvil Michael Ogio na memba bilong Yangoru Sausia Bernard Hagoria i bung wantaim long PDM pati. Lephan: Gavana bilong Sauten Hailans Anderson Agiru (lephan) na Gavana bilong Isten Hailans, Peti Lafanama i wokabaut wantaim i go insait long bikpela kibung bilong ol Hailans Gavana long Hagen taun.



• Lapun mama Hedwig Hertle na pikinini bilong em, Pasto Rudolf Hertle wantaim buk baibel ol i kolim tube Koto agale. Dispela baibel em Hedwig i tanim long tokples Wiru long Sauten Hailans provins. Hedwig i lapun nau wantaim 88 krismas tasol em i saptim strong wok bilong Luteran sios long PNG we em na man bilong em i bin wok 40 krismas i go pinis.

• Dispela em Wara Konekone Kem long Vanimo we i lukautim ol manmeri i ronawe long Wes Papua sait i kam long PNG boda.



• Bai ol i baim tu o nogat ... bikman ya i sanap long sait na skelim ol man i lukluk long ol samting bilong em.

• Memba bilong Kabwum Ginson Saonu (raithan) i mekim raun bilong em i go insait long Kabwum ilektoret long opim ol projek na sekim ol wok na bung wantaim ol pipel na harim hevi na wari bilong ol.

Boi i gat dok-papa



WANPELA taim wanpela meri i gat bel. Em i go long bikbus tru, long painim kiau bilong wel paul long bus. Em i lukim wanpela haus bilong wel paul nau na em i wok long rausim lip na kisim sam-pela kiau i stap.

Em i pilim pen long karim pikinini. Man, em i karampim bebi insait long dispela haus bilong wel paul ya na meri ya i brukim lip na karamapim bebi i stap insait tru. Na em i go long man bilong em long ples. Na bebi na i no dai em i stap gut tru. Na em i gat tupela na i kamap pinis.

Orait long wanpela taim nau wanpela bikpela dok em i save raun tumas long bus. Oltaim dok ya i go klostu long bebi i stap long em. Na em i smelim smel bilong bebi na em i ting, wanpela samting i stap. na em i wok long rausim ol lip i go, i go na i skrapim bebi long het bilong em. Bebi ya i krai bikpela tru. Orait ya i kirap nogut na i ronawe i go bamim het bilong em long ston na i go pundaun.

Dok ya i kam isi isi tasol i kam klostu na lukim dispela gutpela bebi i slip i stap. Dok ya i kisim bebi long tit bilong em na karim em i go lukim wanpela traipela ston, insait long ston, ren i no save pundaun. I gat gutpela spes insait long em. Dok i lusim bebi i stap, em i ron i go long haus na stilim banana mau i kam na givim bebi, long kaikai. Em i mekim olsem tasol i go i go, pikinini i go bikpela.

Narapela taim em i go stilim wanpela malio i kam givim long boi ya long bilas long



en. Arapela taim gen dok i go stilim wanpela banara i kam givim long boi ya long yusim. boi ya i go kamap gutpela yangpela tru. Na papa bilong em dok i kisim em tupela i go long ples nau.

Dok i go pas na boi i bihainm em i go. Dok i go insait long haus bilong papamama bilong dok ya. Tupela i go insait wantaim. Papa bilong dok i lukim tupela olsem em i amamas tru long boi ya. Em nau long apinun em i singautim tupela wanpela pikinini meri bilong em long kisim paiawut i kam givim em.

Tasol pes pikinini meri i les long kisim paiawut i go. Na em i mekim tok hambek. Yu bai kisim man bilong mi i kam bai mi givim paiawut long yu. Sori tumas. Lapun i singautim nambatu pikinini meri gen olsem. Orait yu kisim paiawut i kam.

Nambatu pikinini meri harim tok bilong papa bilong em na i kisim paiawut i go lukim dispela yangpela boi na i lap long em. Man, meri ya i lusim paiawut tasol em i go holimpasin boi ya. Em i amamas tru. papa i maritim tupela i stap na wokabaut gut tru.

Tasol wanpela taim dok i salim wanpela kakaruk na lapun papa i bel hat na i kilim dispela dok i dai pinis.

Boi ya wantaim meri bilong em i kam kamap long ples. Tupela i go long gaden na boi i no lukim papa bilong em dok ya i dai. Olsem em i krai, krai i go i no inap na em i kisim spia na sutim em yet na em i dai pinis. Meri bilong em i kam lukim olsem. Na em tu i hangamap long rop na i dai wantaim em.

**Kisii V. Bamok
Lae, Morobe provins.**

Meri i paul raun na mi kisim bikpela bel hevi long dispela

Meri i paul raun na mi kisim bikpela bel hevi long dispela

DIA PREN,
Mi marit long wanpela meri bilong ples bilong mi stret na mitupela i gat tripela pikinini.

Tripela yia i go pinis meri bilong mi bin paul wantaim narapela man na taim mi painim aut, dispela i bagrapim tingting bilong mi na laip bilong mi i bagarap olgeta.

Mi lusim lotu pasin olgeta tasol wanwan taim mi save askim God long helpim mi. Mi tingting long lusim meri na painim wanpela husat i no inap pamuk na mekim dispela kain paul pasin. Tasol sapos dispela samting hat tru yupela i gat nem na adres tasol bilong wanpela meri i gat wankain hevi, pls inap yupela salim i kam long mi?



yu olsem mipela long Laipplain i save holim ol toktok na adres bilong ol manmeri husat i gat hevi tasol mipela i gat bikpela tok promis long ol olsem mipela bai i no inap givin ol dispela toktok na adres i go aut long pablik.

Mipela i mas kisim tok orait pastaim long ol manmeri bipo long mipela givim aut ol dispela kain toktok na adres long ol narapela manmeri.

Mipela i no klia taim yu tok yu lusim lotu bihain long meri bilong yu i bin paul raun wantaim narapela man.

Yu min long tok yu no moa go lotu o yu laik tok yu kisim bilip bilong yu long God? Mipela i sori tasol wanpela gutpela samting

em, taim bilong hevi olsem, i gutpela long yu holim bilip bilong yu long God na dispela i ken givim yu strong.

Planti Kristen i painim aut olsem taim bilong wanem man i save kam aninit long traim. Hevi bai mekim yu tingting i no moa gutpela long yu holim pasim dispela bilip yu gat. Sapos bilip bilong man i bai i no inap long mekim man i save strong, dispela kain taim bai i no inap long mekim man i lusim bilp bilong em.

Mipela tingting strong olsem bai yu no inap lusim bilip bilong yu. Yu bai traim long kamap moa strong long bilip bilong yu aninit long dispela i wanpela taim long mekim bilip bilong yu i kamap moa strong. Em i gutpela sapos yu toktok long dispela ol samting wantaim pasto o pater bilong yu long wanem gutpela samting yu inap mekim long noken lusim bilip bilong yu long God.

Yumi toktok long lotu na pasin bilong bilip i go na dispela i kisim yu kam long pisin bilong fogivim em. Yu tok olsem man bilong yu i paul tripela ya i go pinis tasol nau em i orait. Em i no moa paul

wantaim narapela man moa nau. Dispela em tru o?

I mas i gat wanpela as we meri bilong yu i bin paul wantaim dispela meri tripela yia i go pinis. meri i bin lukim yu bilong wanem em i bin paul wantaim dispela narapela man o nogat? Dispela pasin em i mekim i kam long en o? Ating yu bai lus tingting long em longpela taim o inap save mekim sampela samting we mani bilong yu i laikim long lusim rong narapela i mekim long yu i wanpela bikpela samting we i save testim bilip bilong planti kristen manmeri long graun tude.

Ating i gat sampela lain manmeri long sait bilong yu na em long pasto o pater inap yu tottok wantaim long ol bai ol i ken givim tingting long tupela long stretim dispela hevi namel long famili bilong yutupela. Ol pikinini i laikim na ol i mas kisim gutpela papamama husat i save stap gat wantaim wanpela arapela. Yu mas tingting gut bikos wanem samting yu wantaim meri i laik mekim bai inap long bagrapim sindaun bilong ol pikinini.

LAIPPLAIN



Nem: Princes Daniela Kobby
Krismas: 23 (meri)
Adres: PO Box SW375 C/R, Agona Sweduw, Ghana, WA
Save laikim: Harim musik, danis, kuk, lukim vidio, na senisim presen.

Nem: Moxcie Z. Morgan
Krismas: 25 (man)
Adres: Ruino Bross Box 170, Bulolo, Morobe Province
Save laikim: Wok, pilai soka, harim musik na rait.

Nem: Tindix Isua
Krismas: 20 (man)
Adres: C/- Otto Somoko, NCP, PO Box 392, Kimbe, WNB
Save laikim: Go lotu na harim stori.

Nem: Petmen Isua
Krismas: 18 (man)
Adres: C/- Otto Somoko, NCP, PO Box 392, Kimbe, WNB
Save laikim: Go lot, harim stori na pilai spot.

Nem: Linn Tindix Kipol
Krismas: 16 (meri)
Adres: Koyabu Community School, PO Box 17, Pangia, SHP
Save laikim: Go lotu, wok long haus na wokim skul.

Nem: Fillimina Tindix
Krismas: 14 (meri)
Adres: Koyabu Community School, PO Box 17, Pangia, SHP
Save laikim: Go lotu, wokim wok bilong haus na helpim narapela.

Nem: Goiela Kaus
Krismas: 15 (meri)
Adres: C/o St Marys Primary School, P.O. Box 503, Wewak, ESP.
Save laikim: Lainim narapela tokples, mekim pren wantaim narapela sumatin, raitim pas, harim musik.

Nem: Aiyan
Krismas: 17 (man)
Adres: Aiyak Keng Gutsuk, Biabi Enterprice, P.O. Box 72, Karkar, Madang Province.
Save laikim: Go lotu skul, raitim pas, senisim poto na wokim gaden.

Nem: Benjamin Gyan
Krismas: 21 (man)
Adres: C/o Daniel Gyan, P.O. Box 1343, Accra Central Region, Ghana, WA.
Save laikim: Raitim pas long ol pen pren.

Nem: Joe Kane Pale
Krismas: 16 (man)
Adres: Kero Primary School, P.O. Box 33, Ialibu, SHP.
Save laikim: Tok pilai na go long skul na ritim buk na harim gospel musik.

Nem: Lenz Simon
Krismas: 17 (man)
Adres: P.O. Box 1543, Mt Hagen, WHP.
Save laikim: Pilai ragbi, harim PNG Top 20 hits.

Nem: Leonie Nopai
Krismas: 13 (meri)
Adres: Ulau Community School, P. O. Box 89, Aitape, Sandaun Province.
Save laikim: Go long lotu pilai volibal, harim gospel musik waswas long solowra wantaim ol prens.

Nem: Elvis Kiawa
Krismas: 14 (man)
Adres: Awima Trade Store, C/o Hanjua Village, P.O. Box 8, Menyamy, Morobe Province.
Save laikim: Pilai soka, basketbal, volibal, harim musik, go lotu, wokim ol wok wasim vidio, i go raun lukim ples, mi promis long bekim olgeta pas yu rait i kam.

Nem: Emmanuel Davies Smith
Krismas: 18 (man)
Adres: Ananpul Catholic Boyd, P.O. Box cc 188, Cape Coast - C/R Ghana West Africa.
Save laikim: Mekim pen pren long wol.

Nem: Sialon Fredick
Krismas: 17 (man)
Adres: Ogelbeng Specialised Training Centre, P.O. Box 1157, Mt Hagen, Western Highlands Province.
Save laikim: Ritim buk, lukim TV harim 93 FM.

DISTURBED

DIA PREN,
Mipela sori tru long bikpela hevi yu kisim long dispela pasin meri bilong yu i mekim long yu. Nam...

KANAGE



**Kanage Fan
Rainbow Estate**

Tupela marit i kros long potnait pe na nois bilong tupela i no isi. Tupela brukim ol samting long haus na olgeta lain long narapela haus klostu i no slip gut bikos long nois bilong tupela marit ya. Haus bilong Kanage tu i klostu na em painim hat tru long slip na em laitim mutrus bilong em na kam sindaun ausait long verenda bilong haus na lukluk i stap. Ol samting neibas i kros long nois osem na ol i ringim polis i kam na givim tok lukaut long tupela marit ya long daunim nois bilong tupela bikos tupela i distebim planti lain long slip bilong tupela. Taim nois i go daun nau, Kanage singaut i kam aut, em tupela tasol ya, king na kwin bilong mekim nois olgeta taim. Yupela polis man i mas rausim waia bilong spika long tupela bai nois bilong tupela i pinis olgeta. Taim ol plisman i harim dispela ol i lap indai olgeta long tok pisin bilong Kanage.

**Daix Maix
Lae**

Kanage i go dring bia long wanpela klap long Mosbi long Fraide nait. Em dring i go na lukim ol man i pilai snuka na em ting em fada man tu long pilai snuka osem na em betim K1.00 na salensim wina bilong pastaim gem. Tupela pilai i go na narapela man ya i pilaim wanpela sut na givim snuka long Kanage. Kanage lukim pinis osem em bai snuka osem na em i laik mekim wanpela trik. Osem na Kanage tokim bikman ya, yu gat wanpela moa sot long pilaim, mi bin givim yu tu sot ya, tingim tu o nogat. Taim bikman ya i harim osem em holim snuka stik na mekim save long pilai na em pinisim olgeta bal bilong em na sinkim blak bal tu wantaim. Taim Kanage i lus, bel bilong em paia krangki stret na em tok, wai na mi honest ya.

**Snuka Masta
Mosbi**

Kanage em wanpela spakman na em i spak wanpela taim na kam long haus long

biknait. Long rot em singsing Meri Lewa i kam na em lukim wanpela ret lait i ron long nait long hap sait rot. Em tingim pinis osem sampela boi long strit i mas laitim smok osem na em i laik go askim ol long hap smok. Taim em i go kamap klostu, dispela retpela paia i wok long go longwe yet na em bihainim i go longpela hap tumas. Turangu tuhat na sotwin wantaim na go stret long haus. Taim famili long haus i lukim em tuhat na sotwin, ol askim, husat i ronim yu. Na Kanage tok, wanpela tewel i wok long raun long nait ya. Em paulim het bilong mi na klostu mi go lus long bus tasol mi strong na painim rot na kam bek. Samting tru ya em ol manki long strit i wok long ronawe long Kanage bikos ol les long em bai kam na askim long hap smok.

**Jay Jay
Hagen**

Liklik dok bilong Kanage i ron i go long kaikai hap bun i pundaun long rot tasol wanpela bikpela grille dok i ron i kam na sawolim papi bilong Kanage i go pundaun long bare. Turangu liklik papi bilong Kanage i krai nogut tru Kanage i bel kaskas olgeta na painim wanpela traipela ston na kilim dispela bikpela dok wantaim. Dok ya i singaut narakain olgeta na ron krangi i go pundaun na kirap ron gen. Papa bilong dok ya i lukim na ron i kam na yos wantaim Kanage. Kanage kirap na tokim bikman ya, dok bilong yu i nogat sem bilong em, yu no lainim em gut long pasin bilong askim samting na kisim. Bikman ya i paul long toktok osem na em givim nating tasol na tokim Kanage, yu ting yu gutpela man ah, pes bilong yu na dok bilong yu i osem maunten paia long Manam.

**Smol Bro Kanage
Mosbi**

Wanpela taim Kanage i laik go long Lae siti na em kamap long wanpela PMV. PMV i ron i kam klostu long Lae na boskru i stat long kisim mani long ol pasindia long ka.

Tasol Kanage i laik pilaim wanpela trik bai em i no ken peim PMV. Osem na em i giaman g pispis longpela taim long bus na wetim boskru long kisim mani long olgeta

lain pastaim. Orait em giaman wet longpela taim long bus i stap na taim boskru i pinis long kisim fea long ol manmeri pinis, draiva i statim ka na laik tekov. Boskru i save pinis osem wanpela pasindia i no kam yet long ka na i no baim ka yet. Tasol taim draiva i laik statim ka na giaman long go fowet, Kanage bikmaus long bus na ron kam ausait na singaut long ka i wet. Boskru i lap tasol na kam aut na tokim Kanage, baim kar nau na yumi go, nogat bai mipela lusim yu long 9 sek poin wantaim ol plisman long hap. Kanage nogat toktok na sem wantaim na peim K3.00

**Robin Kipi
Mosbi**

Kanage i stap long Mosbi foapela yia olgeta na em i maritim wanpela meri Wanigela. Tupela i karim wanpela piknini man na taim pikinini i gat tripela krismas, Kanage i kisim pikinini wantaim mama na ol i go long ples bilong em long Hailans.

Taim ol istap long ples bilong Kanage, liklik manki i save singaut long mama bilong em na save tok em i laik go long toilet. Turangu mama ya i save sem nogut tru long ai bilong ol tambu long wanem em tu nupela long ples. Osem na em i tokim pikinini osem taim em i laik go long toilet, orait em mas tok osem em i laik singsing. Em osem hait tok bilong tupela yet long taim pikini i laik i go long toilet. Tasol Kanage ino save long dispela hait tok bilong tupela mama na pikinini. Wanpela nait, ol i slip i stap long rum na pikinini i kirap na tokim mama osem em i laik singsing. Tasol mama ya i ai slip nogut tru na em tokim pikinini long askim papa bilong em. Na pikinini i go long Kanage, Papa, mi laik singsing. Na Kanage bekim tok na tokim pikinini bilong em, Nogut, bai yu kirapim ol manmeri long slip bilong ol. Tasol pikinini ya i bagarap tru long singsing na em tok, Papa, singsing ya em yet i laik kam nau. Kanage belhat nogut tru na em tanim isi tasol na tokim pikinini long singsing isi tasol long ia bilong em. Pikinini kirap rausim jipa long trausis na singsing i go insait long ia bilong papa bilong em.

**Abdul Ramandal
Pot Mosbi**



Nogat senis long Kundiawa

Dia Edita,
Mi bilong Gumine long Saut Simbu provins. Mi laik autim liklik wari bilong mi olsem bipo tru taim wait-man i kirapim Kundiawa taun na 1983 wanpela strongpela man tru bilong Simbu Sir Iambaki Okuk i bin opim Kundiawa ples balus na Dash 7 bikpela balus i kam pundaun. Na narapela lida bilong mipela long Simbu. Mista Matyu Siune i kirapim dispela provinsal haus nau ol i kolim Kondom Agaundo Haus. Dispela tupela samting tasol i kamap long Kundiawa.

Kundiawa em i wanpela mein senta bilong hailans na bikpela taun bilong Simbu provins. Taim mi go raun long sampela hap provins olsem Hagen o Goroka planti nupela haus na kain kain senis i kamap long olgeta yia.

Tasol Kundiawa stap olsem tasol. Dispela i no gutpela tumas. Mi wanpela manki bilong Simbu na mi lukim dispela samting i no kamap gut long provins bilong mi. Olsem na mi rait i kam long *Wantok Niuspepa*.

Peter Wai Kale
Saut Simbu, EHP.

Ol kago i gat nem

Dia Edita,
Mi wanpela PS mangi. Mi laik bekim pas bilong brata, Yauar Angro.

Toktok bilong yu long *Wantok Niuspepa* Novemba 9, 2000. Tasol yu yet nau yu stap we na yu raitim dispela pas long *Wantok*? Yu stap long asples bilong yu long Madang o long we?

Kimbe em ples bilong yu o yu painim pipia long Kimbe. Yu tu wankain olsem Simbu na Sepik. Yu no ken toktok long Simbu na Sepik ol i stap na dispela kantri Papua Nugini i groa, em long wok kago boi man i save go na stap, wok o nogat wok, i no asples tasol i save stap long dispela kantri o taun.

Yu save pinis Simbu, Sepik i stap na kantri i kamap. Yu painim wanem long Kimbe?

A. Pana
Lake Kutubu, SHP.

Promis nating na nogat wok

Dia Edita,
Ol pipel bilong Aliya long Kagua distrik i tingting planti na paul liklik long wanem taim tru bai ol kisim dispela mani K50,000 David Basua i save promis long givim.

Taim memba i go long Mendo Topup, Mabuanda

Topup, Kadloma o Kagua bai yu promis na tok K50,000 bilong dispela skol. Ating wanem toktok na namba bilong mani bai yu promis long kisim na givim long ol haus sik tu ya. I luk olsem yu save karim tewel bilong K50,000 raun na promis. Promis bilong yu bai i wara

nating.
Plis ol promis yu mekim mas kamap tru. Maski long toktok tasol na i no soim kala. Traim na kirapim sampela las minit das bai i orait olgeta.

Matt Dedeboh Holeyah
Kagua, SHP.

Pait tumas long ol marit man

Dia Edita,
Banz em i wanpela kauboi taun bilong ol meri. Olgeta taim bai yu ken lukim ol susa ya save rausim blaus, dres, klos bilong ol narapela

meri. Nogat sem bilong yupela. I gat planti ol yangpela man i stap. Yupela save strong tumas long ol marit man. Traim givim sans long ol yangpela man bai rait stret.

Plis ol kops traimek long ol mekim save long ol dispela sako i gat planti wari long en.

Matt Dedeboh Holeyah
Banz, EHP.

Rausim Kanage long Wantok

Dia Edita,
Mi wanpela man i save ritim *Wantok Niuspepa*. Mi laik egensim yupela Wantok long stopim dispela kanage stori. Bikos dispela stori i nogat gutpela mining bilong em.

Nau ol planti man i save raitim stori bilong Kanage i wok long raitim yet.

Nating gutpela long ol mas lusim dispela giaman stori nau.

Wantok Niuspepa mas painim gutpela stori i gat gutpela mining na putim long senisim stori bilong Kanage.

Yu husat i save raitim stori bilong Kanage, yu wanpela longlong man stret, bikos yu wok long giamanim arapela poroman bilong yu yet. Dispela em tingting na wari bilong mi.

W. Donga Wasu, MP.

Pikinini Buang i redi

Dia Edita,
Mi save amamas long ritim "pas i go long Edita" insait long *Wantok Niuspepa*. Tru tumas, Wantok em i bilong mipela ol grasrut long PNG. Mi laik toktok liklik long 2002 ileksen long Morobe long wanem taim i kamap klostu nau.

Mi laik autim tingting bilong mi na sampela poroman long sia bilong Morobe rijinel. Bai i gat planti man i resis long dispela sia tasol tingting bilong mipela em olsem, long independens i kam nau no gat wanpela man bilong Bulolo, Wau, Menyama haiwe i save win. Olgeta taim bai ol Wain na Finsafen tasol i win.

Dispela ileksen 2002 bai mipela mas lukim senis i kamap.

I gat tokwin olsem wanpela biknem Pikinini Morobe Buang bai kontesim rijenol sit. Mi harim ol Buang na Balob, Wau, Menyama haiwe na arapela hap bilong Moobe bai givim bikpela sapat long em, bikos em i rait man olgeta.

Em i gat strongpela lidasip pasin na pasin bilong givim bel na amamas na daunim em yet. Em i gat bikpela wok eksperiens na save tu na em i kain lida we mipela save olsem bai pait strong long developim provins bilong yumi. Em i rait pikinini Morobe stret long autim skol bilong Gavana Songan Luther Wenge long 2002.

Yaling Wamu
Lae, MP

Trabel i stap

Dia Edita,
Long moning taim nau na san i wok long kam antap hariap i no olsem taim bilong bipo i save isi isi stret.

Olgeta kain kala pisin bilong moning taim i wok long singaut na krai nabaut long siomaut olsem tulait i bruk pinis na nau i nupela de gen.

Kolwin tu i strong liklik na mekim skin i kol na i wok long pasim ples bilong hatim skin na kamap orait.

Tasol i no long taim tumas i bin i gat nius i kamap long redio olsem, woa i kamap long ol kantri i stap long Moslim wol. Sem taim wanpela hap man i kam na nus pes bilong em i

luk strong tumas we i ken siomaut olsem em i luk wari na i mas i gat bikpela trabel.

Yes, em i toktok long em i ritim long niuspepa olsem bikpela sik nogut tru i kamap na i kilim planti handeret ol bebi, pikinini na ol lapun long ol kantri bilong ol Afrika.

Bikos i no gat inap gutpela sevis bilong ol marasin. Yangpela boi liklik i singaut strong tru long siomaut ol pret, wari na guria pasin bilong em long taim em i lukim TV. I siomaut ol strongpela poisen bom we i save bagarapim laip bilong pipel, pis, pisin, abus na graun.

Ol kantri long Amerika na Yurop Irop i wokim long en. Kirap

nogut nogat, balus i kam, na ka i kam wantaim ol manmeri i kisim ol bikpela bagarap tru long disasta, o sori tu.

Long sait planti kain kain nois bilong bikpela hevi we ol planti manmeri i wok long bung i stap na toktok bikmaus na kros nogut tru i go i kam.

Painimaut gut olsem i gat trabel pait i kam na ol man i dai pinis, ples i bagarap tu.

Na i go moa moa yet. Yes skelim wantaim Matyu 24 long kisim stretpela bekim bilong en. So putim Jisas tude long laip bilong yumi, Aposel 2:38.

Phillip Pais
Vanimo, SP.

Tambul Nabilia i sot nau

Dia Edita,
Mi wanpela manki long Westen Hailens provins. Tasol nau mi stap long Kimbe taun long Palm provins. Mi save lukluk long memba Vincent Awali long lo na oda na mekim wok gut long distrik bilong em i tru.

Sampela tok promis bilong Awali:
- Bai mi bildim rot na putim ai glas na kam long wanpela teksi na yupela bai lukim.
- Yumi wokabaut i go i go na lukim.

Dispela ol tok promis bilong em i no save karim kaikai.

Nau rot i go long Tambul i bagarap na bris tu bruk na sevis i kat ov. Ol pipel long Tambul nau ol stap olsem ol Tumbuna i bin stap.

Mi wanpela gras rut manki mi pilim sori nogut tru long ol pipel bilong mi na mi raitim dispela pas i kam long yupela.

William Matthew
Tambul, WHP.

Pe bilong kopra i pundaun

Dia Edita,
Mi wanpela mangi Madang nau mi stap long Kimbe na mi laik autim bel bilong mi.

Olsem wanem long pe bilong kopra i go daun tumas na pe bilong ol stua i go antap? Gavana tu i no lukluk long ol pipel na helpim ol long putim sampela mani i go insait long CMB olsem Gavana bilong Kavieng i mekim na ol pipel i amamas long mekim wok kopra.

Mipela long Kimbe, Gavana i no kisim kain tingting olsem. Em i tingting long ol skol pikinini na givim mani bilong wok skol.

Tasol papamama bai kisim mani we na baim skol bilong ol pikinini? Pe bilong kopra i go daun na pe bilong oil palm i go daun na ol papamama bai kisim mani we na baim skol bilong ol pikinini bilong ol?

Joseph Bob
Kimbe, WBNP.

Rot bilong upper Bena i bagarap

Dia Edita,
Mi wanpela manki las ples Bena long het bilong wara Bena.

Mi laik autim liklik wari bilong mi i go long memba bilong Ungai Bena Damson Lafana. Mi laik askim yu memba Damson yu stap o yu dai pinis. Mipela ol pipel bilong yu Ungai Bena i no harim yu long palamen na long niuspepa.

Yu save raun i go antap long Upper Bena rot i go olsem long het bilong wara tu o nogat? Bikos yu bin kisim wining vot bilong yu long hap. Yu bin promisim mipela olsem rot bai i go olsem long Wesan.

Taim yu save i go antap yu save ron long wanem kain rot? Yu save lukim ol bris long Makia na i go olsem olgeta long Megabo wanem taim bai ol sevis bilong rot na haus sik long Makia i kam.

Mipela ol pipel bilong Upper Bena i wet yet long ol promis bilong yu. Plis opim ai na lukluk long elektoret bilong yu. Noken maus wara long taim bilong ileksen.

Samamu Afuyaguner
Boroko, NCD

Sapos yu laik salim ol pas bilong yu i kam long dispela niuspepa, Salim i kam long dispela adres:
THE EDITOR
WANTOK NEWSPAPER
PO BOX 1982, BOROKO, NCD.
* Sapos yu salim pas, yu mas putim nem na adres bilong yu na sainim. Sapos nogat bai mipela i no prinim pas bilong yu.

Saweni bai lus

Dia Edita,
Mi wanpela mangi Aitape na mi laik bekim pas bilong Fr Abraham Tenkile long *Wantok Niuspepa* long mun Januari 2001.

Long pas bilong Abraham Tenkile em i

tok long memba bilong Aitape Lumi, Eddy Saweni bai win long 2002 nesenel ileksen.

Brata mi laik tokim yu stret olsem Saweni bai lus. Mi wanpela fultaim sapota bilong em tasol mi no lukim wanpela han mak bilong em na mi no moa gat bilip long em olsem wanpela memba.
Olgeta kainkain toktok em i bin mekim long sait bilong ol projek nabaut ya, i no kamap tu. Ating em i developim tasol liklik ples bilong em long Lumi na Aitape nogat.

Em i no sindaun wantaim ol pipel na kisim wari bilong ol na bihain pait hat long bringim wari bilong ol i go long palamen long taim bilong miting.

Bikos long ol dispela risen mi gat bikpela bilip tru olsem memba Saweni i no inap winim 2002 nesenel ileksen.

Peter Sajari
Lae, MP.

Ekting memba tasol

Dia Edita,
Mi bilong Finsafen na mi laik putim dispela hap tok long *Wantok Niuspepa* long ol as ples Finsafen mas lukim.

Olgeta sevis long Finsafen i bagarap olgeta, long wanem, memba i no bilong asples Finsafen. Piksa bilong sevis nogat em yumi lukim rot. Rot bilong Finsafen Sialum i gat bikpela hul long olgeta hap. Rot i go long Pindiu i pas long wanem graun i bruk na pasim olgeta hap bilong rot. Nogat mentenens inap tupela kris-mas, nau yumi mas opim ai na lukim wanem samting i bagarap.

Long 2002 ileksen yumi mas votim asples Finsafen tru, maski long harim tok gris na votim man bilong narapela hap. Siting memba em bilong wanpela hap, yumi no save long tumbuna bilong en, graun na olgeta hap bilong

em. Givim vot long man asples Finsafen stret. Ol narapela Finsafen man tu, husat i no bin stap long ples bipo na i go sanap long ileksen, noken votim ol tu.

Votim husat save stap long ples, long wanem em i gat save long hevi bilong Finsafen. Planti man stap long taun na siti bai ol i go na wokim planti giaman kempein promis olsem. No ken harim ol dispela kain 'kon man' i giamanim yupela ol tu sapos ol win, ol bai i go hait tu na yumi no inap lukim ol gen.

Skelim gut man na votim man bai givim sevis long Finsafen.

Las tok mi laik tokim Pogo, foapela kris-mas yu stap ekting memba bilong Finsafen. Mipela i no longlong bilong yu.

W. Matu
Finsafen.

WANTOK

Classifieds

FAX: 325 2579 - PH: 325 2500

EMAIL: word@global.com.pg

LINEAGE ADVERTISEMENTS

Lineage: Advertisements are charged at K4.40 per line of 23 letters incl. space. Photo K10.00 each and appear 3.5cms. All advertisements inclusive of VAT. See Rate Card for conditions.

Office Hours:

8.30 to 4.00 Monday to Friday
Classified Advertising Available in the following formats

Lineage: Available in single line, minimum two lines deep

Display: Available per single, double or four column wide, minimum size 3 cms deep.

Single Column Display Advertisement are charged K4.42 per single column centimetre. Costing is dependent on Logo and Artwork which may appear in the advertisement. Minimum charge is for 3cm x 1col.

Display Classifieds are charged at K4.78 per single column cm. They may be double column, four column or full page with or without borders. Costing is dependent on space, logos and artwork which may be requested. Minimum size is 3cm x 4 columns.

Wantok is published on Thursdays. Deadline for camera ready work is 12 noon Wednesday; prior all other 12 noon Tuesday.

Classified Index

AUTOMOTIVE

- Boating
- Motorcycles
- New & Used Cars
- Parts & Auto Spares
- Trucks & Tractors

NOTICES

- Electoral Notices
- Government Notices
- Law Notices
- Public Notices
- Tender

EMPLOYMENT

- Position Vacant
- Position Wanted

SEASONAL NOTICES

- Easter Greetings
- Father's Day Greetings
- Mother's Day Greetings
- Christmas Greetings
- Season's Greetings

GENERAL

- Amusement
- Auctions
- Business for Sale
- For Hire
- For Sale
- Going Finish
- Lost & Found
- Machinery for Sale
- Pets

- Wanted to Buy
- Wanted to Sell

PERSONAL

- Bereavement
- Birthday Greetings
- Births
- Condolence
- Deaths
- Engagements
- Funerals
- In Memoriam
- Wedding

PROPERTY/REAL ESTATE

- Factories

- Warehouses
- For Rent
- Share
- Accommodation
- Holiday Resorts
- Houses for Sale
- Houses to Let
- Industrial Properties
- Properties for Sale
- Investment
- Properties
- Leave House Rooms
- Board Vacant
- Wanted to Rent
- Overseas Investments

For your Classifieds adverts,

Call our Advertising Sales Team on

Telephone: **325 2500** or Fax: **325 2579**

The Independent

P.O. Box 1982, Boroko, NCD, Ph: 325 2500 - Fax: 325 2579

Email: word@global.com.pg

Special Advertising Offer

Commencing 25th January, 2001.

FREE Two line advert in
The Independent
any category.

* C O N D I T I O N S A P P L Y

Conditions:

Maximum of 46 characters including space allowable

Maximum number of insertions 4

FREE Two line advert in
The Independent any cat.

The Independent reserves the right to reject proffered advertisements

EDA RANU
O U R W A T E R

PABLIK NOTIS

WARA SAPLAI NA SURES SEVIS LONG NESENEL KAPITAL DISTRIK

Dispela toksave em i bilong tok klia long ol pipel insait long Nesenel Kepital Distrik long sampela paul tingting i kamap bihain long wanpela Pablik Notis bilong Papua New Guinea Water Board ("Water Board") em i bin kamap long Post Courier na National Newspaper long 31 Epril na Me 4, 2001.

Water Board i gat pawa aninit long **National Water Supply and Sewerage Act 1996** long mekim wok na kontrolim laisens bilong wara saplai na sures sistem insait long kantri, dispela lo i no karamapim Nesenel Kepital Distrik.

Wok bilong wara saplai na sures insait long Nesenel Kepital Distrik i stap aninit long **NCD Water and Sewerage Limited**, wanpela kampani ol i kirapim long mekim dispela wok. Dispela kampani i wok aninit long nem "**EDA RANU**". **EDA RANU** i wok aninit long lo bilong em yet, **National Capital District Water Supply and Sewerage Act 1996**.

EDA RANU i mekim wok bilong givim gutpela wara saplai na suweres sistem long ol pipel insait long Nesenel Kepital Distrik we i helti na kwaliti bilong en i antap moa. Dispela i bihainim progrem bilong givim gutpela klinpela wara saplai na sures sevis i go long ol pipel i stap long taun na ol ruel eria long gutpela pasin.

Long taim em i kisim wok bilong lukautim wara saplai na lukautim sures sistem long Nesenel Kepital Distrik long 1996 long han bilong National Capital District Commission, **EDA RANU** i mekim sampela bikpela wok progrem long kamapim gutpela wara saplai na sures sistem insait long Nesenel Kepital Distrik. **EDA RANU** i mekim tu wok bilong givim fri wara saplai i go long o ples i stap insait long Nesenel Kepital Distrik.

Olgeta askim bilong wara saplai na sures sistem i mas kisim tok orait bilong **EDA RANU** bipo long ol i konektim paip, sapos nogat bai **EDA RANU** i stapim saplai na kotim yu.

EDA RANU i sanap strong long givim gutpela sevis na klostu nau, bihain long ol bikpela wok i pinis, bai em i strongim gen wok bilong givim gutpela wara saplai na sures sevis i go long ol pipel bilong Nesenel Kepital Distrik.

Authorised by:
JAIMIE MAXTONE-GRAHAM, MBE
Executive Chairman

FOR
THE
CHEAPEST
RATES
IN
TOWN...

CALL
OUR SALES
TEAM
ON

PHONE:
325 2500
FAX:
325 2579

For your Classifieds adverts,

Call our Advertising Sales Team on

Telephone: 325 2500 or

Fax: 325 2579

Souths Diwai pairim ol MTC Tigers

PAULUS TALI i raitim

SEKEN raun bilong propa sisen gem bilong Madang Ragbi Lig i lukim Souths Diwai Diwai Higiri i pairim stret MTC Tigers we skoa i sanap 16-10.

Dispela gem i lukim ol Diwai Souths i go insait wantaim nupela jesi bilong ol (wankain olsem Brisbane Broncos yunifom) i soim tru kala bilong ol taim ol i bagarapim sindaun bilong ol MTC Tigers.

Souths Diwai na MTC Tigers i gat ol olpela pilaia bilong North Raiders ragbi tim bilong ples Riwo ausait tasol long Madang taun husat i no moa stap olsem tim.

Tupela tim wantaim i gat ol suamatin i pilai. Ol sumatin bilong Madang Tisa Koles na ol sumatin bilong Divain Wod Yunivesiti na ol pilaia olsem olpela kepten bilong North

Raiders Lawrence Gandhi, yutiliti winga Stahl Begg na Paul Anton i pilai wantaim South Diwai.

Nambawan trai i kam long strong pela senta bilong Souths Paul Anton na kik bilong Lawrence Gandhi i painim stret namel bilong tupela pos na b ringim skoa bilong Souths 6 na Tigers i wok yet.

Skoa namel long tupela tikm i sanap 6-0 long hap taim. Pilai i klamap strong tru long hnamba tu hap na olpela strong man bilong Norths Ice Manbamim tupela fowat bilong Souths na setikm winga lon g puitkm traik tasol kik bilong Greg Lapo i no go iknsait na skoa i sanap 6-4.

Bihain long dispela fowat bilong Souths Diwai Paul Kunjil i putim trai tasol kik bilong Gandhi i no go insait na tupela skoa i sanap 10-4. Iron-Dage bilong

MTC Tigers i putim wanpela trai na skola i go 10-8 tasol ol diwai Souths i no givim sans long Tigers taikm strongpela pilai bilong Diwai Michael Kundi i mekim wanpela ronawe trai taim em kisim bal namel long fil na kisim i go putikm wanpela senta trai long karim skoa bilong ol Souths Diwai i go 16.

Ol MTC Tigers i traime s long putim trai long kamapim sampeal poin tasol difens bilong tupela tim wantaim i strong tru. Ol man olsem Ice Man, Arnold Kelly, Stranga Vincent na Greg Lapo i pilai gut tru long sait bilong MTC.

Souths Diwai i gat nupela jesi bilong ol we i kam long Mista James Lapo na em i lusim mani olsem K3,995 long baim ol dispela jesi long Madang. Long risev gred ol Tigers i dastim ol Souths Diwai wansait wantaim skoa 20-0.



Painim sapot.....

• Gol suta (GS) bilong Waterboard i lukluk painim sapot long ol wan pilaia bilong em long Divisin Tu gren fainal pilaia egensim ORD long Pablik Sevens Netbal. ORD i win 24-23. Foto: JOE IVAHARIA.

Mama givim nupela soka yunifom long skol

ALMA MARIMYAS i raitim

SANTU Therese Komyuniti Skul long Badili bai luk nais tru wantaim nupela soka yunifom bilong ol insait long Skul Soka kompitisen.

Wanpela mama bilong pikinini husat i les long tokaut long nem bilong em i tok em i givim dispela ol yunifom olsem presen i go long ol pikinini.

Dispela mama i tok

wanpela pikinini bilong gutpela i stap insait long dispela skul soka resis i kam long haus wanpela taim bihain long gem na tokim tupela oslem ol i pilai soka tasol nogat man luksave long ol bikos ol i nogat gutpela yunifom.

Tupela papamama i wok hat i go na painim sponsa long helpim ol sumatin wantaim ol dispela yunifom.

Taim Santu Therese skul i stat pilai long kompitisen long olpela

yunifom bilong ol i bin blupela siot wantaim waitpela sot.

Skul soka pilaia pikinini i stap aninit long krismas 11, 12 na 13. Dispela yia em nambawan taim bilong skul ya long stap insait long dispela kompitisen.

Dispela em i nambawan taim wanpela papamama i kamap na givim helpim long ol sumatin olsem.

Skul i tingting long baim narapela yunifom moa tasol dispela bai kamap bihain long ol

papamama i helpim wantaim sampela mani.

Dispela nupela yunifom ol kisim las wik i pepel kala na mani ablong kisim ol dispela samting inap long K400.

Ol nambawan lain bilong pilai nambawan gem las wiken em long ol 13 yia ol pikinini egensim Korobosea. Ol pilai strong tru na bal i stap long sait bilong Korobosea i go tasol abrus na Korobosea i kikim wanpela gol na winim ol.

Pilaia profail

Nem: Simon Mongoi

Niknem: Cyborg

Mama Karim long: Epril; 4, 1977.

Hevi: 75 kilogram

Longpela: 165 cm.

Viles: Wamba Hauslain, Koruwagu klen,

Provins na Distrik: Watabung,

Isten Hailans provins.

Marit o nogat: singel.

Wok: Kai ba asisten na draiva.

Kampani: Lumba Lumba.

Lotu: SDA.

Statim boksing: Oktoba, 2000.

Boksing klab: Nokondi Boksing Klab.

Divisen: welta Weit (novis)

Husat mekim laikim boksing? Mi yet laikimj boksing

Narapela feverit spot: Ragbi lig.

Feverit treina: Gibson Gigmaj.

Feverit referi: Joppa Yarawai.

Feverit PNG boksa: Raphael Lare bilong Rabaul.

Feverit opasis boksa: Joe Casamarya (Cuban Wol Sempion)

Feverit kaikai: Tin pis na rais.

Feverit dring: Jinja bia.

Feverit samting yu mekim: Lukim TV.

Feverit Muvi: Titanic na The Rocky Series.

Feverit Ekta: Leonardo DiCaprico na Sylvester Stallone.

Save laikim: Bihainim olgeta lo bilong gem insait na ausait long fil wantaim.

Sapos les long: Ol man husat i no bihain lo bilong spot, ol tok bek-sait na sait toktok nabaut.

Sampela bikpela pilai: Makim Goroka long Nesenel Boksing Sempionsip ol i holikm long Goroka long Februari dispela yia.


Tingting strong long: Tren hat na kam antap long boksing ring long lokal level kompitisen, kamap long nesenel taitel na wanpela taim makim PNG long ovasis.

Las K10 bai yu mekim wanem: Spedim long baim kaikai long stua.

Sapos yu bin praim minista: Mi inap givim mani na sapotim ol kainkain spot.

10-pela krismas bihain bai yu mekim wanem: Mi bai pait na stap yet long boksing ring.

SAPE METTA i raitim



Sentrel provins yut so bai kamap long Ogas

KENNEDY EDENE i raitim

SENTREL provins Yut Federesin bai haitim gen yut so bilong ol yuts bilong em long dispela yia so det em ol makim long Julai 29 to Ogas 2001.

Long luksave na redi long dispela so, ol yut bilong ol Lokol Levul Gavman Kaunsil Wod Erias em ba ol i toksave long ol long stretim so bilong ol.

Det ol mekim em, bilong LLG Yut So bai ol hevim long Jun, na bilong ol Distrik Yut So long Julai.

Na bihain long Distrik Yut So bai wanwan distrik bai ol i makim ol representativ long pilai long Sentrel provins Yut So, na dispela bai stat long Julai 29 i go inap long Ogas.

Faipela distriks insait long Sentrel provins Abau, Rigo, Kairuku, Gailala na Hiri distrik bai ol putim tims makim olsem 600 patisipants long pilai long dispela Sentrel provins Yut So, we bai i moa long 3000 moa manmeri bai kompit.

Long redim ol wanwan distrik Hiri na Koiari distrik bai ol i holim miting bilong ol long makim ol oganaisin komiti bipo long dispela mun.

Komyuniti Developmen Opisa,

husat em man i go pas long kodinetim Hiri Hiri Distrik yut So Mista Jonathan pinis na bai ol i holim miting wantaim ol wanwan Lokol Levul Gavman Wod Erias long dispela wits bipo long Jun 1.

Dispela miting em long oganaisim ol komiti na em tok, ol wok bilong ol komitis em long oganaisim yut so bilong ol long wanwan LLG erias bilong ol. Dispela ol komiti bai i gat presiden, vais presiden, sekriteri, tresera, na sampela ol mekim komitis na dispela komiti bai wanpeal gavman opisa bilong dispela Lokol Levul Gavman edministresen bai kodinetim.

Mista Erehe tok, ol 6-pela hap em ol makim pinis insait long Hiri na Koiari LLG eria we bai ol hevim ol LLG Yut So bilong ol.

Dispela ol hap em:

1) Wod Hiri Wods

Em Porebada, Boera, papa, Roku, Lealea, Kido na Manumanu bai ol i stegim so bilong ol long Boera komyuniti skul.

2) Is Hiri Wods

Em Barakau, Tubuseria, Mt Diamond, Gaire na Dagoda bai ol holim long Tubuseria komyuniti skul.

3) Trens/Vanapa Wods

Em Akuku, Laloki, Vanapa,

Brown River na Boteka bai ol holim long Kuriva komunity skul.

4) Lowlands Koiari insait long Koiari LLG

Osabawai, goldie, Mesime, Vayavai, Furimuti, Edevu na Suria long Laloki Hai Skul.

5) Sogeri Valley (KLLGC)

Depo, Vesulogo, Befa, Koitaki, Doe, Ogotana, Kahaitana, Berebei, Vanatanumu na Sogeri Eben bai ol i hevim long larowari hai skul.

6) Mt Koiari (KLLGC)

Boridi, Kagi, Efogi na Manari long Kagi komyuniti skul.

Ol aktivitis na ol kainkain spots bai ol i pilaim long dispela yut so em.

1) Ball gems

Volibal, basketbal, soka, netbal, ragbi tas ol manmeri bai pilai.

2) Atletiks

100m sprints bilong manmeri
200m sprints bilong manmeri
400m sprints bilong manmeri
800m sprints bilong manmeri
1500m sprints bilong manmeri
Marathon

3km sprints bilong meri

5km sprints bilong meri

3) Kreativ Aktivitis

String ban, choir, debet, drama, tumbuna danis, quiz na biutu kontes.

Nambawan soka referi, i kisim yunifom na bets long makim PNG ovasis

ALISON ANIS i raitim

WANPELA nambawan soka referi long Pot Mosbi soka asosiesen, long las wik Sarare, i bin kisim nupela yunifom na wanpela bets bilong go makim PNG olsem asisten referi insait long Osenia Kualifaias Wol Kap (OWC) we bai i kamap long Ajetina long June 1.

Senerol Sekretari bilong PNG Futbol Asosiesen, em Ivan Ngahan i bin makim Federesin bilong Intenesenel Futbol Asosiesen (FIFA) na prisentim yunifom na bets igo long refri Hillary Ani, pastaim long em i givim aut 60 soka bols long presiden bilong POMSA em Mark Kelep.

"Hillary i kualifai long kamap olsem asisten refri insait long OWC na long

arapela hap blong wol tasol em bai makim PNG long OWC kualifaias," Mr Ngahan i tok.

Em i tok FIFA bai i baim tiket bilong Hillary na tu hap bilong em long stap na bai lukautim em long stap bilong em insait long Ajetina.

Mr Ngahan i tok olsem Hillary i stap long seken grup long go ovasis long kamap olsem asisten referi.

Nambawan grup, em Mr Ngahan i tok, ol i bin go las yia na wanpela man em Bobby Malaong i bin makim PNG olsem asisten referi long ovasis.

Mr Kelep i tok olsem PNG mas kamapim planti ol kualifaid referi olsem Hillary na em i tok moa olsem, "ol meri tu i mas traim na kamap olsem soka referi."



PM helpim spot....

• Praim Minista Sir Mekere Morauta i bin stap long Hanuabada long givim aut ol nupela yunifom i go long Poreporena Netbal Asosiesen las wik. Em i bin givim tu K5,000 long ol. Dispela ol nupela yunifom bai helpim ol yangpela meri husat bai stap insait long Nesenel Junia Netbal Sempionsip neks mun. Poreporena Netbal Asosiesen i stat long dispela yia na ol i rejistaim sevenpela gred wantaim PNG Netbal Federesen. Poto i soim ol yangpela meri soim nupela yunifom wantaim Sir Mekere. Poto: PEKU PILIMBO.

Ol Blu Kumuls i stap nambawan yet long divisin wan

TUPELA nambawan tim bilong divisin wan long Sarare i luk strong tru na wanpela i ken lukim olsem dispela gem bai i wanpela stronpela gem tru bikos tupela tim wantaim i wokim biknem long kompotisen lada.

Dispela tupela tim em, Tawala na Blu Kumuls husat i redi nau long pait long nambawan posisen long lada.

Kumuls i stap nambawan yet long lada na Tawala i stap seken ples tasol sapos Kumuls i lus em bai sans bilong Tawala i kalap go antap long namba wan na Kumul bai go daun long seken ples. Sapos kumul i win em bai stap namba wan yet. Ol sapota na tu ol pilaia nau i wok long lukluk long wanem samting dispela gem bai bringim.

Tawala i lukluk strong olsem ol bai winim dispela gem. Long narapela sait, Kumuls luk olsem ol i no inap long larim ol arapela tim daunim ol. Ol i redi long strongim posisen bilong ol na stap olsem nambawan yet.

Taim karai bilong wisel i kam tasol, tupela sait i redi nau long atek.

Long pes hap, Blu Kumuls i putim wanpela gol we i soim olsem ol bai i stap strong yet. Ol Tawala boi i traim hat tru long skoa na wanpela isi kik tru we gol kipa bilong Blu Kumuls i no nap long holim gut i go insat long gol pos. Dispela gol i mekim ol sapota bilong Tawala i amamas tru na i mekim ol singaut: "sampela moa".

Pes hap i pinis na seken hap i stat na skoa i sanap olsem 1-1.

Atek long seken hap i strong moa yet taim tupela tim i traim long putim gol gen. Ol sapota bilong Tawala tu i no isi long singaut long tim bilong ol. I no longpela taim na nambawan gol bilong seken hap i kam gen olsem long ol Kumuls. Ol Tawala i bekim gen wantaim wanpela bilong ol yet we ol kikim olsem klostu long senta.

Long ol laspela minit, Tawala i strong tru na kisim bol i go klostu tru long sait bilong Kumul husat difens bilong ol wok long dai liklik.

Tawala klostu skorim tripela isi gol tasol ol seksek tru long kikim bol na bol i no go insait. Dispela i mekim tupela tim wantaim i dro 2-2 long ful taim.

Long fil wan, Sobou i no givim sans long ol Dobo. Sobou i winim ol Dobo wantaim 3-2. Long laspela minit bilong seken hap straika bilong Sobou, Fidellis Golu i putim wanpela daiv kick klostu long goal bilong ol Dobo na dispela i surukim skoa bilong ol i go antap long 4-2 long ful taim.

Sir Mekere Kap ragbi salens bai stap inap 5 krismas

PEKU PILIMBO i raitim

MEJA sponsa bilong Sir Mekere Morauta op-sisen ragbi lig resis Caspar Wollom aninit long sekyuriti kampani Alert Sekyuriti i tok dispela kain resis bai stap i go yet long faivpela moa yia.

Mista Caspar Wollom i mekim dispela tok klia long taim bilong gren fainel bilong Sir Mekere Morauta Kap las wik Sarere long Sir Hubert Murray Stadium long Pot Mosbi.

Ol Kone Sharks i bin winim dispela gem egensim Nambis Storms insait long wanpela strongpela gem tru. Ol Sharks i win wantaim 14 poin na ol Nambis Storm i bin stap wantaim foapela skoa tasol.

Kone Sharks husat i winim A gred grenfainel i bin kisim wanpela pig, foa katen bia,

K3,000 kes mani wantaim Sir Mekere Morauta Kap.

Praim Minista bilong Papua Niugini Sir Mekere Morauta i bin stap insait long dispela bung long givim aut ol prais bilong wanwan tim husat i stap insait long dispela kompitisen.

Inap olsem 58 katen bia, 14 laip pik na kes mani inap long K3,000 tupela bikman i givim aut long ol tim huysat stapm insait long dispela resis.

Wanwan tim husat i stap insait long dispela kompitisen i bin kisim wanwan laip pik wantaim foapela katen bia na sampela prais mani.

Long taim bilong givim aut ol dispela prais, bikman husat i go pas long helpim ol lain i kamapim dispela kompitisen Caspar Wollom i tok em bai sapotim dispela kompitisen long faivpela yia i kam

aninit long wankain nem Sir Mekere Morauta Kap.

Sapota bilong tupela tim wantaim i amamas na peinim pes bilong ol na sanap singaut nogut tru long sapot na tu tok nogutim ol pilaia bilong narapela arapela sait.

Insait long wanpela gutpela gem long fran bilong sampeal tausen manmeri, ol boi bilong Kone Sharks na Nambis Storm i kirapim das wantaim gutpela pilai bilong tupela. Difens i strong tru na tupela sait wantaim i painim hat long putim trai tasol ol Kone Sharks i strong liklik na winim ol Nambis Storm.

Sir Mekere Morauta i tok tenkyu long bikpela helpim i kam long papa bilong Alert Sekyuriti Caspar Wollom husat i givim sponsa wantaim ol narapela liklik sponsa husat i stap insait long lukim Sir Mekere Morauta Kap

resis i kam inap long fainel las wiken.

Sir Mekere i tok pilai spot wanpela gutpela rot bilong stapim ol yangpela long stap nating na mekim kainkain trabel nabaut.

Sir Mekere i tok tenk yu tu long ol narapela sponsa husat i stap insait long mekim dispela gem i go gutpela na kamap olsem long fainel.

Long wankain taim Sir Mekere Morauta i givim wanpela ambulens long ol pipel bilong Motu Koitabu lon gol ples olsem Baruni, Tatana, Hanuabada na wanem liklik ples stap namel long oll dispela bik ples.

Sir Mekere i tok dispela ambulens inap helpim ol manmeri bilong dispela ol ples long taim bilong sik na tu birua i kamap long komyuniti.



Harbours Board tim...

• Dispela em ol Division One netball tim bilong Harbours Board husat i bin lus long gren fainel taim ol i pilai wantaim Telikom long Pablik Sevens kompetisen. Poto: JOE IVAHARIA.

Bikpela pilai bilong ol sumatin bai kamap

GABRIEL PAITA i raitim

OPIS bilong Papua Niugini Atletiks Yunion (PNGAU) i tok aut olsem ol i redi long holim wanpela bikpela pilai bilong ol skul sumatin long Niugini Ailans.

Ol i tok olsem planti hai skul sumatin long olgeta hap long kantri bai i bung long Kimbe, Rabaul na Kavieng long dispela tem tu holidei bilong ol.

PNGAU i tok olsem ol sumatin bai resis long 100, 200, 400, 800 na 1500 mitas. Ol manki bai ran tu long wanpela 3000 mitas resis. Bai i gat tu ol pilai olsem lon jump, hai jump na javelin. Ol sumatin ya bai resis tripela taim long wanwan pilai na bihain, husait i gat planti poin bai win. PNGAU i tok tu olsem bai i gat planti gutpela prais olsem su bilong ran na ol tropi.

PNGAU President Tony Green i tok olsem ol i bin kisim pinis 12 pilaia long makim kantri em ol husat save makim kantri na go pilai bipo. Mista Green i tok olsem i gat planti spes i stap yet na ol laikim ol narapela sumatin i kisim dispela spes long pilai. Long kisim ol narapela pilaias long makim kantri, mista Green i tok olsem bai i gat sampela resis long Kavieng long Jun 3 na long Kimbe long Jun 5 na bikpela traime bai kamap long Pot Mosbi long Jun 9.

Long taim PNGAU President Tony Green i tok aut long dispela, em i tok strong long ol skul long kantri olsem ol i mas salim ol gutpela pilaias bilong ol i kam. Em i tok ol i mas holim ol liklik resis long skul pastaim long painimaut ol gutpela pilaias bihain ol i salim ol i kam long resis long Niugini Ailans.

POM Soka Asosiesin i kisim 60 soka bol long PNGFA

ALISON ANIS i raitim

PNG Futbol Asosiesin i bin givim 60 bol bilong pilai i go long Pot Mosbi Soka Asosiesin olsem hap bilong kontribusyon bilong ol long developim ol kamapim strong spots insait long PNG.

Dispela i bin kamap long Sarare tasol las wik insait long Bisini fil 1.

Jenerol Seketri bilong PNGFA, Ivan Ngahan makim futbol asosiesin i bin givim aut dispela ol soka bol i go long vais presiden bilong POMSA, Mark Kelep.

Taim em i givim ol dispela samting, Mr Ngahan i tok strong olsem ol pilaias mas yusim gut ol soka bol na lukautim gut tu.

"Dispela ol bol em i olsem pat bilong soka, sapos i gat bol bai i gat soka, tasol sapos nogat bol bai ino gat soccer. Ol mas lukautim gut bikos em bai helpim olgeta pilaia long kamapim soka skils na stails bilong ol," em i tok.

PNGFA long olgeta yia i save givim aut kain olsem 1,500 bol i go ol lain memba bilong em

long mekim developmen bilong spots insait long kantri na wankain taim mekim ol yut na sumatin i gat interes moa long pilai na developim skil bilong ol long spots, Mr Ngahan i tok long dispela.

Dispela, em i seken taim POMSA i kisim ol soka bol. Las yia number bilong soka ball ol kisim inap olsem 60.

Ol arapela memba bilong PNGFA em Kimbe, New Britain Oil, Popondetta, Lahi, Enga, Manus na Lae Futbol ino kisim ol soka bol long displea yia.

Ol Soka bol i bin gat kaikain sais bilong ol, ol traipela na liklik, bikos i gat bilong skul na bilong ol soka clab tu.

Spots mas kamap strong insait long kainkain lebol, Mr Ngahan i tok.

• Poto i soim Kostas Constantinou bilong Lamana Motel i opim nupela graun bilong ol pikinini long pilai long Pot Mosbi Tennis Klub. Presiden Ravi Parera i lukluk i stap. Poto: Joe Ivahana



• Ol yangpela pilaia bilong YM2 soka tim i traime aut nupela yunifom bilong ol long fran bilong Steamships Hardware opis long Waigani. Poto: Peku Pilimbo.

Steamships givim yunifom long soka tim

PEKU PILIMBO i raitim

STEAMSHIPS Hardware i helpim wanpela soka tim bilong Pot Mosbi wantaim nupela yunifom long las wik.

YM2 soka tim insait long A Gred divisen i kisim ol nupela set, soks, kep na ol spotwea wantaim tupela nupela bal i kam long steamships Hardware.

Making Menesa Caroline Strach i tok Steamships i amamas long helpim ol yangpela husat i traime longhelpim ol yet.

Em i tok kampani i save kisim planti pas i kam long ol spot grup nabaut tasol ol dispela yangpela i nogat wok bilong ol na save stap nating tasol ol i traime long helpim ol yet olsem na kampani i tingting long helpim ol.

YM2 em wanpela soka tim we i stap nambawan taim insait long primia divisen long dispela yia bihain long ol i winim fes divisen primiasip long las krismas.

YM2 i bin wanpela tim we i bin stat long 1997 na save pilai insait long sekan divisen. Stail pilai bilong ol manki i lukim dispela tim kamap antap na las yia ol i bin winim primiasip bilong nambawan divisen.

Bihain long dispela ol win, ol i luk save olsem YM2 i wanpela A gred tim na dispela yia ol i pilai pinis 7-pela gem insait long primia gred divisen. Long ol dispela gem, ol i winim wanpela, dro long tupela na lus long foapela.

Planti bilong ol dispela yangpela man i kam long Mapos 2 long Buang insait long Morobe provins na ol i bin traime hat wantaim mani i kam long poket bilong ol yet long ol yia i go pinis inap long dispela yia. Ol i save stap nau long 8 Mile setelmen hia long Pot Mosbi na planti bilong ol dispela yangpela i nogat wanpela wok mani.

Ol i bin raitim planti pas i go long ol kainkain bisnis haus na ol man tasol nogat wanpela i bin ol i kam inap long

taim ol i kamap long Steamships.

YM2 klub presiden Ben Warren husat i stap wantaim ol manki bilong em long kisim ol dispela nupela yunifom i tok tenk yu long Steamships hardware husat i givim dispela helpim long ol.

Mista Warren i tok nogatwanpela man i bin helpim ol long stat bilong tim na wanwan man husat i wok i bin rausim liklik mani long poekt bilong ol yet long traime sapotim ol yangpela man long pilai.

Em i tok spot i wanpela gutpela rot tru bilong helpim ol yangpela long lusim pasin bilong bikhet na tingting stroing long pilai.

Em i promis olsem Steamships i wanpela bikpela sponsa bilong ol nau na ol bai ripot bek long wanem samting i wok long kamap wantaim tim insait long ol wik i kam.

Planti bilong oil pilaia insait long YM2 tim i kasm long Morobe provins.

Boksa painim wanpela promotora

JAMES KILA i raitim

WANPELA profesnel boksa i nau wok yet long lukluk raun long painim wanpela promotora long redim pait bilong em egensim husat man i laik pait.

Dispela boksa em Gibson Gigmai husat i holim yet PNG taitel long supra midelweit divisen. Nau yet em i holim taitel i stap tasol em i no go pait ovasis o wanpela i kam pait wantaim em bikos em i nogat

wanpela promotora.

Gigmai i bilong Sinasina eria insait long Simbu provins tasol nau em i stap long Goroka trening yet long bungim husat man laik pait egensim em.

Gigmai i tok em toktok pinis wantaim narapela nem bilong em William Gube long tupela i pait long ring tasol bikpela hevi nau em long painim wanpela promotora long stretim dispela pait.

Em i tok tu olsem sapos

wanpela promotora i kamap long helpim em, em i tingting long bungim narapela boksa John Wayaki long ring tu.

Gigmai em nambawan man bilong hailans rijon husat mekim nem bilong em taim em i rausim tiket bilong sempion boksa bipo Mark Apai long 1988 tasol Bogenvil hevi i stapim em long pait moa.

Dispela pait namel long Mark Apai na Gigmai i bin kamap long Panguna na pait i lukim

Gigmai i rausim tiket bilong Mark Apai long TKO (teknikel nokaut) long raun namba siks.


Gigmai i tok olsem bipo long taim bilong Martin B eni, John Aba na Kusak 'Tigerman' Kamenak na Tumat Sosolik i save gat planti ol gutpela promotora i stap. Tasol nau yet profesenel boksing long PNG

Em i stori olsem long dispela pait bilong em long Panguna, man husat i stap olsem promotora em Barry Middlemiss. Dispela waitman i save promotim tru profesenel boksing long PNG tasol nau em i go pinis na dispela spot i pundaun stret.

"Mi save olsem longpela taim mi no pait long ring tasol teknik na stail bilong pait i stap yet long blut ya," Gigmai i tok.

"Bipo mi bin yangpela yet na mi pait tasol nau mi gat pikinini na mi laikim dispela pikinini bilong mi i ken lukim mi pait long ring na i ken tok olsem papa bilong mi em wanpela boksa," em i tok.

Em i singautim nesene gavman tu long luksave na sapotim spot bilong profesenel boksing long PNG. Dispela em bikos boksa bilong yumi husat go pait long ovasis bai karim fleg na nem bilong PNG i go. Dispela em gutpela long maketim kantri long sait bilong spot.





Si-so long swing....

• Aston Rhodes husat i gat 11-pela kristmas bilong Murry Intenesel Skul i traिम wanpela swing long nupela Children's Playground long (BAVA) Pot Mosbi Tennis kots. Baksait em liklik Geraldine Kanawi. Foto: JOE IVAHARAIA.

Momase soim pawa stret

**KIVURAM KANAKO
MAIKEL i raitim**

KUKURAI soka klab bilong Madang, Momase i soim pawa na kala olsem ol i save long ol kainkain trik bilong pilai soka taim ol i nilim ol bos bilong Mimlon wantaim sikspela gutpela gol long las wik Sarere long Laiwanden. Mimlon i kikim tupela gol tasol.

Tupela lapun bilong Momase John Panu na Alphonz Kamunding i bin tokim ol lain bilong ol olsem, ol mangi Mimlon i gat kik olsem ol kuka i wokabaut long rip na olsem Momase i mas lukautim gut long ol Romo brata husat i holim strong stail bilong Mimlon.

Tupela tim ya i bin soim strongpela pilai long nambawan hap taim ol i go insait na lain bilong Emos na Johnson Romo i spitim bai i go daun olsem ol kuka i save ron antap long rip bilong Mimlon nambis. Ol Momase tu i soim olsem ol i gutpela solwara man olsem ol kepten na boskru bilong MV Momase. Ol tu i save long tokples bilong pilai soka antap long solwara taim sip i ron yet.

Momase i luksave long dispela na taim ol boi bilong en i stat long pilai isi, ol i luksave olsem ol inap long kikim sampela gol i go long umben bilong Mimlon. Orait i no longtaim David Lopes i kikim wanpela gutpela na isipela gol taim wanpela pilai bilong Mimlon i kikim bal isi tru oslem lek bilong em i nogat pawa. Tasol Mimlon i strong na soim pawa olsem

ol tu i gat namba orait bihain long faivpela samting umben bilong Momase i solap.

Mimlon i luksave olsem ol i mas rausim bal hariap i go long sait bilong Momase we ol fowat inap long ron na traिम long sutim bal i go long umben bilong Momase. Tasol Momase i tok, em bai hat liklik olsem na ol long i sanapim strongpela banis tru. Ol Mimlon i bin gat sans long pilai gut na traिम long kikim sampela gol tasol ol i no bin gat sans.

Planti taim Emos Romo wantaim ol brata bilong em i ron na sakim gut bai tasol lek i paul liklik na ol i salim bal i go bek gen long lain bilong John Panu. Taim ol Momase i kisim bal, ol i strong tru long salim go hariap long David Lopes long traिम umben bilong Mimlon. Tasol banis bilong Mimlon i save sanap strong na sakim bal. Momase i traिम hat i go na taim David Lopes i ron i go wanpela pilai bilong Mimlon i kalabusim lek na em i pundaun. orait Referi Bonny Pongo i givim asua kik (penalti kik) i go long Momase na Sam Awele i pairapim umben bilong Mimlon.

Mimlon i pilai strong i go gen na taim ol i luksave olsem Momase i paul liklik na i kamapim asua klostu long umben bilong ol. Mimlon i tokim Emos Romo long givim wanpela gol. Orait Emos Romo i isi tasol kikim bal antap long graun tasol we i abrusim o banis bilong Moamse na guriam golkipa na taim kipa i opim ai, umben i solap pinis.

Mimlon inap long kikim

planti gol liklik tasol ol i no wok hat tumas. Momase, i taitim gut banis na givim gut wok long ol kikman bilong em. Mimlon i bin pait strong i go inap long pinis bilong pilai. Klostu long pinis bilong pilai, wanpela kikman bilong Mimlon i bin kurungutum wanpela Momase pilai klostu long mak bilong Mimlon tasol asten (tru tru toktok long ol ipinisim gut pilai taim laspela krai bilong wisil i krai.

Ol gutpela pilai bilong Mimlon em long tupela Romo brata. Ol gutpela pilai man bilong Moamse em long Colin Kell, Sam Awele, David Lopex, John Panu na Alphonz Kamunding.

Long wankain taim, John Panu, wanpela lapun kikman bilong Momase i tok olsem maski asua i bin kamap, tupela tim i bin mekim kamap gutpela pilai. Mista Panu tu i tok taim ol kikman i stat long kamapim pilai nogut olsem bilong kikim arapela pilai nating dispela i save mekim ol i lus.

"Mimlon em wanpela gutpela tim wankain olsem arapela tim. Tasol ol pilai i mas pilai wantaim gutpela tingting. Sapos ol i pilai gut, ol bai laip long putim sampela moa gol Momase i save pilai na sapos mipela i lus, em mipela amamas. I gat taim bilong amamas na belsori. Olgeta kikman i mas save long dispela." Mista John Panu i tokim Wantok Spots.

Mista Panu tu, i tok tenkyu long olgeta kikman bilong Momase na tu long golkipa husat i mekim bikpela hatwok long sevim ol kik i kam long Mimlon.

Tupela SP Kap gem bai kamap long Goroka

**GABRIEL PAITA i
raitim**

SIR Danny Leahy Ragbi Lig graun long Goroka bai lukim tupela SP Kap gem dispela wik Sande namel long Pot Mosbi Vipers na Simbu Warriors na Goroka Lahanis egensim Waghi Tumbe.

Gem namel long Simbu Warriors na Pot Mosbi Vipers inap kamap long Kundiawa tasol nogat planti sapota i bin kamap las wik long lukim gem namel long Simbu Warriors na Waghi Tumbe i mekim ol surikim dispela gem i kam long Goroka.

Dispela gem bai kamap bipo long mein gem namel long Goroka Lahanis wantaim Waghi Tumbe we bai kamap long 3 kilok apinun long Sande.

PNG Ragbi Lig opisal husat i stap long dispela gen namel long Waghi Tumbe na Kundiawa Warriors las wiken i tok planti man husat kamap long lukim gem i no mekim gutpela pasin.

Ol i tok planti man i bin kam insait nating na i no peim get fi na planti arapela i brukim lo long kam insait.

Narapela asua tu em long planti pilaia insait long Kundiawa rasgbi lig kompitisen i no rejista na planti pilaia husat pilai bipo long mein gem i nogat insuren.

SP Kap Menesman Komiti Siaman Jim Robins i tok long dispela as na tu mani hevi bilong Kundiawa i mekim na ol i surikim dispela gem na dispela inap senis sapos ol samting long Kundiawa i orait gen.

Ol narapela gem bai stap olsem: Lae Bombers bai pilaim Enga Mioks long Lae na Muruks bai pilaim Rabaul Gurias long Rabaul.

Mista Robins i tok i no gutpela long ol i surikim gem i go kam olsem tasol sapos ol pablik long Kundiawa na narapela hap lokng kantri i mekim olsem bai ol i wok long surikim gem i go i kam olsem na larim ol man lakim pilai i ken lukim.


Raun faiv bilong pilai bai

stap olsem long plen na ol bai pilai long Kumndiawa na narapela hap senta tu tasol gem namel long Lae Bombers na Rabaul Gurias we inap kamap long Lae bai muv long Kimbe.

Bihain long raun 6 bai olgeta SP Kap Gem i malolo na ol pilaia bai redi long bungim ol French Roosters husat bai kam pilai neks mun. Ol narapela toktok bilong dispela tes namel long French na PNG Kumul bai kamap aut bihain.

Ol tim i sanap olsem long SP Kap resis: Goroka Lahanis i go pas wantaim 8 poin, Enga Mioks 6, Lae Bombers 5, Rabaul Guria na Pot Mosbi Vipers long 4 poin, Mendi Muruks 3, Waghi Tumbe 2 na Kundiawa Warriors i nogat wanpela poin yet.

Gem bilong las wiken i lukim Goroka Lahanis i winim Lae Bombers 10-8, Rabaul Gurias winim Pot Mosbi Vipers 20-14, Enga Mioks winim Mendi Muruks 25-11 na Waghi Tumbe winim Kundiawa Warriors 30-28.



• Kapitel Basketball Lig bilong Junia gels. Dispela piksa i soim eksen namel long Jazz na Defence. Foto: JOE IVAHARIA.

Ol Spot Dro

Toksave

Salim ol dro, risalts na poin lada i kam long Wantok
 Niuspepa long Tunde olgeta wik.Salim long Spots Edita:
 Fax: 325 2579 o ringim em long telepon no: 325 2500

PORT MORESBY SOCCER ASSOCIATION

Saturday, May 26, 2001.

Blaiini One

0800	Y1	Rapatona vs ANZ Uni
0920	W2	Kula vs PS United
1030	Y2	Bavaroko vs Sogeri
1145	D2	Bavaroko vs Mungkas
1255	W2	Rapatona vs Arnotts E/Utd
1400	D1	Tawala vs Tarangau
1600	Prem	Cosmos vs Babaka

Blaiini Two

0800	Y1	YM2 vs Telikom
0920	W1	WM1 vs Sobou
1030	W1	ANZ Uni vs Guria
1145	D2	Pangtel vs Datec
1255	W2	Falcon vs Madgauns
1400	W1	Cosmos vs Tarangau
1500	D1	Sobou vs Cyclone
1600	Prem	PS Utd vs Guria

Sunday, April 22, 2001.

Blaiini One

0800	D2	Nomads vs Wanzei
0920	Y1	Kula vs Telikom
1030	W2	Cyclone vs Tawala
1145	W1	LBC Defence vs Telikom
1255	Y2	Pom Int H/Sch vs Sunset
1400	D1	Pom Int H/Sch vs Kurti-Andra
1500	Prem	LBC Defence vs Kula

Blaiini Two

0800	D2	Dolos vs WM1
0920	W2	SP Brewery vs Murat
1030	D1	Murat vs Naniu
1145	W1	Orogen vs Bavaroko
1300	D1	Dobo Murika vs Blue Kumuls
1420	Prem	Telikom vs YM2
1620	Prem	Rapatona vs ANZ Un

Sunday, April 21, 2001.

University Oval

0800	D4	LBC Defence vs Kula
0910	D4	PS Utd vs Guria
1030	Y1	PS Utd vs Guria
1145	D4	YM2 vs Telikom
1300	D3	Jaha vs Momase
1410	Y2	Pom Utd vs Blue Kumuls
1520	D3	Sunset vs Jr. KE Club

Bye: Manambu D3

Gordon Secondary Y2

University Oval

0800	D4	Rapatona vs ANZ Uni
0910	Y1	Cosmos vs Babaka
1030	D4	Cosmos vs Babaka
1145	D3	Muma vs Eda Ranu
1300	D3	M/Barracks vs Arnotts E/Utd
1410	Y2	Murat vs Arnotts E/Utd
1520	D2	Aljog vs Buresong

Points Ladder

Sunday, May 20, 2001.

Division One

Team	P	W	D	L	F	A	Pts
Telikom	8	6	2	0	16	1	20
ANZ Uni	8	6	2	0	19	3	20
Cosmos	8	6	1	1	16	2	19
WM1	8	4	2	2	9	5	14
Tarangau	7	4	0	3	7	8	12
LBC Defence	8	3	2	3	4	6	11
Guria	8	1	2	5	2	12	5
Sobou	8	1	2	5	2	12	5
Orogen	7	1	0	6	2	13	3
Bavaroko	8	0	2	6	2	16	2

Division Two

PS Utd	8	7	1	0	20	2	22
Rapatona	8	7	0	1	15	3	21
Kula	8	5	1	2	20	3	16
Tawala	7	3	3	1	6	1	12
SP Brewery	8	3	1	4	7	7	10
Murat	8	2	2	4	3	5	8
Falcon	8	2	1	5	3	15	7
Cyclone	5	2	0	3	3	5	6
Arnotts Ela Utd	6	1	1	4	1	13	4
Madgauns	7	0	0	7	0	21	0

Premier Division

PS Utd	8	8	2	1	18	4	19
ANZ Uni	8	5	2	1	20	8	17
LBC Defence	8	5	1	2	12	6	16
Rapatona	8	4	2	2	10	6	14
Cosmos	8	4	1	3	14	11	13
Babaka	8	4	0	4	15	15	12
Kula	8	2	1	5	18	25	7
Guria	8	2	0	6	9	16	6
YM2	8	1	2	5	5	14	5
Telikom	8	1	2	5	6	19	4

Division One

Blue Kumuls	8	6	1	1	17	7	19
Murat	8	4	3	1	12	5	15

Tawala	8	4	3	1	14	8	15
Pom Utd	8	3	4	1	13	8	13
Naniu	8	3	3	2	10	9	12
Tarangau	8	3	1	4	16	11	10
Kurti-Andra	8	2	3	3	5	7	9
Dobo	8	1	3	4	8	19	6
Cyclone	8	1	2	5	5	10	5
Sobou	8	1	1	6	7	23	4

LAHI SOCCER ASSOCIATION

Round 1 - Week 4

Sits Stadium

Saturday, May 26, 2001.

0800	U191	Elcom vs Bismark
0930	W2	SP Brewery vs Huonville
1100	U191	Defence vs Huonville
1230	W1	ES United vs Unitech
1400	P1	Asiawe vs Sobou
1530	P1	Unitech vs Bismark

Sunday, May 27, 2001.

0800	U191	Guria vs Bugandi
0930	W1	Bismark vs Defence
1100	W1	Guria vs Sobou
1230	P1	Defence vs Zeebas
1400	P1	Murat vs Arnotts
1530	P1	Guria vs Bugandi

TTC Oval 1

Saturday, May 26, 2001.

0800	U191	Bumayong vs Guria
0900	W2	Bumbu Drift vs Maenduo
1030	D2	TTC Bullets vs Bumayong
1145	W1	Elcom vs TTC Bullets
1300	W2	Arnotts vs GP Mates
1430	W2	Zeebas vs Maenduo
1600	D2	Bumbu vs Huonville

Sunday, May 27, 2001.

0800	U191	Bumayong vs TTC Bullets
0900	W1	Murat vs TTC Bullets
1030	P2	Uni Tech vs Arnotts
1145	D1	SP Brewery vs Elcom
1300	D1	8 Mile vs Lae Tech
1430	D1	Gee Otton vs Milne Bay Utd
1600	P2	Sobou vs Defence

TTC Oval 2

Saturday, May 26, 2001.

0800	U191	Asiawe vs Sobou
1030	U192	Arnotts vs Lae Tech
1145	P2	Guria vs Bugandi
1300	P2	Flames vs Wewak Utd
1430	D1	Flames vs TTC Bullets

Sunday, May 27, 2001.

0800	W2	Bumayong vs Huonville
0900	P2	Zeebas vs Maenduo
1030	U192	8 Mile vs Gee Otton
1145	D2	E/Stars vs SP Brewery
1300	W1	Murat vs Asiawe
1430	D1	E/Stars vs Mungkas
1600	P2	Bismark vs Murat

NEW BRITAIN PALM OIL LIMITED SOCCER ASSOCIATION DRAWS

Sunday, May 20, 2001.

Results

Mosa Field

Womens - Mosa Mill 1, Small Holders 0
 Womens - Medics 3, Admin 0
 Mens - Kumbango Mill 2, Transport 1
 Mens - Stores 4, Kernel Mill 0
 Mens - Mosa Mill 1, Dami 1
 Mens - Medics 3, Small Holders 0

Kumbango Field

Womens - Transport 0, Dami 0
 Womens - Bebere Pltn 1, Kumbango Mill 0
 Mens - Bebere Pltn 5, Pltn 1 - 0
 Mens - Togolo Pltn 2, Gulf 0
 Mens - Admin 1, Kumbango Pltn 2 - 0
 Mens - Crusher 1, Construction 1

Sunday, May 27, 2001.

Draws

Mosa Field

Women
 Admin vs Small Holders
 Bebere vs Dami
 Mens
 Golf vs Kumbango Pltn 1
 Bebere Pltn vs Kernel Pltn
 Admin vs Dami
 Small Holders vs Togolo Pltn
Kumbango Field
 Womens

Kumbango Mill vs Medics
 Mosa Mill vs Transport
 Construction vs Transport
 Crusher vs Medics
 Kumbango Mill vs Kumbango Pltn 2
 Mosa Mill vs Stores

AFL POM DRAW 2001

Round 5

May, Saturday 19, 2001.

Amini Oval

Tisa vs Uni	West
Colts Oval	
Defence vs West	Dockers

May, Sunday 20, 2001.

Colts Oval

Dockers vs West	Tisa/Doc/Tisa
-----------------	---------------

POPONDETTA BASKETBALL PROPER SEASON DRAW

Saturday, May 26, 2001.

Washouts

Court One

Court Two - A Reserve

11.00	Wantoks vs Guns	(W Res)
12.00	Wantoks vs Bayruts	(M Res)
03.00	Waterboard vs Sorovi	(W Res)
04.00	Medics vs Guns	(M Res)
05.00	Medics vs Souths	(W Res)
Court Two		
11.00	All Stars vs Souths	(M Res)
12.00	Waterboard vs Sorovoi	(M Res)
03.00	All Stars vs Price Rite	(W Res)
04.00	Bayruts vs Medics	(M Res)

Sunday, May 27, 2001.

Court One

11.00	Medics vs Souths	(MA)
11.00	Medics vs Wantoks	(WA)
12.00	Guns vs Wantoks	(MA)
01.00	Sorovi vs Souths	(WA)
02.00	Price Rite vs Waterboard	(MA)
03.00	All Stars vs Waterboard	(WA)
04.00	All Stars vs Bayruts	(MA)
Court Two		
11.00	All Stars vs Guns	(W Res)
11.00	All Stars vs Bayruts	(M Res)
12.00	Waterboard vs Medics	(W Res)
01.00	Souths vs Medics	(M Res)
02.00	Sorovi vs Price Rite	(W Res)
03.00	Waterboard vs Sorovi	(M Res)
04.00	Wantoks vs Souths	(W Res)
05.00	Wantoks vs Guns	(M Res)

DOWNER CONSTRUCTION CUP 2001

Sunday, May 27, 2001.

Round 8 - Draws

Mens Rugby Touch Football

10.00am	I/Tigers vs MKN/Dragons	Joe Siwa
10.35am	Eels vs T/Storms	Max Koari
11.05am	M/Brothers vs STC	Barnabas Miki
11.40am	Knights vs Bullets	Dennis Obura
12.15pm	Spiders vs Bulldogs	Issac Wai
12.50pm	Lamago vs Wallabies	Joe Sina
01.25pm	K/Raiders vs H/Storms	Max Koari
02.00pm	Ridge vs Starlets	Barnabas Miki
02.35pm	Ambos vs Nanes	Dennis Obura
03.05pm	Sharks vs DYD	Issac Wai
03.40pm	Tigers vs Brothers	Joe Sina
04.15pm	D/Dragons vs Tambas	Max Koari
04.50pm	Wolves vs Pukpuks	Barnabas Miki
05.25pm	Roosters vs West	Dennis Obura

Womens Soccer

10.00am	Girls vs Kosipers	Festus Kasari
10.35am	Ambos vs Bodiam	Mapi Mokano
11.05am	Bugs vs N B Girls	Nigel Mul
11.40am	Wolves vs Mix Mates	Esikiel K.
12.15pm	Saraga One vs Sharks	Mogen Wundai
12.50pm	Roosters vs Scorpions	Arthur Wani
01.25pm	Wena vs Tambas	Festus Kasari
02.00pm	Kombeons vs I/Tigers	Mapi Mokamo
02.35pm	T/Storms vs DYD	Nigel Mul
3.05pm	Spiders vs Wallabies	Esikiel K.
03.40pm	Bullets vs H/Storms	Mogen Wundai
04.15pm	Original SS vs Stones	Arthur Wani
04.50pm	Suba Star vs Okapians	Festus Kasari
05.25pm	Raiders vs Starlets	Mapi Mokamo

Mens Rugby Touch

Results

Knight 4	drew	Las Bet Yut 4
Spiders 0	lost	Bullets 4
Lamago 4	defeated	Bulldogs 0
Brothers 8	defeated	Raiders 4
Rige 0	drew	H/Storms 0
Ambos 0	drew	Starlets 0

Sharks 16	defeated	Nanes 0
Tigers 4	drew	DYD 4
D/Dragons 4	drew	K/Brothers 4
Wolves 4	defeated	Tambos 0
Roosters 4	defeated	Pukpuks 0
I/Tigers 4	defeated	Wests
Eels 8	defeated	MKN Dragons 0
M/Brothers 4	defeated	T/Storms 0

Womens Soccer Round 7

Suba Stars 0	drew	Stones 0
Raiders 1	forfeit	Okapians
C/Girls	forfeit	Starlets
Ambos 1	forfeit	Kosipers
Bugs 1	forfeit	Bodiam
Wolves 2	defeated	N B Girls 0
S/One 0	lost	Mix Mates 2
Roosters 0	lost	Sharks 1
Wena 1	forfeit	Scorpions
Kombeons 0	drew	Tambas 0
Storms 1	lost	I/Tigers 0
Spiders 1	drew	DYD
Bullets 1	defeated	Wallabies 0
Original SS 2	defeated	H/Storms 0

Points Ladder

Womens Soccer

Team	W	L	D	F	A	Pts
Buggies	7	-	-	30	0	21
Bullets	6	-	1	18	0	18
T/Storms	5	-	2	29	11	17
Suba Stars	4	-	3	18	0	15
Ambos	4	-	3	14	0	14
Mix Mates	3	-	4	15	0	13
Wolf	4	2	1	16	2	13
K/Morobe	3	1	3	14	3	12
M/Wena	3	1	3	11	3	12
Roosters	3	2	2	11	1	11
Stone	3	1	3	11	1	11
Saraga One	3	2	2	11	2	11
Original SS	2	-	5	12	0	11
B/Spiders						

WANTOK SPOTS

Sponsa helpim PNG Kumuls

Nesinol basketbal klab sempionsip long Goroka

JAMES KILA i raitim

WOK redi bilong Nesinel Basketbal klab sempionsip long goroka insait long Kwins Betde wiken long Jun 8-9 i wok long ron gut.

Dispela nesinel klap sempionsip bai kamap long Goroka YC Hall na Nesinel Spots Institut Basketbal kot.

Toktok i kam long siameri bilong oganaising komiti Paula Amos i tok olsem planti ol primia klab insait long kantri i soim laik long pilai insait long dispela sempionsip.

Paula i tok olsem ol primia klab bilong Nesinel Kapitol Basketbal Lig long Pot Mosbi i tok orait pinis long salim tim i go pilai long Goroka. Ol dispela tim em Jazz tim bilong ol man na Saints tim bilong ol meri.

Ol tim bilong Lae husat i givim nem pinis long pilai long sempionsip em Kantri (man) na Stars (meri).

Ol tim bilong Mosbi na Lae i save soim stail bilong ol insait long ol nesinel tonamen gut tru, tasol ating dispela yia planti ol birua klap bilong narapela senta bai traim hat moa na daunim strong bilong ol.

Ol tim bilong narapela senta husat i givim nem na redi long pilai insait long dispela klab sempionsip em Pacers (meri) na Souths (man) bilong Mt Hagen, Stars (man) na Madmates (meri) tim bilong Madang, Medics (man) bilong Rabaul, Exodus (man) bilong Tabubil na Souths (meri) na Yaku (man) tim bilong Mendi.

Paula i tok olsem em i wet yet long kisim toktok i kam long tim bilong ol meri i kam long Rabaul na man tim bilong Tabubil.

Tasol Paula i tok ol oganaisa tok hat tru long redim olgeta samting long mekim na dispela tonamen long Goroka bai i kamap gut tasol.

Em i tok tu olsem husat tim long ol senta i tingting long salim klab bilong ol i mas redim K200 olsem nominesen fi.

PEKU PILIMBO i raitim

PAPUA Niugini Kumul bai gat nupela yunifom na ol narapela samting aninit long wanpela sponsasip tok orait wantaim Seeto Kui Holdings Ltd na Papua Niugini Ragbi Futbal Lig (PNGRFL).

Long dispela tok orait, ol Kumul bai gat nupela jesi, su, kep na ol narapela samting bilong pilai na stap redi long bungim ol French Rooster husat bai kam pilai neks mun long PNG na tu long mun Oktoba taim ol Australian Kangaroo i kam.


Dispela sponsa bilong Kumul tim bai wankain olsem Ges Kumul sponsa bilong las yia na sponsa bai kam aninit long nem bilong NIKE. wanpeal bikpela kampani we save kamapim ol samting bilong spot insait long wol na nau i statim nupela opis bilong ol aninit long Seeto Kui na mekim dispela tok promis long sponsoim Kumul.

Seeto Kui tu i tok promis olsem aninit long King bren bilong kampani we planti manmeri i save, kampani bai sapatim ragbi lig long lokel level na promis long salim ol yunifom long ol pilaia, klab opisal, lig na wanem narapela bodi i kam aninit long PNGRFL.

Dispela sponsasip mani i bikpela tru na ol opisal bilong tupela sait wantaim i no tok aut long amas tasol ol i bilip olsem mani bai bikpela tru na wankain olsem sponsa bilong PNG Ges Kumul las yia taim ol i go long Wol Kap resis.

NIKE bai helpim nesinel tim Kumul na Seeto Kui bai stretim ol lig na klab olsem SP Kap, ol lokel lig na wanem narapela lain bilong pilai ragbi lig aninit long King bren nem bilong kampani.

Aninit long King bren. Seeto Kui bai kamapim ol ragbi bal tu long givim aut.



• (l-r) Roger Seeto, Deputi Siaman bilong PNGRFL Jim Robins na Tony Sam bilong Seeto Kui husat makim maus bilong NIKE long dispela bung i soim sampela samting i kam long sponsasip. Foto: JOE IVAHARIA.

Roger Seeto husat i makim maus bilong kampani i tok: "Seeto Kui aninit long King bren bai saplain ol gutpela samting bilong ragbi lig long gutpela prais long ol sapota na tu ol pilaia long olgeta grup husat stap aninit long PNGRFL olsem SP Kap tim na ol lokel lig.

"Dispela pasin i kamap bilong kisim ol sapota long kamapim ragbi lig insait long kantri.

"Mipela sponsosip bilong Kumul aninit long nem bilong NIKE i wanpela gutpela rot bilong kamapim sapat namel long olgeta manmeri long komyuniti i ken stap insait wantaim," em i tok.

Kantri Menesa bilong NIKE Chris Fifer i tok kampani em makim i gat bilip olsem wanpela gutpela wok bung pasin bai kamap namel long namel long ol wantaim PNGRFL.

Em i tok ol Kumul i kisim gutpela

tingting bilong em wantaim na ol bai pilai wantaim French Roosters na Australia Kangaroo na em i ting ol bai gat bikpela sapat i kam long planti manmeri.

Mista Fifer i tok NIKE i save stap wantaim na sapatim ol bikpela spoting lain manmeri olsem Tiger Woods, Cathy Freeman, Michael Jordan na ol tim olsem Brisbane Broncos, Manchester United na plan narapela lainm manmeri na spot tim olsem na ol Kumul bai mekim gut.

Em i ting olsem ol Kumul mas mekim wankain pasin bilong pilai gut long sait bilong ragbi lig na kamapim nem olsem ol narapela i save mekim.

PNGRFL Siaman John Numapo i tok amamas long dispela wok bung namel long tupela grup.

Mista Numapo i tok dispela em wanpela gutpela rot Seeto Kui i

kamapim helpim ragbi lig long kisim ol saplai bilong spot gia i kam long liklik prais tasol.

Em i tok dispela kain pasin wanpela kampani i soim i no save stap bipo na dispela bai kisim bikpela sapat i kam mlong ol komyuniti.

Em i tok: "Nau ol sapota bilong ragbi insait long kantri, maski ol bilong nesinel tim, SP Kap olsem Mioks, Gurias, wanem narapela. Nau ol bai gat sans long soim ol yet wantaim kala bilong wanem tim ol sapatim."

Dispela em nambawan taim NIKE i sponsoim wanpela spot tim long kantri. Kampani NIKE i bin kamap na statim bisnis bilong ol aninit long Seeto Kui sikspela mun i go pinis na dispela em nambawan taim. Ol opisa bilong kampani i tok dispela em bilong traim tasol bihain bai ol i traim helpim ol narapela spot long kantri tu.

Enjoy Coca-Cola at the right price

The Coca-Cola company want you to purchase your Coca-Cola at the RIGHT PRICE.

You can pick up an icy cold Coca-Cola 355ml can for just K1.10 or 500ml bottle for K1.30.

And you can also grab a 1litre Coca-Cola for K2.00.

Enjoy Coca-Cola and pay no more than the recommended retail price.

Prices apply to other refreshing flavours including Schweppes, Sprite, Fanta, & Diet Coke.



Coca-Cola Amatil (PNG) Ltd.

COCA-COLA, DIET COKE, FANTA, SPRITE, SCHWEPES AND enjoy AND THE CONTOUR BOTTLE DESIGN ARE REGISTERED TRADE MARKS OF THE COCA-COLA COMPANY.



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.